





sm.

Bx

2349

.D74

1715

JESUITICA





R.P. Hieremias Drexelius Augustanus Soc. <sup>tie</sup> IESV  
Sacerdos, Vixit An<sup>os</sup> 57. Obijt 19. Apr. M.DC.XXXIIX.

10  
1  
3

J. B. Keynoogen.



UPPER LIBRARY.

HIEREMIÆ DREXELII.

et SOCIETATE JESU

ASCETICAL WORKS.

O P E R A

OMNIA.

in

XXVIII TRACTATIBUS

Distributa

&

FIGURIS ÆNEIS

adornata

BOSTON COLLEGE

DOMESTIC

LIBRARY

Apud

BALTHASAREM

ab EDMOND

MDCCL

SCHOOL

248.11

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. PHILADELPHIA, PA.

OMNIA

LIBRARY

TRACTATUS

DE

FIGURIS. ENNEIS

ALGEBRA

PER

COLONNELL

DAVID HARRIS

25 BROADWAY

NEW YORK




# R. P. HIEREMIÆ

## DREXELII

### OPUSCULORUM

### I N D E X.

- |                               |                       |                             |
|-------------------------------|-----------------------|-----------------------------|
| I. C                          | Onsiderationes de     | XIV. Gymnasium Patien-      |
|                               | Eternitate.           | tizæ.                       |
| II. Pro                       | dromus Æternita-      | XV. Rhetorica Cœlestis.     |
|                               | tis mortis Nuntius.   | XVI. Gazophylacium          |
| III. Tribunal                 | Christi, seu          | Christi.                    |
|                               | singulare cujusque    | XVII. Aloë Amarum sed       |
|                               | in morte judicium.    | salubris succi.             |
| V. Infernus.                  |                       | XVIII. Delitiæ Gentis       |
| V. Cœlum.                     |                       | Hamanzæ.                    |
| VI. Zodiacus Christianus.     |                       | XIX. Noë Patriarcha.        |
| VII. Horologium Auxilia-      |                       | XX. Joseph Prorex Æ-        |
|                               | ris totelaris Angeli. | gypti.                      |
| VIII. Nicetas, seu trium-     |                       | XXI. Daniel.                |
|                               | phata incontinentia.  | XXII. Tobias.               |
| IX. Trismegistus Christianus. |                       | XXIII. Palestra Christiana. |
|                               |                       | XXIV. Aurifodina Ar-        |
| X. Recta intentio.            |                       | tium omnium &               |
| XI. Heliotropium, seu         |                       | scientiarum.                |
|                               | Conformatio Huma-     | XXV. David.                 |
|                               | næ voluntatis cum     | XXVI. Salomon.              |
|                               | Divina.               | XXVII. Jobus, sive Di-      |
| XII. Orbis Phaëton, hoc       |                       | vinæ Providentiæ            |
|                               | est linguæ vitia.     | Theatrum.                   |
| XIII. Rosæ selectissima-      |                       | XXVIII. Antigrapheus,       |
|                               | rum B. M. Virginis    | sive Conscientia ho-        |
|                               | Deiparæ virtutum      | minis.                      |
|                               | 2. Voll.              |                             |



H. DREXELII.

S. J.

CONSIDERATIONES

BOSTON  
AETERNITATE.

OPERUM

TOMUS I.



COLONIAE,

---

Apud BALTHASAREM  
ab EGMOND.

MDCCXV.

THE NEW YORK

LIBRARY  
OF THE  
CITY OF NEW YORK

ASTOR  
LENOX  
TILDEN



NEW YORK

1877  
JAN 10 1877  
NEW YORK



COLONIÆ AGRIPPINÆ.  
Sumptibus CORNELII ab EGMONDT  
et Sociorum. MD C XXXIV.





MAXIMILIANO

ET

ELISABETHÆ

Sereniss. Principibus, Com.  
Palat. Rheni, Bojorum  
Ducibus,

D O M I N I S

*Clementissimis.*

**Æ**ternitatem, Serenissimi Principes, quam auribus accepistis, nunc etiam reverente ac supplici manu, serenissimis manibus committo. nec id facerem, nisi crederem, cogitationibus vestris *Æternitatem* quotidie sic interesse, ut cælum sit in oculis, *Æternitas* in pectore; nec enim *Principes animos* alia ulla magis implere potest, quam *Æternitatis* cogitatio. Brevius quidem opusculum suscipere non potuissem, sed nec longius. Theologis unum *nunc & instans* est *Æternitas* quo quid esse potest brevius ac contra-

## DEDICATORIA.

tractius? at vero etiam hoc *Æternitatis nunc* tam longum est, ut nullis unquam sæculorum tractibus sit finiendum; quo quid potest esse longius? quæcunque temporum diuturnitas ad *Æternitatem* collata, breve quid est, & simillimum momento. Ita omnem annorum vel extentissimam seriem, non longissimistantum, sed infinitis spatiis excedit *Æternitas*. Atque hujus *Æternitatis* umbra in unius si belli angustias redacta, ad Serenitatum Vestrarum genua, ultro sese atque ex debito submittit, sibi-que lucem ab his geminis serenissimis sideribus perpetuam polliceur. Permittite, Serenissimi Principes, huic umbræ suum impetum. umbra suum solem sequitur; hæc eo audacius ad Serenitates Vestras procurrit, quo certius geminos à se soles repertos credit, *Æternitatis* verè capaces. Serenissimæ stirpis in nostrum ordinem innumera merita, nunc ideo non attingo, quia hoc uno jam augeri rogo, ut pictam hanc *Æternitatis* umbram, Sere-  
nita

## DEDICATORIA.

nitates Vestræ dignentur sua clientela non excludere. Monachii sexto Nonas Iulii, anno à pariente Virgine clō Ioc xx.

Serenitatum V V.

*Infimus cliens*

Hieremias Drexelius  
è Soc. Iesu.

A D  
J U V E N T U T E M  
S T U D I O S A M  
T Y P O G R A P H U S .

**A** Ge nunc , precor , *piarum*  
Sitiens *Juventæ* verum.  
Cupiens salutis undas  
Bibere ex aqua perenni,  
Sacra quam caro profudit  
Habitantis astra Christi.  
Celeri fugit volatu  
Properatque cuncta secum  
Resecare falcis ictu  
Nimiam rapace Tempus.  
Quid ad hæc caduca vertis  
Oculos tuos inepte ?  
Refer ad superna celi  
Loca cogitationem :  
Loca quæ volantis ævi  
Fugiunt fugacitatem :  
Loca quæ voracis Orci  
Superant rapacitatem.  
Ubi nulla sunt timenda,  
Ubi cuncta sunt amanda.  
Ibi tu manens *juventus*  
Inhians bono superno ,  
Animam Beatitatis,  
Sapidi irremota vini  
Fluvio inebriabis.  
Ibi Tempus omne calcans  
Remanebis intra abyssum.

# BENEVOLO LECTORI.

**N**ecdum, benevole Lector, scribendorum  
librorum finis est: alii alios excipiunt,  
& in amplissimas bibliothecarum familias,  
quotidianis argumentis excrescunt: qui ta-  
men hætenus hunc sibi laborem sumpserit,  
scio neminem. Æternitas velut in tabella  
hic proponitur, non legenda solum, sed multo  
magis cogitanda, perpendenda, diu notan-  
que vigilantissima mente versanda. In verbis  
herendum non esse præmoneo: penicillo vo-  
lante & rudi hæc Æternitatis, lineamenta  
ducta sunt, & compluribus locis plus sen-  
sui & pietati dandum erat, quam Latini-  
tati. Neque verò convenit fugientes voculas  
sectari, cum cælum querimus cum domum  
Æternitatis, brevem ingressuri, contem-  
plamur. Itaque te rogo, mi Lector, ne hæc  
tantum animi causa, aut levando fastidio  
inspicias. Hæc vere seria ad animum, salu-  
tem, cælum, immortalitatem spectant. in  
aliis joculari liceat aut nauseare; hic ne-  
mo satis vigilaveris! Vale & vive Æter-  
nitati.

Fons sapientiæ verbum Dei in excelsis &  
ingressus illius mandata Æterna Eccli. C.1.



Infans cum Fato et Naturâ; stultus  
cum ÆTERNITATE ludit;  
sapiens dominabitur astris



2

DE ÆTERNITATE  
CONSIDERATIO  
PRIMA.

*Quid sit Æternitas.*

**I**Nterrogatus Simonides ab Hierone Rege Siculo, inquit Cicer. lib. primo de Natura Deorum, quid Deus sit, diem unum huic considerationi petiit: elapso illo, nondum sibi liquere dixit, & biduum in eandem deliberationem postulavit. Elapso & biduo, triduum sibi deposcit, denique id unum respondit, quo plus cogitaret, plus cogitandum occurrere; minus atque minus expediri se, quo diutius in hac cogitatione luctaretur. Cogitaturis nobis de Æternitate, primum omnium illud se offert quærendorum principium, quid est Æternitas? Boëtius lib. 5. de Consol. prosa 6. ait, esse interminabilis vitæ totam simul & perfectam possessionem. Nemo ægrè feret, si dicamus id sciri non posse, & quo plus indagetur, plus indagandum relinqui, & quomodo enim definiri possit, quod nullos habet fines si quis urgeat & vel umbratilem delineationem cupiat; negando id fieri facilius quàm affirmando putamus. Ita de Deo Plato in Timæo: Quid Deus sit, ait, non novi; quid non sit, novi. Ita Hipponensis Præsul August. serm. 64. de verbis Domini, veram illam apud superos beatitudinem

A 5

dinem depingit, omnem cujuscunque mali cogitationem ab ea removendo: Facilius, ait, invenimus quid ibi non sit, quam quid sit. In cælo non est dolor, non tristitia, nulla penuria, defectus nullus, non morbus, non mors, nullum malum. Ita & de *Æternitate* loqui possumus, quidquid enim in hac vita videmus, & per exteriores sensus admittimus, *Æternum* non est. Quæ enim videntur (ait D. Paulus 2. Cor. 4.) temporalia sunt, quæ autem non videntur, *Æterna* sunt, ita dicere licet; hoc meum gaudium, hæc voluptas mea & delicia; hic thesaurus, honor iste; hoc superbum ædificium, hæc vita mea, fluxa sunt, caduca sunt, *Æterna* non sunt. Ita quocunque digitum intendamus, moritura ostendimus. vulgi voces sunt: hæc structura æterna est, hoc monumentum immortale. ita & impatiens æternos suos dolores esse queritur. Sed breves nimirum sunt æternitates istæ quas facile est verbis comprehendere; de vera æternitate quidquid dicamus, minus dicemus. Sic Augustinus in Psal. 63. Quidquid vis, inquit, dicis de æternitate: ideo autem quidquid vis, dicis, quia quidquid dixeris, minus dicis. Sed ideo necesse est aliquid dicas, ut sit unde cogites, quod non potest dici. Trismegistus in Asclepio suo; Anima, inquit, horizon est æternitatis & temporis; quæ enim immortalis æternitatis est particeps, quæ verò corpori à Deo infusa, particeps est temporis. Antequam verò ulterius progrediamur, ordini servando videamus quid

quid prisce ævi homines, quid Romani, Græci, Ægyptii, alique de Æternitate senserint. Certe agnoverunt hanc, & variè depinxerunt.

*I. Varii veterum de æternitate sensus.  
& picturæ.*

**P**rimo, repræsentarunt æternitatem per Annulum, seu Circulum, qui principio caret & fine, nulla sui parte incipit, nulla desinit, quod divinæ æternitati proprium. Ita cum Deus æternus, & ipsius duratio proprie dicatur æternitas, Ægyptiis circulus Deum significabat. Persæ olim putabant à se tunc quam maximos honores deferri. Deo, si editissima concessa turri, cæli circulum illum appellassent. quin & Turcis in more positum (uti Pierius fusius docet) mane ex altissima specula vociferari: Deus semper fuit, semperque erit: simul & Mahometem suum salutare. Saraceni etiam Deum circulum nominabant. Mercurius ille Trismegistus, quem dixi, nominatissimus Philosophorum (qui tot libros scripsit quot nullus mortalium; si Seleuco & Menæco credimus) Deum sphæram intellectualem esse dixit, cujus centrum sit ubique, circumferentia nusquam, quia nusquam majestas Dei & immensitas terminantur. Ea de causâ veteres Diis suis templa struxerunt rotundâ, sic Numa Pompilius Romæ rotundam ædem fertur sacrasse Vestæ; sic Augustus Cæsar, Agrippæ nomine Diis omnibus templum  
rotundum.

rotundo ambitu dedicasse, & inscripisse Pantheon. Hinc & Pythagoras ut Deum sempiternum ostenderet, à discipulis suis circumactu corporis adorari jubebat, & à Numa, teste Brissonio, statutum ut Deum adoraturi in orbem sese converterent. Ergo Deus priscis est circulus, sed circulus sine peripheria seu circumferentia & cujus centrum est ubique, quoniam omnium principium simul & finis est Deus, *Job. c. 36.* meritissimo exclamat: *Ecce Deus magnus vincens scientiam nostram: numerus annorum ejus inestimabilis.*

Deinde repræsentarunt prisci æternitatem per sphæram & globum. Ita Faustinae Imperatrici moneta cusa hac forma & effigie: globus erat cui insidebat Imperatrix, manum alteram protendens, sceptrum tenens altera cum inscriptione, *Æternitas* hinc veterum multi, mundum, quia rotundus, æternum fuisse censuerunt, quibus apte Divus Basilus respondet: Circularis sit mundus, at circuli principium est centrum.

Tertio, *Æternitatem* priscis significabat & sella, qua æternam quietem designabant. Nasamones Africæ populi, majorem partem non tantum sedentes exspirare, sed etiam hoc situ humari volebant, quasi jam æternitatem & longam illam à laboribus cessationem adiissent. uti subinde hodieque Reges & Cæsares, in subterraneis mausoleis componuntur sedentes taciturna & lugubri majestate. Romanis etiam usitatum, mortuorum Imperatorum fusiles statuas, similibus sellis efful-

effulcire, ut qui jam fruantur æternitate. Sunt homines qui secum ipsi ratiocinentur sæpius in hunc modum: En ego à curis & laboribus tam male adhuc habitus & oppressus, quin respiro, quin paulo non-nihil, quin labores hos & molestos, & longos desino; diu satis laboratum est laborent tantundem & alii, quantum ego: quiesco jam igitur, & cessò. Ita fellas sibi ponunt & ferias indicunt, sed ò non diu duraturas; fellam locant, quietem amplexantur, sed nec loco suo, nec suo tempore, quàm vere & sancte aureus ille de Christo imitando libellus (lib. 2. cap. 12.) aurem nobis vellicat his verbis *Dispone & ordina omnia secundum tuum velle & videre, & non invenies, nisi semper aliquid pati debere, aut sponte aut invite, & ita crucem semper invenies. & ; Tota vita Christi crux fuit & martyrium, & tu quæris requiem & gaudium? Ergo sella in cælo locanda est, non hic; inter tot turbas quietas non stabit, & ut parcant sellæ huic omnia, mors demum evertet, requies vera speranda nulla est, nisi æterna. si tamen ulla sit quies in hac vita, ista erit: totum se, suaque omnia Deo Deique voluntati penitus committere, illi ex toto fidere, cætera omnia vana ducere. Ita nos instruens Ecclesiasticus cap. 12. *Conside*, ait, *in Deo, & mane in loco tuo*, extra hanc animi quietem turbæ meræ, merum mare & magni fluctus, & præsentis inferi. sed ad præscos redeo.*

Quarto, per Solem & Lunam adumbrata est præscis *Æternitas*. Sol semper revivi-

reviviscit, tametsi quotidie videatur mori,  
& à seipso sepeliri; semper resurgit, licet  
quotidie in præceptis eat & occidat. ita &  
Luna nunquam non recrescit & ditatur,  
post menstruum suam paupertatem. Ca-  
tullus bene monet in suis hendecasylla-  
bis:

*Soles occidere & redire possunt,  
Nobis cum semel occidit brevis lux,  
Nox est perpetuo una dorminda.*

Apud inferos certe perpetua isthæc nox  
erit, sed sine somno: nemo illic dormit,  
quia hic dormierunt cum vigilandum fu-  
isset: illic ergo vigilant post somnum in  
peccatis non longum, quem ipsi tamen, si  
potuissent, longissimum fecissent, imo æ-  
ternum. Alia longè ratio in cælo. Ec-  
clesia Romana canit de Christi Martyri-  
bus: Lux perpetua lucebit Sanctis tuis &  
æternitas temporum, hic quies, hic volu-  
ptas est, post labores & vigilias non diu-  
turnas.

Quinto, per Basiliscum monstratur à  
veteribus *Æternitas*. animal hoc o-  
mnium venenatissimum est, & solum,  
ait Horus Niliacus, humana vi manuque  
interfici nequit. imo tam virulentum est,  
ut herbas necet solo afflatu, animalia ce-  
tera fuget vel sibilis suis, aves conticesce-  
re faciat quam primum adesse auditur.  
Refert Ælianus, in Africæ solitudine ju-  
mentum defecisse, & ad illius cadaver,  
velut ad convivium, complures serpentes  
convenisse, at solo basilisci sibilo fugatos,  
arenis sese abdidisse. *Æternitas* quæ vel  
in gaudiis, vel in tormentis erit, à nullo  
præ-



præcidi, minuique, multo minus tolli aut  
declinari poterit. nec mirum si omnes,  
quibus est integra ratio, perterrefaciat  
vel leviter cogitata, infinita sunt hujus  
basilisci volumina, immensi & inevolu-  
biles gyri orbesque. heu tremendum dra-  
conem ! Hic ad nos paululum diverta-  
mus. Fit nonnunquam, cum in semet de-  
scendit quispiam, & instituendæ confes-  
sioni conscientiam rimatur, ut copiosos,  
serpentum nidos, & tota viperarum agmi-  
na reperiât, mireturque secum ipse ; Et  
quæso unde tantum veneni in meo pecto-  
re, unde tot pingues colubri, tot grævia,  
tot mortalia peccata ? unde tantus lacer-  
tularum exercitus, unde tot fœdæ & libi-  
dinosæ cogitationes ? horreo ipse tam nu-  
merosam pestem. ne mireris, causam rei  
facile pandemus. generandis serpentibus  
valde aptus est locus & humidus & ne-  
glectus. en, duplex causa, & humor lo-  
ci, & negligentia eorum quæ curari de-  
berent. idem prorsus est in animo huma-  
no. si pleraque omnis cura impendatur  
corpori, delicate id tractetur, laudè nu-  
tritur, epulis saginetur, voluptatibus  
mulceatur ; animum, incolam illius, in  
humido habitare fatendum est, si jam ac-  
cedat incuria & neglectus divinorum,  
& nulla salutis ratio habeatur, modo sal-  
vum corpus, modo corpori bene sit, quic-  
quid fiat animo ; si deinde confessio sit  
rara ; & fere perfunctoria, quid mirum  
plurimos hic nasci serpentes, plurimas re-  
periri letales noxas ? At, ô bone Chri-  
stiane, immitte pectori tuo hunc basili-  
scum

scum, admitte cogitationem de *Æternitate*, & senties paulatim evanescere virosas has bestias. fateris ipse cor tuum scaterere his anguibus, signum ergo est te rarò hætenus aut nunquam de *Æternitate* cogitasse. emenda, & vel jam incipe assidue illud in animo volvere.

*Momentaneum quod delectat, æternum quod cruciat.*

Sexto, in hunc denique modum pingebatur *Æternitas*: Antrum statuebatur ingens, formidabile, hoc circumplexu suo cingebat serpens, & in revolutione ista caudam sibi admordebat. ad antri dextram stabat juvenis, amœni & floridi vultus, arcum dextera & duplices sagittas, læva citharam gerens. huic ipso, antri aditu senex sedet oppositus, & attentum in tabellam vultum defigens scriptitat, si quid vel cœlesti globi motus, vel adstans juvenis dicteret scribendum. ad lævam hujus spelæi matrona sedet exercitato vultu & cano capite, ad ostium specus quatuor sunt gradus, alius alio altior, primus ferreus, secundus, æneus, argenteus tertius, aureus quartus, in his ludentes & vagabundi pueruli oberrant, lapsus & periculorum securi, hæc pictura est, picturæ sensus est iste: Antrum *Æternitatis* incomprehensibilitatem significat, vipera in orbem replicata, Tempus; juvenis, Deum, in cujus manu cœlum, terra inferi terra & tartarum tela Numinis excipit, cœlum citharam duntaxat novit & gaudia; senex ille fatum, seu, quod Deus ab æterno effatus est; femina, Naturam;

distin-

distinctas ætates & sæcula, gradus distincti, puelli per gradus discurrentes, res creatas designant, maxime hominem in rebus suæ salutis ludibundum, & in ipso *Æternitatis* ingressu jocantem. Eheu, mortales, diu satis lusimus in ipsis summis periculis: *Æternitati* proximi sumus, in illius aditu consistimus dum vivimus. levissimo mortis impulsu fit, & jam in tota sumus *Æternitate*. non opus est ut mors magnis viribus in nos pugnet aut longo tempore: momento præcipitatur, & è gradibus istis devolvimur in *Æternitatis* Oceanum. Cogitate, vos qui in gradibus his luditis, & omnia alia quam *Æternitatem* cogitatis, forsan hodie aut cras in illa futuri.

## II. *Arcanus scripturæ sensus aperitur.*

**C**Apit hoc de pictura & typo *Æternitatis*, sacra pagina divina veritate non incommode interpellabit. Nabuchodonosor Rex Babylonius\*, cum tres Hebræos juvenes impia jussa derectantes, in accensam fornacem conjici jussisset, flamma super fornacem effusa est cubitis quadraginta novem. Res omnino miranda, nec sine certo mysterio. ecquis rapacissimæ flammæ volatilem altitudinem tam accurate mensus est; quis illuc ascendit & mensuram regulam applicuit, & cubitos non quinquagenos, sed novenos tantum supra quadragenos deprehendit; neque verò ita loqui solemus, sed viginti, triginta quinquaginta numeramus, etsi paullò  
B . . . . . plures

\* *Dan.* 3.

plures sint aut pauciores quos numeramus. hîc unicus cubitus ad quinquagesimum numerum deesse dicitur. mysterium hîc est & arcanus sensus. Numerus quinquagesimus Jubilæum olim significabat: ac flammæ in Orciniana illa Babylonia, etsi supra omnem modū tam in corpora quàm in ipsas etiam animas sæviant, & immane quantum supra omnes hujus vitæ cruciatus excrescant, nunquam tamen eo pertingent, ut Jubilæi gratiam attingant, apud inferos Jubilæum nullum est, nulla venia, tormentorum finis nullus. nunc illud Jubilæum est, non singulis tantum centenis aut quinquagenis annis; singulis diebus est, singulis horis, momentis, una pars horulæ veniam nunc impetrare potest, quam non potest tota illic Æternitas. una jam diecula plus debitorum potest dissolvere, quàm in lustralibus ipsi toti anni, aut sæcula. Huic & aliam diuinæ paginæ explanationem addamus. Cum Iordanem\* Dei populus transfret, aquæ inferiores in mare solitudinis (quod nunc vocatur mortuum) descenderunt, usquequò omnino deficerent, & Ecclesiasticus †: *Est, inquit, qui multa redimat modico pretio.* duo hæc testimonia Scripturæ conjungit Galfridus & super iis sic differit\*: Si perennis tibi amaritudo debetur, & evadere potes, percipiens temporalem, magna utique parvò pretio redemisti. Fateor, mare est in quo navigas, sed mare mortuum & quantas gratiarum actiones debes Deo, quod mare falsum, insanum, intransmeabile merueras,

&

\*Ios. 3. †Eccl. 10. \*Clare, valles, in Cant.

& ecce illud tibi mari mortuo misericorditer commutavit, utinam per mare mortuum ad terram viventium valeas pertransire. Comparat hic scriptor omnia hujus vitæ adversa mari mortuo, æterna verò supplicia mari falso & intransineabili, nemo utrumque evadit, aut hoc aut illud navigandum est. Quid agis, ô homo (exclamat D. Chrysostomus) cælum paras adscendere, & interrogas ne qua tibi difficultas occurrat. quicquid faciamus, hoc mare mortuum transendum est. penes nos est an in tranquillum portum beatitudinis appellere velimus. Fons sapientiæ\*, verbum Dei in excelsis, & ingressus illius mandata æterna. Per mare hoc mortuum, in regionem vivorum, via alia non patet, quam via mandatorum Dei. Oraculum liquidissimum habemus: *Si vis ad vitam ingredi, serva mandata.* per hos fines aditur Æternitas †. Quod si ab hujus ævi Theologo quærat: *Quid est ergo æternitas?* Est circulus (dicet) in se recurrens, cujus centrum *Semper*, circumferentia. *Nusquam*, hoc est, *Nunquam finiri.* *Quid est Æternitas?* est orbis undique rotundus, sui que similis, in quo non est principium nec finis. *quid est Æternitas?* rota quæ semper volvitur, & volvetur in omne volubilis ævum. *quid est Æternitas?* est annus jugiter revolutus, qui ubi moritur & occidit, ibi & renascitur rursusq; oritur *quid est Æternitas?* fons jugis in quo per mandatos aquæ ad suam semper refluant originem, ut iterum fluant *quid est Æternitas?*

B 2

peren-

\* Eccl. 1. † Cornelio de Lapide.

perennis leaturigo, juges emanans aquas, vel benedictionis suavissimas, vel amarissimas maledictionis. *quid est Æternitas?* Labyrinthus innumeris sese gyris intorquens, qui ingressos perpetuo circumducit, circumagit & perdit. *quid est Æternitas?* Est abyssus spirarum & revolutionum; est spira semper gyrans & circulans in immensum. *quid est Æternitas?* anguis orbiculatim in se reflexus, caudam ore complectens, qui in sui fine rursum semper incipit, & incipere nunquam desinet. *quid est Æternitas?* est duratio semper præsens, est unum perpetuum *Hodie*, quod non transit in præteritum, aut futurum. *quid est Æternitas?* \* est ævum æverum, ait Dionysius, quod non interit, sed eodem modo semper se habet. *quid est Æternitas?* Est principium sine principio, sine medio, sine fine. est juxta, interminatum, semperque inchoans principium: in quo beati beatam vitam continuo auspicantur, novisque voluptatibus perpetuo affluunt: in quo damnati semper moriuntur, postque omnem mortem mortisque luctam, rursus jugiter mori & cum morte luctari incipiunt. quam diu Deus erit Deus, tam diu beati erunt beati, tam diu regnabunt & triumphabunt; tam diu damnati infandum ardebunt & clamabunt: *Cruciamur in hac flamma, cruciandi & torquendi Æternum.*

\* C. 10. de divinis nomi.

III. *Æternitatis locus, cur mansio  
dicatur.*

**A**lexandrinus Pontifex Joannes\*, sum-  
mæ pietatis vir, cum ægros visitabat sæ-  
pius, socium habebat quandoque Troi-  
lum Episcopum, nummorum magis quam  
agrorum amantem hunc in aurem intu-  
surans Joannes: Amabo, inquit, frater,  
amicos Christi juvenus. calidus ad hæc  
Troilus & animi morbum vafre diffimu-  
lans, pecuniam omnem, quam tunc servus  
rebus emendis aliis secum ferebat, egenis  
dari præcepit, nec ita multo post febricula  
cœpit tentari, quam ei creavit avaritia.  
Audiit hoc Alexandrinus Patriarcha, &  
morbi causam, quæ erat, facili conjectu-  
ra assecutus, tantundem argenti, quan-  
tum nuper inter ægros distributum, se-  
cum ipse ad febricitantem attulit, & pro-  
ducto nonnihil sermone: Jocabar, in-  
quit, nuper, & à te stipem agrotis roga-  
bam, cum ea servo meo decisset, & en  
bona fide mutuos Philippeos refero, &  
gratias ago. Vidit Troilus præsentem mo-  
netam, & mox decilis illa febris remit-  
tere, & æstus mitigari, & omnia jam me-  
lius habere, itaque & ad prandium va-  
lentior surgere, & una ire ad mensam:  
secundum meridiem finitisque epulis  
Troilus domi dormire cœpit, & suaviter  
meridiari. vidit hic per somnium amplis-  
simas ædes, & in illarum fronte supra ja-

B 3. nuam

\* De quo Leontius Neap. Cypr. epif. in vita  
S. Joann. elemosynarii cap. 26. interpre-  
te Anastasio S. R. E. Bibliothec.

nuam titulum: *Mansio æterna & requies Troili Episcopi* gaudet somnians, sed mox aliud videt & dolet. adest qui adductis secum operis serio imperans: Tolle, inquit, hanc ædium inscriptionem, & istam ejus loco suffigite: *Mansio æterna & requies Joannis Archiepiscopi Alexandria, emptæ libris triginta.* horruit ad somnium istud Troilus, nec vanum esse voluit, & ex avaro atque immiti multo liberalior, in egenos præsertim evasit hoc illi vel in somnis *Æterna illa mansio* vilâ persuasit.

O beatæ mansiones, & ideo beatæ quia æternæ! Quam cupit Christus ut tabernulas nostras, & tuguriola brevi ruitura fastidiamus, illas amemus, ad illas properemus *Mansiones Æternas*: \* *In domo patris mei*, inquit, *mansiones multe sunt*: nemo hinc arcetur nisi à seipso: locus neminem excludit, longe quam amplissimus; tempus neminem expellit, mansio illic est, & quidem *Mansio Æterna*.

O æterne, misericors Deus ô æterna veritas, ô vera charitas, ô chara æternitas! cæcitati nostræ sic medere, ut è præsentibus & brevibus ærumnis agnoscamus futuras, horribiles æternas pœnas. duc nos & doce nos, ut bona peritura sic possideamus, ne amittamus æterna; committas noxas sic lugeamus, ut supplicium evadamus æternum; sic nos geramus in hospitio, ne *Mansionibus Æternis* excidamus; sic progrediamur in via, ne repellamur à patria.

CON



## 23 CONSIDERATIO SECUNDA.

*In quibus natura representet Æternitatem.*

Æternitatem ergo agnoverunt etiam idololatræ, qualemcunque istam, quam & per certa signa descripserunt, Deus enim illis manifestavit, ita ut sint inexcusabiles. \* Quanto jam commendatior debet esse hæc cogitatio Christianis, quibus Æternitas aliter longe meliusque depingitur. propter quod inexcusabilis es, ô homo, quisquis saluberrimam hanc Æternitatis memoriam etiam monitus, tradis tamen securæ oblivioni. Sæpe tibi in oculis sunt annuli & circuli, sphærulæ & globi, sellæ & sessorii lectuli; sol & luna oculos identidem incurrun. & hæc aspecta Æternitatis tibi memoriam ingerunt. Sed & Natura ipsa, bona mater, ea in publicum proponit, quorum aspectu audituque ad Æternitatem meditandam invitaris.

Memorat Solinus, Arcadiæ lapidem. (Asbestos dicitur) ubi flammæ semina conceperit, continuis pæne ignibus ardere. ideo in delubris olim & sepulchris ex illo lampades concinnabantur. cujus etiam D. Augustinus meminit. Addo Plinium \*, Volaterranum, Dioscordem, plures alios qui mira referunt de lini quodam genere. varii hoc nominis est, nam Asbestinum, Carystium, Indicum, sed & *vivum* vocatur. hoc igni non tantum non consumitur, sed lavatur & extergitur.

B 4

\* *Ad Rom. I. † lib. 21. de Civita. cap. 5.*

Incurvati sunt colles mundi, ab intineribus  
ÆTERNITATIS eius. Habac. C. 3.



*Basiliscus, Salamandra, Phœnix, anulus aureus, mons  
igneus ÆTERNITATIS in terrâ monere possunt:  
æternos in cælo facere non potest nisi beata  
ÆTERNITAS.*

tur. Ideo Regum aliquot cadavera rogis injicienda & cremanda, tali linteo fuerunt obvoluta, vitandæ confusioni cinerum, & his ab illis distinguendis. Ex hoc lino mantile habuit Nero, quod contra gemmas atque aurum prætiosum æstimabatur. En tibi ducem & magistram naturam, quæ digito id monstret quod suam in ignibus mortem non reperiatur. ita damnati omnes ardebunt & non deflagrabit, urentur perpetuum, & nunquam confumentur, quærent in his flammis mortem, non reperiunt. recte Amandus exclamat: \*O vix æternum, nunquam finem habiturum! ò filis sine fine, mors gravior omni morte; semper mori, & non posse unquam emori. ita divinus Isaias: † *Ignis eorum nunquam extinguetur.* ‡ & Apocalypticus ille angelus: *Desiderabunt mori & mors fugiet ab eis.*

Salamandram in ignibus vivam aliquantò certe tempore durare posse, præter Aristotelem, Plinium, Galenum, Ælianum, Dioscoridem, etiam D. Augustinus credidit, frigidissimum hoc animal est, ex imbris us natum; sol & siccitas mors illi sunt, hinc in flammis, Plinii sensu, perinde ut glacies durat. è pelle illius lychni sunt perpetuis lampadibus instruendi. Bonus Deus qui Salamandram è terra & luto producit, formavit & hominem ex eodem scilicet auto, sed natura longè nobiliori\*; minuit eum paullo minus ab angelis: certè idem illi

B 5

quod

\* *Horol. sapientia.* † *Is. cap. ult.* ‡ *Apoc. cap. 9.* \* *Psal. 8.* † *Psal. 48.*

quod angelis regnum assignavit, post vitæ tirocinium habitandum. \* Sed homo cum in honore esset, non intellexit; comparatus est jumentis insipientibus & similis factus est illis. Sua ipse malitia talem se fecit. Salamandram, quæ in flammis æternis, seu viveret semper, seu semper moreretur. In igneis illis inferorum ergastulis omnia æterna sunt, sex tamen præcipuè ista.

*I. Quanam apud inferos sint æterna.*

1. **D**amnatus ipse æternus immortalis est. nullus alterum, nec seipsum ullus poterit interimere. quærent mortem & non invenient eam. \* Imo hoc ipsum moriendi desiderium, quod scient nunquam explendum, ingens illis tormentum erit.

2. Carcer ipse æternus est: rueri non potest, non effringi, non suffodi. montibus atque rupibus obsecratus est. hæc seræ atque repagula nimium firma sunt, nulli concessura egressum. Si quis damnatorum judicii diem inde ad nos commeat, Deo id permittente fit, sed suos ille secum inferos circumfert, è cruciatu non immunis. Occurrit hic duorum Theologorum disputatio non vana, de situ locoque corporum apud inferos. illorum alter Geometra simul non rudis, in hunc ferè modum differebat: † Certum est è Christi ore maximam hominum partem damnandam, ita ut beatorum pauci sint futuri, ad incredibilem illum numerum damnar-

\* *Apo. 2.* † *Mat. 7.*

nandorum. Veritatis verba sunt: *Intrate per angustam portam, quia lata porta & spatioſa via eſt, quæ ducit ad perditionem, & Multi ſunt qui intrant per eam. quàm anguſta porta, & arcta via eſt, quæ ducit ad vitam, & Pauci ſunt qui inveniunt eam!* quæſo te, crediturne hoc in mundo? num hæc Chriſti verba eſſe cenſentur? Sed ad inſtitutum. terræ medium & centrum, inferorum ſedes eſt, & qui poſſit hæc (enim verò dimetiamur) tot milliones hominum ſatis capere, niſi dicamus corpus illic à corpore penetrari? Non hoc neceſſe eſt, ait alter, ſed erunt ſicut haleces in dolio, inter quos arcte compreſſos ſal tantum medius eſt: ita inter damnatos ignis, aut erunt ſicut lateres in calcaria fornace; alter alteri hærer, flammæ viſ omnes penetrat. divina ſcriptura clare aſſentitur, alia tamen ſimilitudine: *Sicut oves in inferno poſiti ſunt, mors depaſcet eos\**. non erunt ut oves in paſcuis, ſed ut in macello jam jugulatæ, & in cumulum unum projectæ. Ergo & damnatorum locus æternus.

3. Non minus æternus eſt Ignis ille nullis unquam ſæculis extinguentus. Chriſtus apud Matthæum nimis quam clare præmonet: *Discedite à me maledicti in ignem æternum†*. audis? *Æternum*. hunc ira divina ſuſcitatur nunquam ſopindum; ‡ Iſaias atteſtatur: Flatus domini ſicut torrens ſulphuris ſuccendens eam, nocte & die non extinguetur, in ſempiternum aſcendet fumus ejus. Pariter relata ſunt,

\* *Pſ. 48.* † *Matth. cap. 25.* ‡ *Iſai. cap. 30.*  
& 34.

sunt, inquit Augustinus \*, hinc supplicium æternum, in vita æterna: dicere ergo, vita æterna sine fine erit, supplicium æternum habebit finem, valde absurdum est. Quis cunctabitur plene converti?

4. Æque ac cetera æternum Vermis est, & conscientia ob preteritam vitam afflictissima & desperatissima. † Vermis eorum non moritur, prædicit Isaias. Hoc olim poëta è sacris litteris in fabula transfulerunt; quid enim aliud Virgilianus ille Tityus, qui quotidie advolanti vulturi jocus præbet erodendum ac lacerandum, quodque proxima semper nocte in novam lanienam nascitur: quid hoc aliud nisi vermis iste & conscientia perpetuis morsibus dicerenda?

5. Ad eandem spectat æternitatem gehennæ sententia ultima, & omnium novissimum judicis Christi decretum, decretum heu irrevocabile, immutabile, æternum, nulla ab hoc ad alium judicem appellatio aut provocatio, nulla quæ apud Iuriconsultos replica aut triplica, revisio nulla, nullæ comperendinationes, aut inducia, quod semel hujus judicis ore pronunciatum est, revocari non potest in omnes omnino ævitermitates. mater nostra, ‡ Romana Ecclesia fideliter nos monet, sæpiusque illud occinit: Peccantem me quotidie, & non me poenitentem, timor mortis conturbat me, quia in inferno nulla est redemptio, nulla, nulla; sed æterna desperatio. sanguis Christi, etiam

recens

\* Lib. 12. de Civit. cap. 23. \* Isai. cap. 66.

‡ Offic. mort. Noct. 3. Resp. 1

recens fufus in Golgothæo monte, & ad fatisfaciendum efficaciffimus, ad damnatos tamen non pertigit. Si jugum domini, inquit Bernardus, jugum poenitentiae, fuave non creditis in feipfo; vel hoc non ignoratis, quia fuaviffimum eft comparatione illius, de quo dicitur: Ite in ignem æternum.

6. Quod fine caret apud inferos, eft poena damni, quam vocant, æterna divini afpectus privatio, qua cum omnibus aliis inferorum tormentis & cruciatibus finem nullum habebit, neque enim hic ulla efle poteft fatisfactio. & quamvis hæc tormenta durent aliquot mille miliones annorum, tamen nec unicus quidem dies, imo nec horula, nec momentum quieti & refpirationi concedetur, tormentorum quidem varietas erit & viciffitudo, fed in majorem poenam & dolorem. Chriftus difertiffime præmonuit per Matthæum non femel\*: Filii regni ejicientur in tenebras exteriores, ibi erit fletus & ftridor dentium; fletus in igne, dentium ftridor in frigore & glacie. Quæ ratione igitur homo tam fui quàm Dei obliuifci, & quomodo adeò in pecudem degenerare, imò in faxum & rupem indurefcere poteft, ut, cum inexplicabiles illos & infandos cruciatus æternitate tota duraturos cogitat, nil formidet, non horreat, non fibi ipfi dicat: Re ipfa in via fum ad æternitatem, & forfan via hæc brevi finietur: in gradibus æternitatis jam fedeo, quovis leviffimo impulfu hinc præcipi-

\* *Matth. cap. 7. & 22. & 24.*

capitor in immensam voraginem. quod si tam molestum & intolerabile videtur, unicum solum noctem vigilantibus & inconnivis oculis, in molli tamen lecto, suspirare & gemere, ob capitis aut alterius membri, ob dentium aut calculi dolores, cum serum mane vix expectari potest, cum sol in via hærere creditur, cum nox una videretur hebdomas: & tamen in plurimis cubatur, spes est mansuetioris diei, solatium & subsidium à medico expectatur. Ah! quid erit ergo in flammis, mille atque mille & iterum mille annis noctes diesque vigilare, esurire, sitire, ardere, membris omnibus extremè cruciari, refrigerium nullum, quietem nec minimam sperare, desperare omnia, atque sic ustulari & torqueri per infinitas sæculorum myriadas, & finem horum non tantum nullum esse, sed nec ullum sperari posse. \* Ibi, inquit Thomas de Christi imitatione, erit una hora gravior in pœna, quam hic centum anni in amarissima pœnitentia Ibi nulla requies est, nulla consolatio damnatis. † O domine ne in furore tuo arguas me, neque in ira tua corripias me. ‡ Delicta juventutis meæ & ignorantias meas ne memineris. Perii, nisi parcas, ô Deus.

## II. *Cur gehenna sit aterna.*

¶ Hic ad rem nascitur quæstio à cunctis fieri dignissima, quomodo fieri possit, ut Deus misericors ille & bonus, & cujus misericordia super omnia opera ejus, nihilominus tamen vel unicum letale peccatum,

\* Lib. 1. cap. 24. † Psal. 6. ‡ Psal. 24.



catum, vel momento, vel sola etiam cognitione patratum, iustissime puniat in omnem prorsus æternitatem, ita quidem ut illud nunquam satis puniri queat, & quotquot annorum millia peragantur, tamen nunquam dici possit: Jam satis punitum est hoc crimen, jam satisfecit reus iste, jam cogitationem malignam, qua Deum offenderat, eluit. Et hæc optimorum Theologorum mens est, solam morosam delectationem mortale peccatum esse. delectationem morosam vocant eam, cum quis impuram & libidinofam cogitationem animo volvens, non quidem statuit re patrare quod cogitat, sed cogitatu illo suo sciens & volens immoratur, & delectatur. Ergo cogitationi unicæ rogos æternos Deus decreverit; & quæ hæc æqualitas est, peccato momentaneo, quod nemini noceat, supplicium æternum statueret? ut quid beatus David\* vociferatur: Confitemini domino, quoniam bonus, quoniam in æternum misericordia ejus, ut qui hoc vicies septies repetit, si Deus tam severus est; # Ad hæc respondent D. Augustinus, D. Gregorius, D. Thomas Aquinas, alii: Culpam in quovis mortali peccato ex natura sua esse infinitam, quia peccatum injuria est in infinitam Dei majestatem. accedit & illud, quod qui moritur peccati levalis conscius, nec dolet admissi, tantundem facit ac si æternum peccasset, si quidem ei æternum vivere concessum fuisset. peccandi voluntatem non amisit iste, sed vitam, semper peccatu-

\* Ps. 13. # Tom. I. 2. q. 87. art. 5. ad 2.

caturus, si semper victurus; ita non pec-  
care desit, sed vivere. Insuper & istud  
hic considerandum: damnatum homi-  
nem, quantumcunque debitorum persol-  
vat, nunquam tamen satisfacere. cum  
enim ut hostis, apud Deum in gratia non  
sit, solutio ejus digna non est quæ acce-  
petur, quando nec ipse homo est acce-  
ptus, sed nec debitorum quidquam per-  
solvit talis, cum nihil faciat, sed solum  
patiatur eas, quibus invitus plectitur, pœ-  
nas. ab exemplo res magis patebit. Debet  
quis vicino mille philippeos, quos ab illo  
accepit, domum suam censui perpetuo  
subjiciens, pensum quotannis soluturus,  
intra viginti annos totidem philippeos  
persolvit vicino, quot ab eo accepit, num  
ergo ab omni jam debito liber, nil restat  
solvendum? totum omnino pecuniæ ca-  
put; quod tam integrè solvendum reman-  
et, ac si nil unquam fuisset exolutum,  
ea enim talium conventorum lex est, ut  
numeratæ pecuniæ caput semper inte-  
grum permaneat, etsi redditus annuus  
semper persolvatur. sic prorsus damnati  
quidquid denum pœnarum persolvant,  
ære tamen alieno nunquam exeunt. æteri-  
ni debitores, perpetui Deo tributarii.\*  
Isaias vaticinatur: Eterit fortitudo vestra  
ut favilla stuppæ, & opus vestrum quasi  
scintilla, & succenderetur utrumque simul  
& non erit qui exstinguat.

‡ Tiberium Cæsarem olim, narrat Sue-  
tonius, in recognoscendis custodiis cui-  
dam pœnæ maturitatem precanti respon-  
disse:

\* *Esaias cap. I. ‡ Suet. lib. 3. cap. 6.*

disse : *Nondum tecum ingratiam redii.* Christus iustissimus iudex, non tyrannus, non Tiberius, est, sed, etsi damnatus quispiam post mille annos in flammis exactos mortis maturitatem rogaret, idem tamen ei responderet : *Nondum tecum in gratiam redii.* roget hoc idem post alios mille annos ; idem audiet : *Nondum tecum in gratiam redii.* roget hoc post centum millia annorum, non aliud respondebitur. roget hoc post aliquot milliones annorum, idem semper Christus iudex opponet ; *Nondum tecum in gratiam redii,* nec redibo ; redire olim volui. gratiam meam millies atque millies tibi obtuli, sed tu repulisti eam. amicus esse volui, imo pater, sed tu nolui esse filius, dissimulavi, tacui, expectavi, quadraginta, quinquaginta, sexaginta annis, si forsitan mutares animum & vitam, sed nulla secuta est seria aut constans pœnitentia ; despexisti omne consilium meum, & increpationes meas neglexisti ; exosam habuisti & detraxisti universæ correptioni meæ\*. comede igitur fructus viæ tuæ, tuisque consiliis saturare. Ego in interitu tuo ridebo æternum, nec aliud tibi iustitia mea post infinita sæcula respondebit, quàm quod *nondum tecum in gratiam redierim.* O superi ! ô Deus ! ô peccatum, ô præcipitium humani generis, in barathrum tormentorum, in Æternitatis luctuosissimam abyssum ! ‡ sed iustus es Domine & rectum iudicium tuum. Iustum est, æquum est, ut qui per pœnitentiam oblata nun-

C

quam

\* *Prov. cap. I* ‡ *Psal. 18.*

quam uti voluit misericordia, per pœnam  
semper intentata puniatur iustitia.

III. *Alii ad Æternitatem naturæ ductus.*

**S**ed ad naturæ magisterium redeo circa æternitatis considerationem.\* Ther-  
mæ reperiuntur in montibus & scopulis,  
tanta talique sonantium aquarum colli-  
fione & murmure, ut qui illuc valetudi-  
nem curaturi conveniunt, si primo ther-  
marum ingressu, certum symphonix ge-  
nus, & instrumenta sibi musica se audire  
imaginentur, tam assiduo fragore aures  
illis obtundantur, ut musica initio sua-  
vissima, imaginatione diuturna in fasti-  
dium & cruciatum abeat: si vero qui  
tympanum sibi, aut sonorum magis in-  
strumentum imaginati sunt demum pate-  
intendant, ob molestissimum assidue ob-  
turbantem strepitum. Etiam hic ad cegi-  
randam Æternitatem ducimur, sub mon-  
tibus illis inferorum claustris clamor ille,  
ploratus, fragor, ululatus qui primo in-  
gressu cœpit, nunquam desinet, aures &  
non imaginationem tantum cruciabit  
assidue, nec assuetudine quidquam ho-  
rum mitigari poterit. è contra inter bea-  
tos cœleste illud Trisagion, *Sanctus, San-  
ctus, Sanctus*, non tantum nec minimum  
tædii creabit, sed nova semper voluptate  
audietur.

Christus cum Samaritana femina col-  
locutus, mentionem æternitatis æternæ-  
que vitæ ultra quam vigesies injecit, &  
‡ Qui autem biberit ex aqua quam ego  
dabo

\* *F. Faber l. 2. de Reb. Suevic. ‡ Joan. 4.*

dabo ei, non sitiet in æternum, sed fiet in eo fons salientis in vitam æternam. Utinam & nos cum Samaritide hos fontes sitiremus, & seriis precibus rogaemus: O Domine, da mihi hanc aquam, ut non sitiam: da, ô Christe vel guttulam hujus aquæ, vel aliquod saltem desiderium æternæ vitæ.

Sed aliud habet quod monstret Natura. Anno post Virginis partum octogesimo primo (uti Suetonius\*, Dio & Plinius Secundus fusius memorant) Calendis Novembribus, hora septima, ad montem Vesuvium in Campania horribilis flammarum eruptio facta est, quam præcessit inusitata siccitas, & graves terræ motus: auditi etiam subterranei sonitus, velut si tonitrua mugirent: dein mare fremere & magnum fieri, cælum omne resonare, quasi montes in conflictum corruerent, tum vero ingentia saxa subfilire, mistis famo flammisque, aër omnis inscisci, sol ipse occultari. unde plerisque persuasum, mundum in chaos redigendum, aut igne absumendum. tanta namque copia cineris effusa est, ut terram, mare, aërem compleret, hominibus, prædiis, pecoribus maximo illato damno, piscibus atque volucribus necatis, duabus urbibus, Herculano & Pompejis, dum populus in theatro spectaret, penitus obrutis. Atque hæc aliaque id genus cavernosa præcipitia & montium juga, quæ continuis ignibus flagent, nec tamen unquam consumuntur aut deflagrant, viva exempla à Deo hominibus.

C 2

nibus.

\* Suet. in Tit. c. 8. Dio in Tit. Plin. ep. ad Tacit.

nibus data esse, incendii apud inferos Æterni, quo fontium corpora semper urentur, nunquam comburentur. \* Tertullianus imprimis, Minutius, & Pacianus declarant. Vide, mi homo, quam etiam hic natura solerter præeat & manu ducat ad contemplandam Æternitatem.

Ipsam denique tempus nostrum; signum est & quasi vestigium Æternitatis. Cuperet natura, è signo signatum disceremus, nostroque tempore Æternitatem illam metiremur. Augustinus ‡: Inter temporalia, inquit, & æterna hoc interest, quod temporalia plus diligantur, antequam habeantur, vilescant autem cum advenerint, non enim satiat animum, nisi incorruptibilis gaudii vera & certa Æternitas: Æternum vero ardentius diligitur adeptum, quam desideratum; quia ibi plus adeptura est charitas, quam fides credidit, aut spes desideravit. Ah! quomodo non sordet nobis terra, brevi deferenda, cum cælum adspicimus, æterno dominio possidendum?

\* *Tertul. Apoc. cap. 48. Minut. in Octavio. Pacia. de. pœnit. & confes. ‡ In Sent. sent. 270.*

37

## CONSIDERATIO TERTIA.

*In quo potissimum Æternitatem  
suam Romani veteres collo  
carint.*

**P**linius Secundus : \*Beatos puto , ait,  
aut facere scribenda , aut scribere le-  
genda ; beatissimos verò quibus utrum-  
que. ita tribus modis censebant Romani  
sui nominis famæque æternitatem ad po-  
steros transmitti posse. Primo scripserunt,  
& præclara & multa. sed non præclara  
omnia, non casta & sancta universa. næ-  
vos etiam suos , turpitudines & libidines  
chartis commiserunt, via ad Æternitatem  
non honesta & regia. Quot etiam libri,  
auctores suos moriendo anteverterunt,  
& ad Platonis animum , similes fuerunt  
hortis Adonidis , tam cito mortuis quàm  
natis: non diu placebant, quæ cito place-  
bant. At vivant sanè Romanorum o-  
mnium libri perpetuum, nemo tamen eo-  
rum à suo libro aliquid in se vitæ trans-  
ferre poterit.

Deinde non scripserunt tantum Roma-  
ni , sed & fecerunt scribenda , facinora  
docto ac eloquenti calamo digna, & hæc  
varii discriminis , siquidem in plurimis  
æternitatem quesiverunt , in nullo inve-  
nisse fides nostra nos docet , magni fue-  
runt, non negamus, in rebus civilibus &  
bellicis , domi forisque ; admirandi fue-  
runt in artibus & scientiis , magnifici &  
effusi in ipectaculis & donis obstupescen-  
di in ædificiis, mausolæis, sepulchris, sta-  
tuis.

C 3

\* *Epist. 2. ad Tacit.*

Appensus es in statera, et inventus  
es minus habens. Dan. C. 5.



ÆTERNITATEM non æstimat, qui  
monetam suam accuratius, quam  
suam vitam ponderat.



ruis. exemplo sint hæc paucula brevissime perstricta.

Ludos fecit Augustus suo nomine & sumptu vicies quater, expensis ærarii vicies ter, nullus horum infra quingenties aut millies H. S. stetit. sunt nostræ monete 2500000. philippeï, seu, bis millies quingenti millia coronatorum; sesquiertius millio. & hæc tanta pecuniæ vis in unicum tale spectaculum effundebatur: infimus & parcissimus sumptus in singulos ludos ab Augusto editos, erat quingenties H. S. ipsi 1250000. Philippei, hoc est, millies ducenta quinquaginta millia coronatorum. Nero totum theatrum illeivit auro; omne choragium & instrumenta comica fecit aurea. accedebant missilia seu sparsiones, hoc est, ligneæ tesserae in vulgus spargendæ, quibus inscriptæ totæ domus, agri, fundi, prædia, mancipia, servi, jumenta, argenti & gemmarum sæpè maximus numerus. harum tesserarum aliquam quisquis exhibuit, mox id accepit quod inscriptio designavit

Idem Nero gregario militi in donativum numerari jussit centies H. S. sunt 250000 philippeï, hoc est, ducenta quinquaginta millia coronatorum. Agrippina mater, in mensa hunc tantum pecuniæ numerum expendi jussit, ut vel sic tacite filii effusionem reprehenderet, & coërceret. notavit Nero se moneri, & alterum tantum addi præcipiens; nesciebam, ait, me tam parum dedisse.

Idem Imp. Tyridati regi ut hospiti, novem mensibus Romæ agenti, in singulos

C 4.

dies

dies constituit viginti millia philippeorum, sunt quinque milliones & quadringenta millia coronatorum in totos illos novem menses constituta, abeunti dedit viaticum millies, H S. seu duos milliones & medium, de ædificiis quid memorem?

Caligula Imp mari pontem fecit ad tria miliaria. Tempia Romæ fuerunt quadringenta viginti quatuor, pleraque magnifica. Domitianus in solam Capitolii inaurationem, ipsos septem milliones, impendit.

In amphitheatri saxeis gradibus commode sedere poterant spectatorum 87000; in superiore parte per ambicum stare 12000; universim 99000.

Præter plurima alia, duodecim publica fuerunt balnea ab Imperatoribus structa, in quibus gratis lavabatur. In thermis Antonini fuerunt è polito lapide 1600, cellæ, & commode tot homines simul lavare poterant. In balneo Hetrusci, ait Plinius, omnia fuisse argentea, canales, labra, solum ipsum, sed ad alia.

Romæ tot ferè statnæ fuerunt quot homines, præter infinitas æreas, marmoreas, eburneas, etiam argenteæ & aureæ. Domitianus in Capitolio auream habuit centum librarum; Commodus & Claudius aureas, harum singulæ mille librarum. Claudius in rostris etiam argenteam habuit. hinc Præfectus certus, Comes Romanus dicebatur, & multus ei miles, ut tantum statuarum populum custodiret.

Via Appia, vir expeditus quinque diebus habuit quod percurreret. ab urbe Capuam

puam usque protendebatur hæc via, tam lata, ut duo currus obvii libere commearent: tam firma, ut laxi nihil aut soluti appareret, perinde ac si saxum esset unicum, plures tales fuerunt viæ. Incredendum est quod de aquæductibus fide digni scribunt. Claudius Imperator impendit in aquæductum septem milliones auri & medium, sexcenti homines alebantur tuendis tantum aquis. Hæc certe magna, & quædam ob nimium luxum reprehendenda, fuit tamen quod ædificia illa splendidissima superaret, vix tamen honesti nominis. Cloacas Romæ habuerunt seu subteraneos fornices cum perfluentibus aquis, ad evehendas totius civitatis sordes. Cloacarum istarum tam multæ, tam amplæ, & longæ, ut inter orbis miracula non immerito censi possint. De his in specimen satis, quæ ei, scio, minime sunt incredibilia, qui veterum Romanorum opes & potentiam primoribus labris libavit, & testes audivit Suetonium, Dionem Cassium, Plinium, Livium, alios.

Et hæc quidem, quæ commemoravi, ex se laudanda: administratio Reipublicæ tam prudens, quam & in bellis majorem partem invicti, in scientiis & artibus eximii, virtute quoque illustres fuerunt, ita ut Cyneas Pyrrhi legatus homo facundus & intelligens cum frustra sollicitasset urbem, ad fœdus Romanis non sat dignum, regressus suo regi dixerit: Urbem sibi templum, Senatores reges videri. In his talibus ergo laudandi Romani. Sed in

hoc gravissime & toto cælo aberrarunt, quod homines adeò prudentes omnem suam æternitatem in rebus minime æternantibus locârunt. \* Si Augustinum Romanum ad Æternitatem viæ ductorem delegissent, viam eis multo certiore ad ipsam Æternitatis regiam monstrasset. Neque enim nos, inquit ille, Imperatores eos felices dicimus, qui multos imperii ac vitæ annos, vel victoriæ triumphos, vel fortunæ thesauros numerarunt: hæc iis etiam deferuntur munera, quibus nihil juris est ad regnum illud æternum. Et quinam ergo, Augustine, tuo animo felices censendi? Audite Imperatores, Reges Principes: Augustini sensu vera æternaque felicitas à vobis obtinebitur, observatione legum istarum:

*Lex 1. Justitia.*

Juste imperare: omnem injustitiæ fucum & pigmenta odisse.

*2. Modestia in sensu.*

Tot honorantium & salutantium linguis non extolli, sed meminisse hominem se esse.

*3. Dei timor & amor.*

Ad Dei cultum maximè propagandum, humanam potentiam omnem Majestati divinæ famulum facere, timore Numinis & amore.

*4. Cæli desiderium.*

Ardentius amare regnum illud æternum, in quo potestatis consortes nulli timentur.

*5. Igno-*

\* *Lib. 5. de Civitat. Dei c. 14.*

5. *Ignoscendi facilitas.*

Ad veniam pronum & facilem esse, tardum ad vindictam, & illam solam quam tuendæ Reipubl. poscit necessitas.

6. *Misericors liberalitas.*

Asperiora decreta, misericordiæ lenitate, & largitate beneficiorum temperare.

7. *Continentia.*

Luxuriam, quanto esse posset liberior, tanto castigatiorem habere.

8. *Moderatio affectuum.*

Malle in affectus pravos, quam in quasvis gentes dominari.

9. *Submissionis, & orationis studium.*

Hæc omnia non inanis gloriæ, sed æterna felicitatis studio facere: nobilissimum submissionis, & orationis sacrificium nunquam negligere.

Has leges Augustinus ipse \*, ad Mundi valvas suffixit, velut omnium Principum illustre speculum. Nunc vos, ô Romani, quantum à janua harum legum aberrastis? ut taceam pro uno ferme innumeros Deos in veneratione apud vos fuisse. † Nam Roma sibi magnam videbatur assumpsisse religionem, quod nullam respuebat falsitatem, & cum pœne omnibus dominaretur gentibus, omnium gentium serviebat erroribus.

Sed ut hæc fileam omnia, quàm vanum illud & ridiculum, omnem suam æternitatem post se relinquere velle in membranis & chartis, in marmoribus & saxis, in amphitheatris, pyramidibus, sepul-

chris

\* *Dist. I. de Civ. Dei.* † *S. Leo Serm. I. nat. Apost.*

chris ac mausolæis. & ubi nunc faxea hæc est æternitas ; Romæ pæne idem quod Hierosolymis contigit. Apostolorum unus magistro Christo structuram Hierosolymæi templi demonstrans : Magister, ait, adspice quales lapides & quales structuræ ; respondit Christus : *Vides has omnes magnas ædificationes ? non relinquetur lapis super lapidem qui non destruat.* Ita nihil æternum in hoc orbe. Et ubi nunc vetus urbs Roma ? quæritur : & dici potest , hic fuit. ubi qui eam ædificârunt ? perierunt omnes ; nec cineres illorum novimus. Et nos ipsi eadem hac via sequemur ; post aliquot annos umbra, pulvis , nihil. Heu res mortalium vel maximorum parvæ ! heu validissimorum instabiles ! quid enim illa omnia nunc, aut ubi sunt ; evanuerunt. ubi supra fidem cumulatæ opes ? defluerunt , ubi cœlo certantia opera ? non apparent. sic cuncta quæ nobis magna sunt, umbra sunt & somnium , si cum æterno & æternitate comparentur. debile nimis & ex luto fundamentum est , super quo tota vanescentis gloriæ fabrica extruitur. non ita saxi & marmoribus æternitas insculpitur. Recte Lactantius, Mortalia sunt opera mortalium. Babylonem , Trojam , Carthaginem , Romam fuisse credimus : oculis fidem quod faciat , vix cadaveris pars superest. ita septem orbis miracula , sic aureum Neronis palatium , Diocletianæ thermæ , Antoniniana balnea , Severi Septizonium , Colossæum Julii , Amphitheatrum Pompeji , vix sui vestigium &

& nomen in libris reliquerunt, & hoc quàm diu?

I. *Quantum Romani à vera Æternitatis via aberrarint,*

**N**Azarethi in arcano sanctissimæ Virginis conclavi mentionem injicit Angelus de regno *cujus regni non erit finis*. \*Tale non fuit Salomonis, quod quadringentis tantum annis duravit, usque ad cladem Babylonicam, tale Romanorum non fuit sed nec Persarum. nec Græcorum fuit tale. Ubi enim nunc regna illa sunt, olim florentissima, ubi antiquissimæ illæ monarchiæ? quantus olim Nabuchodonosor in Chaldea & Syria, & post hunc Balthasar? ab his in Persiam migrarunt sceptrum & Mediam ad Cyrum & Darium. ne hîc diu permanserunt; in Græciam translata ad Alexandrum Macedonem, Magnum Regem & diu bellicosum, diu fortunatum, sed ubi bellica virtus cecidit. etiam fortuna defecit, & hinc in Italiam cum sceptris migravit ad Julium Cæsarem, & Octavianum Augustum. At ubi nunc hi omnes; tu, mi Christiane, regnum quære, *cujus regni non erit finis*. Numantiam, Athenas, Carthaginem, Spartam suus delevit finis; regni, quod supra nos, non erit finis. Rex illius æternus est, æterni incolæ. *Dominus regnabit in æternum, & ultra*. † In quæ verba Origenes: Putasne, ait, in sæculum sæculi Deum regnaturum? regnabit adhuc, vel ultra, & quodcunque dixeris illud

\* *Luc. cap. I.*    † *Exod. cap. I 5.*

Iud de regni ejus spatiis semper tibi propheta dicet : Et adhuc ; sive ultra. Et nunc, inquit Isidorus \*, regnum hoc sempiternum, immensum ex omni parte beatum, omni generi hominum promissum est, & tamen de illo altum inter nos silentium est. quotus enim quisque est, qui vel minimam diei particulam in hoc seculum expendendo impendat ? de hoc commemoret ; hoc uxori, hoc liberis, toti hoc familiae inculcet ; alia omnia garimus ; coeli vix ulla est mentio, aut certe rarissima. in laudando natali solo plerique omnes disertum sumus ; nostram illam verissimam patriam laudare poene erubescimus in eam nimirum pie colloctionis consuetudinem multi deveniunt, ut, nisi sterilissimas nugas, subinde etiam lascivas spurcicias turgentibus buccis effundant, inurbanos se & infestivos haberi putent. Hoc vere est toto coelo errare. æternis inhiandum est corde, & ore, cogitatibus & colloquiis, nec ulla speranda est vera gloria, nisi æterna.

\* Hebræi proceres, ut contra Christi potentiam, ad politicam illam æternitatem, viam sibi sternerent, frequentem senatum adesse jusserunt, & scolidissima prudentia, quod maxime metuebant, in caput suum decreverunt. de his in frequenti curia deliberantibus eleganter Augustinus †: Pontifices, inquit, & Pharisei sibi consulebant, nec tamen dicebant: Cre-

damus.

\* Isidor. *Clarius.* † *Joan. cap. II. v. 47.*

\* *Tract. 49. in Joan. sub fin.*



damus. Plus perditī homines cogitabant, quomodo nocerent ut perderent, quā quomodo sibi confulerent ne perirent. Et tamen timebant, & quasi consulebant, dicebant enim: \*Quid facinus, quia hic homo multa signa facit? si dimittimus eum sic, omnes credent in eum, & venient Romani; & tollent nostrum locum & gentem. *Temporalia perdere timuerunt, & vitam æternam non cogitaverunt, ac sic utrumque amiserunt.* Ita fit; hæc nostrarum cogitationum vanitas est & affectatum ludibrium, & qui sumus nos? quæ sunt nostra? Hodie floremus, commendamur, placemus, cras flos languescet; displicebimus tam iis, quibus hætenus placuimus, quam Deo cui nunquam placere studuimus. cælum negligimus, terram non retinemus; Dei favorem non acquirimus, mundi perdimus, hinc & hinc deploratissima orbitate miseri. Si mors parceret felicibus in hoc orbe, reperirent fortasse hic quandam gloriam, quandam inquam, nam vera nulla est, nisi quæ in cælo, & æterna: sed nulli mors parcit; in tenebris semper videt, nec videtur, expectat ut ex insidiis incautos invadat. quod deducet, si malè viximus? ad sævæ regnæ Porserpinæ & judicantem Æacum. Ibi neminem liberabit nobilitas, neminem teget potentia, neminem eripiet hominum applausus, sed solius domini favor & gloria illa, quæ per gloriæ fugam comparata est. Non est vera gloria, nisi æterna.

\* He-

\* Ioan. cap. II. v. 28.

\* Hebræus Sapiens, Sapiëntiam reginam depingit, quam pone comitantur duæ famulæ, dextra Æternitas, læva Gloria. nullius est pretii Gloria, si absit Æternitas, quam nos Christiani exspectamus\* manentem civitatem hic non habemus, sed futuram inquirimus, æternam in cœlis. In memoria æterna erit justus. stipem mi Christiane, das pauperi, inhiant gulæ subducis escam, castitatis hosti resistis; non grandia sunt hæc opera, nec multi temporis; facti tamen memoria, sed & merces erit æterna.

‡ Quantillum Magdalena Christi pedibus impendit, quam cito id obsequii perfecit, & tamen orbi universo innotuit. Alii alia in Magdalena suspexissent, roseam oris pulchritudinem blandam formæ venustatem, amœnum juventutis florem; raram gratiam, opes magnas, favores maximos, gratam affabilitatem, festivos applausus: nullam hæc ei laudem, sed dedecus compararunt. at officium vel pedibus præstitum, eleemosyna non grandis, æternam illi gloriam, immortale nomen conciliarunt. *Prædicabitur in toto mundo.* Christo teste, non fuit opus hoc incilum marmor, non ære Cyprio efformatum, non in foro promulgatum, non ad tubas & tympana proclamatum, tamen hætenus duravit, durabitque æternum, & *prædicabitur in toto mundo.* si actionem spectes, reprehendit eam avarus œconomus Ischariotes, culpavit & turgidus Phariseus Simon; si materiam, unguen-

\* Prov. 3. \* Ad Hebr. 13. ‡ Matth. 24.

tum erat, ut summum 30 aureorum; si locum, privatus; si testes, pauci; si personam, infamis foemina; & tamen *praedicabitur in toto mundo*. quot Imperatores victrices aquilas in hostium castris plantarunt! quot bellicosi duces numerosissimos exercitus laudabiliter administrarunt; quot providi gubernatores amplissimos populos sapienter rexerunt? quanti reges, insignia, statuas, castra, civitates condiderunt? quot viri eruditi omne cerebrum in novas inventiones, per calamum instar chymicorum distillarunt in chartas, ut inter memoria dignos reponerentur, qui tamen silentii nocte & oblivione involuti jacent. At opus justii unicum, aeternam confert memoriam, ab omni vetustate & invidia immune, à sapientibus, ducibus, regibus, Pontificibus reverentia & silentio, auditur, legitur; *praedicabitur in toto mundo*. solum itaque bene & vivere & mori. via est ad aeternam immortalitatem. Ite nunc mei Romani, & aeternitatem in statuis & marmoribus quaerite, nunquam reperiuri. Ego potius optem & malim quod D. Hieronymus in rebus gestis Pauli Eremitae optans: Hieronymi peccatoris, ait, meminere, cui si Deus optionem daret, praeferret tunicam Pauli, malletque eam cum meritis suis, quam purpuram regum cum suis regnis. Nos Christiani ne pecunia nostrae jacturam faciamus, versuram facimus: imo ante nos in alium orbem praemittimus caelum illam recipit. & hoc ruto fit, & à fidissimis tabellariis eò deferatur, sed non aliis quam mendicis, & pauperibus

D

bus. pauca illis damus & vilia, pro his in  
cœlo maxima recepturi. ita Christus pro-  
misit & præcepit: \* *Et ego dico vobis facite*  
*vobis amicos de mammona iniquitatis, ut cum*  
*defeceritis, recipiant vos in æterna taberna-*  
*cula.* Sed à Romanis ad alios transeamus.

I I. *Melior priore ad Æternitatem via.*

**D**Arius, clade sua notissimus ille Rex  
Persarum, in exercitu suo decem mil-  
lia Persarum habuit, quos immortales  
vocavit, ideo (¶ uti Cælius Rhodiginus  
explicat) non quod planè nunquam mo-  
rerentur (ubi enim illi tales?) sed si quis  
horum aut nece aut morbo numerum  
minuisset, confestim substituebatur alius,  
nec unquam plures erant paucioresve de-  
cem millibus. ita & Darius immortalita-  
tem aliquam & muneris æternitatem  
confinxit, sed brevis admodum hæc fuit,  
Dario totoque ipsius exercitu funditus  
pereunte. Dario Medo precabantur olim  
iætrapæ: \* *Dari Rex in æternum vive.* Ah!  
quàm inane hoc votum, & quàm curta  
hæc est Æternitas! annis septuaginta, aut  
octoginta summum vivimus, æternum  
tamen nos vivere inter somnia optamus.  
Non immerito certè Xerxes, qui ex Asia  
subjugandæ Græciæ (Herodotus narrat)  
duos exercitus terra marique secum edu-  
xit, nimirum ter & vicies centena millia,  
septemdecim millia, sexcentos, exceptis  
iis, qui militi servierunt: hos omnes cum  
è monte prospiciens oculis obiret, in lacri-

mas

\* *Luc. 12. 16.* ¶ *Lib. 8. c. 2. & l. 25. c. 2.*

\* *Dan. cap. 6.*

mas solutus hoc aspectu, idcirco se flere dixit, quod post 50 aut 60. annos è tot centenis millibus, viris tam robustis & selectis, vix ullus esset superstes futurus.

Æternitates nescio quas fingere nobis possumus, interea tamen omnes morimur & quasi aquæ dilabimur in terram.

\* Alius & melior beatæ typus Æternitatis excogitatus est Constantinopoli. Anno post parientem Virginem 459. Ecclesia Constantinopolitana ævo Gennadii Episcopi, aucta est novo & nobilissimo D. Joanni Baptistæ sacro cœnobio Acœmetarum, hoc est, insomnium; qui juges & pervigiles diu noctuque laudes Deo concinere consuêrant, hac ratione: cœnobitæ omnes in tres classès divisi sunt, ut ita, cum prima classis partem aliquam divinarum laudum finiisset, secunda ordiretur; secunda quoque finiente, tertia inciperet. ex hoc pio instituto suum aliquod cœlum urbs habuit; sic illic repræsentata cœlestis Æternitas, qua tota Deus sine ullo fastidio & nausea inter summas voluptates laudabitur. quam jure exclamat divinus psaltes: Beati qui habitant in domo tua Domine in sæcula sæculorum laudabunt te. omnium tunc beatorum vox erit, quæ olim in rupe Taboreja Petri fuit: *Bonum est nos hic esse.* nam uti Divus Bernardus in Cantica; Opu-  
lencia, inquit, multa nimis est Æternitas. sed & hoc addit: Æternitas, nisi perseveranter quæsita non invenitur. Sed à te, beatissime Bernarde, illius quærendæ mo-  
D 2 dum

dum flagitamus. Audite igitur Patris\* optimi documentum: *Paupertate*, *Mansuetudine*, *Fletu* renovatur in anima similitudo quædam & imago *Æternitatis* omnia tempora complectentis. *Paupertate* meremur futura: beati pauperes spiritu, quoniam ipsorum est regnum cælorum. ubi pauperes spernuntur & deseruntur, ubi cor unà cum pecunia in arca concluditur, ubi nummi ad avaritiæ regulas expenduntur, ibi paupertatis affectus & amor nullus est, sed nec ullus æternitatis. *Mansuetudine* verò præsentia nobis vindicamus: beati mites quoniam hæreditabunt terram. Quærat hic quispiam, quid homo ille in quo nihil est mansuetudinis aut patientiæ, è quo vix unquam mitius verbulum auditur, quid tandem lucri habeat è sua illa intractabili impatientia, quid illi commodi ferat toties indignari, sævire, fremere, vociferari, tumultuari, omnia velle pessundare, neminem vel paullò humanius affari; certe aut bonorum talis jacturam patitur aut famæ; frequenter utriusque: nam quod habet opum, non possidet, sed custodit ut molossus, cujus, est tantum allatrare, invadere, mordere. famam, si quam habet, impatientiæ titulo, non auget; cælum priusquam habet, amittit. Demum *Luctu* præterita quoque recuperamus, quæ prodigè amisimus peccando. sed hic luctus non unius horæ aut diei sit necesse est. quid enim de filio illo sentiamus, qui matris funus deducit humentibus nonnihil

ocn

oculis & atro pallio, eodem tamen aut altero statim die, & siccis ridet oculis, & pullam vestem in prasinam viridemque commutat. hoc non est serio lugere, tam brevi finire luctum. simillimum nos facimus. ah, nimis frequenter confessione piaculari nos hodie & communione sacra munimur, dolemus peccasse, cras iterum hilariter peccamus; & sæpe gravius priorem vitam detestamur, & tamen revocamus; ejuramus commissa scelera, & eodem die iterum patramus. ita eadem omnino lingua, qua Christum insontem proclamamus, hac eum cruci addicimus, germani fratres Pontii Pilati, qui uno eodemque ore Messiam nostrum & vita donandum pronunciavit, & in crucem raprandum: homines prorsus instabiles, nec in re ulla constantiores quam in vitiosa vitæ consuetudine repetenda heu, plurimum lunæ in pectore gestamus. subinde pietas tam serio nobis placet, ut nulla pæne hilaritas intercedere tam sanctis officiis possit. fronte dejecta & ad omnem remissionem irascente supercilium induimus, sed heu non duraturæ sanctitatis. mox odisse incipimus hanc ipsam pietatem, & in contrarium acto torrente, repetimus quem omiseramus & luxum & luxuriam. ita tam faciles amicitiam cum Deo factam solvimus, quam inviti facimus. dum hæc agimus, ecce tibi revocata pietas adest, tristisque pœnitentia lasciviam rursus expellit, donec etiam illius pœnitentia pœnitere nos incipiat. ita raro continuis

studiis Probitatis laboriosam imaginem intuemur ; levi nutu ad pristinam immunditiam defluimus. hinc omnium voluptatum ac vitiorum genera menti nostræ subjicit , hæc tanta vitæ inconstantia palam quidem *Virtutem* adorare videmur, intus & in animo operoso cultu deveneramur *Vitium*. hæc via ad æternitatem non est, nisi ad illam quæ meros cruciatus , & tormenta habet perpetua, maxima.

Sed deligamus è Christianis Catholicis unum aliquem corporis voluptati deditissimum , deducamus ad succensum & flammis tumultuantem furnum, & ex eo hunc in modum quæramus : Quantum tibi voluptatis deposcis pro eo , ut in hoc furno diem unum nudus consumas ; respondet indubie: Non totum ego mundum, non omnes mundi voluptates mercede vel dono ferrem , ut in his flammis diem unum torqueri me permetterem. at paciscamur ulterius: Quid præmii petis, & medium duntaxat diem in hoc igne duras ? Pone, dicet, quicquid velis deliciarum & pretii , tantis ego tormentis hoc non emo. at ut conveniamus tandem: Quid præmii postulas aut voluptatis , & ardentem hunc clibanum ingrederis , in eoque vel horam unicam perseveras ? respondet utique: Da quicquid petere possit vel avarissimus , vel impudentissimus, comparandum id non est cum unius horæ infandis ejuscemodi ustulationibus & doloribus. Quod si rectè rationique congruenter responderit , qui sit ô Deus, quod



quod ob lucrum exiguum & vile, ob honorem fallacem & fugitivum, voluptatem spurcam & non longam, à tam multis parvi pendatur supplicium æternum; ut horam unam in ignibus simus, persuaderi nobis non potest, posito in præmium terrarum orbe; & æternos inferorum ignes non formidamus, modo vel lucrum invitet, vel honor arrideat, vel alliciat voluptas. meliora, inquis, spero, & infinita Dei bonitas non tam male ominari me jubet de futuris & æternis. ita loqui solemus, nec impia hæc verba sunt, sed facta reclamant. temerarium hoc est & nimis periculosum, vitam in vitiis traducere, & æternitatem inter beatos expectare. ad damnationem satis est vel unicum peccatum. An nescis quid Christus commineatur; \* *Qui dixerit fratri suo, fatue, reus erit gehennæ ignis.* An nescis quid Christus prohibeat; † *Qui viderit mulierem ad concupiscendum eam, jam moechatus est eam in corde suo.* An nescis; quid Christus præmoneat? ‡ *Non omnis qui dicit mihi, Domine, Domine, intrabit in regnum cælorum, sed qui facit voluntatem Patris mei qui in cælis est:* An nescis, quam multos Christus foras excludat? \* *Qui diligit patrem aut matrem plus quam me, non est me dignus: & qui non accipit crucem suam & sequitur me, non est me dignus.* An nescis, quam apertè & serio illud ingerat? † *Multi sunt vocati, pauci verò electi, Pauci, Pauci.* An nescis, quoties ad vitæ emenda-

D 4

tionem

\* *Matth. 5.* † *Ibid.* ‡ *Matt. 7.* \* *Matth. 10.*† *Matth. 20.*

tionem hortetur? \* *Nisi conversi fueritis & efficiamini sicut parvuli, non intrabitis in regnum cœlorum.* † *Si manus tua vel pes tuus scandalizat te, abscinde eum & projice abs te, bonum tibi est ad vitam ingredi debilem vel claudum, quam duas manus vel duos pedes habentem mitti in ignem æternum.* Si pœnitentiam non habueritis, omnes similiter peribitis, & addit; ‡ *Contendite intrare per angustam portam; quia multi, dico vobis, querent intrare & non poterunt.* An necis etiam, quam explicat D. Paulus recenscat ea omnia, quæ beatam Æternitatem intercludunt? \* *Manifesta sunt opera carnis, quæ sunt, fornicatio, immunditia, impudicitia, luxuria, idolorum servitus, renciscia, inimicitia, contentiones, emulationes, iræ, rixæ, dissensiones, sectæ, invidia, homicidia, ebrietates, commestationes, & his similia, quæ prædico vobis, sicut prædixi, quoniam qui talia agunt, regnum Dei non consequentur.* Quod si quis vel unius ex enumeratis conscius sibi est, nec ita dolet ut modum omnem exquirat illius peccati deinceps vitandi; interea verò vanissimum illud *Spero, Spero*, sibi ipsi occentet; hujus spes nulla est, sed mera temeritas. Periculum adire plagarum & verberum, tolerabile malum est: centum aut mille florenos incertæ aleæ committere non summa jactura est: caput & vitam, in discrimen conjicere, non maximum damnum est: at vero salutem corporis tum animi æternam periculo

\* *Matth. 18.* † *Matth. 19* ‡ *Luc. 11.*

\* *Ad Gal. 5.*

culo tanto exponere, adeò in incertum vivere, verbis sperare, factis huic spei contraria facere, hoc omnium malorum supremum malum est, hoc summa jactura. hoc damnum vere maximum, hoc audacia & temeritas perniciosissima, hoc stultitia & dementia extrema. \* Intelligite hæc qui obliviscimini Deum: ne quando rapiat, & non sit qui eripiat.

III. *Hanc viam sollicite esse indagandam.*

I Deo nullus sit Christiani sanguinis homo, qui non sæpius seipsum aliosque, quos Dei loco habet, interroget: Quid faciam ut beatam Æternitatem consequar? istanc vera est via, qua eo ad illam quam quero, Æternitatem? operis quidem aliquid facio, sed illud quantillum est quamque exiguum? adspiro quidem gaudia immortalia & æterna, sed num hæc opera mea adeo pauca, adeo languida & frigida præmio digna sunt æterno? pervenire quidem ad portum cupio, sed viam horreo paullo molestiorem, cum tamen ea via ad cælum sit tutissima & optima, quæ asperrima & angustissima, † Hæc oris divini Veritas pronunciat; clamat Christus, & monet: Intrate per angustam portam, quia lata porta & spatiosa via est, quæ ducit ad perditionem, & multi sunt (eheu multi sunt) qui intrant per eam, quam angusta porta, & arcta via est, quæ ducit ad vitam, & pauci sunt (eheu pauci sunt) qui inveniunt eam.

D 5

Nec

\* *Psal.* 49. † *Matth.* 7.

\* Nec clamare desinit, aut monere: Contendite intrare per angustam portam, quia multi, dico vobis quærent intrare, & non poterunt. Ô quam formidandum atque tremendum est illud *Multi*, & illud *Pauci*! interea miseri & in rem æternam nimis tenerarii fallimus nosmet, & in *Paucis* illis cœlo adnumerandos, nescio an speremus nos, an somniemus. Utinam dum dies sunt salutis & tempus acceptabile, attentiores oculum in Æternitatem subinde emittamus, atque hunc in modum nobiscum ipsi ratiocinemur: Quid tandem est hoc omne quod ego patior, aut alios pati conspicio, quid est hoc totum ad Æternitatem? imo si cum D. Paulo enumerare possim tot labores & pericula quot exantlavit ipse, atque iis, quæ ad Corinthios, litteris recensuit: si famem, sitimque, si graves inimicitias & injurias, si morbos & egestatem tolerem: imo si cum Paulo lapidibus insternar, si virgis cædar, si naufrager; quid hæc omnia ad supplicia æterna? In omnibus igitur adversis rebus cogitandum mihi erit: *Omnis consummationis vidi finem.*

\* Daniel vates, variis recensitis calamitatibus, subdit: *& hoc, usque ad tempus.* Ubi, ubi estis ærumnosi, afflicti, calamitosi, quid vestris vos lacrymis sepelitis, quid per vanos impatientiæ quæstus vitam vobis omnem acerbam redditis; solatium habetis, & ingens, ab ipso tempore. Diversæ vos calamitates exercent? ne despondete animum: erit hoc solummodo

\* *Luc. 13. & Psalm. 118. \* Dan. cap. 11.*

modo *usque ad tempus*. Contumeliæ vos lacerant, injuriæ fatigant, mala plurima perturbant? lamenta mittite, erunt, hæc omnia non nisi *usque ad tempus*; non usque ad infinita sæcula vestri sese gemitus extendent; ad exiguum tempus stillabunt lacrymæ, non æterna ducetis suspiria, brevi dolore perfungemini, ad immortalem felicitatem transaturi, clarissimè id affirmat \* Ecclesiasticus: *Usque in tempus* iustinebit patiens, & postea reditio jucunditatis. Sed & vos, ô beatuli, ô cara Mundi progenies, ne cornua sumite, omnis vestra felicitas quàm brevi carcere, quamque angustis cancellis clausa est! *usque in tempus* triumphabitis; *usque in tempus* beata vestra durabunt somnia, post tempora non longa, jubebit vos Mors fortunæ larvam ponere, & inter turbam stare coget, tanto tunc vere misèriores, quanto antea brevi figmento beatiores. Ergo *usque in tempus* omnia. Sola nullas temporis leges admittit Æternitas. Sive ergo corpus meum patiatur sive animus; bona seu honores adimantur; dolores an tristitia, curæ vel alia me quæpiam afflictio interior vel exterior exerceat, picta sunt hæc omnia, & momentanea ad æternas pœnas. Nam ubi post extremum judicii diem quinquagies milleni anni transierint, supererunt adhuc quinquagies milleni millions annorum transaturi: iis etiam, ad nostram numerandi rationem, transactis, alii atque alii, & denuo alii annorum millions transigendi restabunt,

bunt, & hoc sine fine. \* Et quis hæc cogitat? quis perpendit ista? Conamur quidem aliquando æterna sapere, sed adhuc in præteritis & futuris rerum motibus nostrum volitat plenum vanitate. quis tenebit illud & affiget, ut paullulum stet, & paullulum ad se rapiat splendorem semper stantis Æternitatis;

Optime fecit Myrogenes, cum Eustachius Hierosolymorum Archiepiscopus ad eum munera missitaret. modestè recusans: Hoc, ait, unum pro me ora, ut liberer ab æterno cruciatu. nec † Tullius à vero aberrans: Sapient, inquit, nihil potest videri magnum in rebus humanis, cui æternitas omnis totiusque mundi nota sit magnitudo. sed Tullio longe melius Franciscus, paupertatis sincerus amator, & verus Æternitatis contemplator: Modica, inquit, hic voluptas, sed pœna post immensa: modicus hic labor, sed gloria post æterna: Elige. multorum vocatio, paucorum electio, omnium retributio.

Quisquis igitur peccato letali obstrictus est vel unico, maturet pœnitentiam: satius est & suavius, ait Guerricus‡, fonte purgari quam igne. Pœnitentiæ tempus nunc est; præoccupet pœnitentia pœnam qui timet pruina, irruet super eum nix. \* Qui minora detrimenta metuit, ad maxima deveniet: qui levem pœnitentiæ laborem fugit, gravissimas tartari pœnas incurrer. ita D. Gregorius: Nonnulli,

ait,

\* *Aug. lib. II. confes. cap. II.* † *Cic. 3. Tusc. qq.* ‡ *Ser. 4. de Paris.* \* *Iob. cap. 6.*

ait, dum temporalia adversa pertimescunt, districtioni se æternæ animadversionis obijciunt, huic D. Paucianus accedens: Mementote, ait, quia apud inferos exomologesis non est, nec pœnitentia tunc tribui poterit, consumpto tempore pœnitendi: festinate dum in via estis. sæculares ecce ignes timemus & carnificum ungulas expavescimus. comparate cum his æternas torquentium manus, apicesque flammarum nulla ætate morientium. quæ pulchre \* Ambrosius ad Virginem lapsam in hæc verba consignat: Pœnitentia non verbis agenda est; sed actu. hæc autem sic agitur. Sic tibi ante oculos ponas de quanta gloria iveris, & de quo libro vitæ nomen tuum deletum sit; & si te jam credas prope ipsas positum tenebras exteriores, ubi erit fletus oculorum, & stridor dentium sine fine. cum hæc certa fide, sicut est, animo conceperis? quia necesse est prævaricatricem animam tartareis pœnis & gehennæ ignibus tradi; nec aliud remedium constitutum est post baptismum, quam, pœnitentiæ solatium; quantumvis laborem, quantumvis afflictionem subire esto contenta, dummodo ab æternalibus pœnis libereris. Urgent ægrum morbi corporis ad corporis purgationem; urgeant etiam nos morbi ad animi purgationem, urgeat salutis aviditas, urgeat æternæ mortis, æternique cruciatus horror, urgeat æternæ vitæ æternæque gloriæ consequendæ spes, quicquid animum pur-

\* *Ambr. cap. 8. ad Virg. laps.*

purgat id amplectamur, quicquid inquinat fugiamus: inquinat autem imprimis luteum corpus. Fidelissima prorsus hæc D. Ambrosii admonitio est.

Christe Iesu, da, ut omnia vana hæc & fluxa sic possideamus, ne perdamus æterna: sed viam teneamus illorum, de quibus eximie Augustinus: Multi, ait desiderio salutis, sub jugum liberi veniunt, & paullò ante sublimes ac elati, humilia affectant; cupiunt esse quod ante desperant, & odisse incipiunt quod fuerant: præsentium hospites, futurorum appetitores, Æternam illam patriam suspirant: abstinentiam deliciis, somno vigilias, paupertatem divitiis anteponunt; arduum contra vitia laborem, voluptatem computant: inimicos diligunt, nullis injuriis franguntur, propter Æternam retributionem. Ecquis non extremè laboret tui amore, ô *Æterna Retributio!*





# CONSIDERATIO

## QUARTA.

*Quomodo S. David Aeternitatem sit meditatatus, & quæ illius in hoc imitandi ratio.*

Quod Deus apostatas angelos, & homines in extremo judicio damnatos æternum sit puniturus, tam durum aliquibus & incredibile visum est, ut etiam Origenes tanti ingenii, tam præcellentis doctrinæ, tam peritus scripturarum, ausus sit in libris peri archon docere damnatos & dæmones gratiæ restituendos, postquam in ignibus contractam culpam satis eluissent, hunc præter ceteros D. Augustinus \* erroris damnat & convincit. reperit hic error non paucos qui assentirentur. per Hispaniam Aniti hæretici eum disseminarunt, diversis interpretationibus. Alii damnatos omnes, solos alii Christianos; isti Catholicos tantum, illi solos eos qui largiores fuissent in dandis eleemosynis, ex Orco liberandos putabant, quos tamen Augustinus erroris non argueret, nimis tamen aperte divina pagina refutaret. † *Discedite à me maledicti in ignem æternum. Et, ibunt hi in supplicium æternum. Et, Iusti autem in vitam æternam.* nulla hic glossemata; nullæ opponi possunt explicationes. Unde Psaltes divinus, rex David, duo maxime tempora cordi habuit, nec tam præteritum quam futurum observans: \* *Anticipa-*

\* Lib. 21. de Civit. Dei cap. 23. & seq.

† Matth. cap. 25. \* Psal. 76.

Cogitavi dies antiquos, et años ÆTERNOS  
in mente habui. Ps. 76.



Et enim sagittæ tuæ transeunt: vox TONITRUI tui  
in ROTA. Præsentium pœnarum sagittæ transvolant,  
horrendi vox tonitruï. Ite maledicti in ignem  
ÆTERNVM velut rota est, æternum volvenda.

*cipaverunt, ait, vigilas oculi mei, turbatus sum & non sum locutus. Quid tibi somnum abruptit, beatissime Propheta? quæ hæc antelucana negotia, unde hoc silentium & animi perturbatio? causam audite: Cogitavi dies antiquos, & annos æternos. in mente habui. En, hoc est quod illi somnum rupit, præteritos cum futuris æternisque annis contulit, neque hoc solum fecit interdiu: Et meditatus sum nocte cum corde meo, & exercitabar, & scopebam spiritum meum. Et quod hujus nocturni exercitii est incitamentum; Nunquid in æternum projiciet Deus, aut non apponet ut complacitior sit adhuc? En, ut formidet & horreat æternitatem, ut divina judicia pertimescat, ne perpetuis in se pœnis Deus animadvertat. Et quis meditationis istius est finis, aut effectus? Et dixi, nunc cœpi? Ita momento pæne, seipso factus est melior, non distulit, non procrastinavit, non in deteriores annos emendationem conjecit. Nunc cœpi, nunc sanctius vivam, non post horam primum, aut diem. Si ita possem, dicat quis meditari æternitatem, ut meditatus est beatus David; forsân etiam illud, nunc cœpi, promptus & hilaris pronunciarem. at ego curis quotidianis involutus, laboribus impeditus, officiis distractus in mille partes, inter homines ago, multum mali video audioque, ita vix locus est apud metam salubri de æternitate cogitationi; in circulis, in conventibus, in symposiis, ejus generis colloquia nostra non sunt, ut vagabun.*

bundam per multa mentem ad æternitatis considerationem affigamus. in conviviis, quidem, nugis & cyathis res agitur; seria jam pridem hinc exulant: conventus & circuli tam tetrica vix admittunt: va ex Italia, Galliis, Hispania petuntur: nimis vetera sunt & sæpius decantata quæ è cælo, ex inferis feruntur nova; hæc jam scimus. quid opus talia ad fastidium toties repetere? sic æternitati cogitandæ vix aptus uspiam locus, vix commodum unquam tempus reperitur. Veritas te amet, mi Christiane, quam hæc vere dixisti! utinam culpam, quam agnoscis, etiam emendes. nimis hoc clarum est, & oculis creditur, nullam pæne in mundo æternitatis curam esse, cum tamen non desint, quæ partim illius nos sæpius, partim quotidie moneant.

Rom. Ecclesiæ ritualis liber in Episcoporum inauguratione, hæc illis verba recitanda esse monet: *Annos æternos in mente habe.* Cum summus Pontifex recens electus solenni ritu ad sacellum deducitur, est qui præeat, & ardentem stuppam concutiens, ter hæc ingeminet: *Pater sancte, sic transsit gloria mundi.* Quam salubri pioque instituto quotidie ad omnium actionum initium & finem nos ipsi nobis repeteremus: *Annos æternos in mente habe;* præsertim cum est peccandi occasio, cum dæmonis suggestiones urgent, cum lædendæ Conscientiæ instat periculum, ò tunc *Annos Æternos in mente habe.*

I. *Diversa ad Aeternitatem cogitandam admonitiunculae.*

PHilippus Rex Macedo, per nobilem Ephebum quovis mane ter sibi dici iussit: *Philippe Homo es.* suae mortalitatis nunquam oblivisci voluit, quo cautius ageret inter mortales. Censeo ego, nullum debere esse Christiani & Catholici sanguinis hominem, qui non suus ipse quotidianus sit monitor, dicatque sibi consideratius ter minimum; *Aeternum, Aeternum, Aeternum.* Quare, dispone domui tuae, quia morieris tu, ait Ezechiae regi Propheta, & non vives. Erit vespere cuius tu posterum mane visurus non sis, aut erit mane, cuius non sis habiturus sequentem vesperem. ita ergo tu tua negotia perage, ne laedas Conscientiam; eo te rebus perituris crede, ne per eas pereas perdasque aeterna.

Mos est in Germania & bonus, ut cum sub crepusculum lumen infertur conclavi, simul etiam addatur lucem Christianum illud Deus det nobis aeternam. In templis ante sanctissimum Eucharistiae Sacramentum, perpetui luminis lampas excubat, nuntiatque adesse *Lumen Gentium*, & luminis conditorem. quid haec nisi admonitiunculae ad cogitandam aeternitatem? Est etiam aliqua in carceribus aeternitas, sed infamis & horribilis, ad perpetuas triremes, ad perpetuos carceres damnari grave supplicium est, & multis ipsa morte tristius videtur.

E 2 morbis

\* *Isaias cap. 38.*

morbis aliisque ærumnis preſſi, quandam  
itidem ſibi æternitatem imaginantur, un-  
de & voces illas audimus ſæpius: Nem-  
pe hoc aſſidue? ſiccine æternum aſſigat  
lecto? perpetui dolores iſti tolerandi? ita-  
ne ſemper vexabor & cruciabor; æter-  
nitates iſtæ breves ſunt, & ſuo fine clau-  
duntur.

Sed ad carceres redeo eoſque perpe-  
tuos, quos mihiſponte & ultro ingreſſi-  
untur, & omniem illic vitam volentes  
conſumunt. atque hi, religioſi ſunt viri  
fæminæque, quibus non eſt difficile Dei  
cauſſa æternum mundo valedicere, & ſa-  
cris ſeſe ergaſtulis mancipare. Monaſte-  
rium eſt Bavariz, quod ab S. Altone no-  
men trahit, & in duas claſſes virorum &  
feminarum diviſum, ut ſic diſtinctum &  
duplex cœnobium illud Conſtantinopo-  
litanum, de quo antea, fere æquet, in  
continuis diu noctuque decantandis Dei  
laudibus. Hic ergo moris eſt, cum virgo  
ſacrum velamen in templo accipit, &  
Chriſto in ſponſam initiatur, finitis publi-  
ce ſacris omnibus, nova Chriſti nupta in  
monaſterium deducitur per ſacrarium;  
præeunt illam quatuor è monialibus, &  
laudabili ceremonia feretrum præferunt,  
ingreſſis omnibus ſacris virginibus; fores  
clauduntur & obſerantur, perinde pror-  
ſus ac ſi novæ Chriſti ſponſæ diceretur.  
Vide, mea Virgo, ut quod jam incipis, ri-  
re conſtanterq; perficias Cogita te nunc  
viam hanc ingredi, non reſgreſſuram niſi  
mortuam. mundus, & quicquid eſt mun-  
di, deſerendum tibi eſt, & nec cogita-  
tioni.

tionibus quidem illuc amplius revertendum, tuus tibi Christus sit omnia. Et eni per hanc januam transis in domum Obedientiae, nec redibis per hanc, nisi in hoc, quod vides, feretro, cum ultimum iter facies ad sepulchrum, super humeros tuarum sororum. ad cœlum tibi via semper aperta est, hanc licet exspatiari & excurrere, non ad mundum, non in patriam, non in paternam domum, vivam enim te jam sepelimus, & tu ipsa tuas is exequias. Hoc multis spectatoribus lugubre videtur & mœstum spectaculum. Hem, inquit, æterna cavea sic includi, uno semper loco delitescere omnem ad parentes reditum esse præclusum, voluptatibus procul degere, ante mortem sic sepeliri? horremus nos; præeant alii atque aliae, non sequemur. At dicite vos, quæso Mundi alumni, est quod ex vobis sciscitetur *Isaias*\* vates: Quis ex vobis poterit habitare cum ardoribus sempiternis? Illud vobis videtur intolerabile pauculis annis ad vitam sancte ducendam, ad cœlum tutius & certius obtinendum, ad beatam in cœlo Æternitatem promerendam, ad adspæctum Dei æternum assequendum includi, cum tamen ii qui religiose casteque vivunt, sincerius gaudium percipiant, quam qui quotidianis deliciis & voluptatibus abundant, & diffuunt. At dicite vos etiam, nunquid damnatis sandapila præferetur, quæ significet, illos jam ablegari ad rogos, & ignis supplicium, sed post aliquot annorum centurias, mortuos in feretro efferendos,

E 3

ô quam

\* *Isaias. cap. 33.*

o quam optata hæc esset & mitis sententia! at *expectant mortem, & non venit*\*, Mille & mille atque iterum mille annis expectabunt, sed necdum veniet, ipsi tamen expectant, etsi sciunt se frustra expectare. quisquis cœlum & teipsum amat, mature *Annos Æternos* in mente habe.

De non absimili monasterio, si ingressus spectetur, narrat Rufinus Aquilejensis †: Apud Thebaidem, inquit, Isidori monasterium tam amplum quam nominatum est, laxissimis mœnibus septum, hortis, puteis, & omnibus ad vitæ usum necessariis liberaliter instructum, ne ulla cuiquam aña detur, vel causa cogitandi excursus hæc enim cœnobii lex est immobilis, ut qua quis semel pedem intulit, hac nunquam efferat amplius. ad cœlum & ad sepulchrum solum, non alio egressus patebat. Et mirum videatur, inquit Rufinus, quod hæc lege ingressos, non legis necessitas, sed ipsius vitæ beatitudo retineat. opus eorum omne est, præcari, Deum laudare, religiosis studiis navare operam. quæ omnia ea obeunt industria vitæque sanctissima, ut multi inter eos thaumaturgi & qui patratorum miraculorum gratia polleant. Ea vero vivunt temperantia & singulari vitæ prærogativa, ut nullus inter eos morbus sit nisi ultimus, hoc est, ipsa mors, quæ omnium ubique claustrorum seras vectesque convellit, nec se ullis quantumvis ferratis ostiis sinit excludi. Et nunquid hoc etiam monasterium, aliquam Æternitatis umbram præ se tulit? sed progrediamur.

II. Æ-

\* *Job. cap. 3.* † *Rufin. lib. 2. cap. 17.*



II. *Æternitas omnes Arithmetica numeros  
& leges transilit.*

C Ommunis & notissima proponi solet circa *Æternitatem* Arithmetica, quam infantes in scholis docetur, & est hæc: sit mons, ajunt, è minutissimis arenulis, instar rotius terrarum orbis, aut mole & magnitudine illo major, singulis vero annis non nisi granulum unicum dematur ab angelo: quot annorum millia, & iterum millia, & denuo millia; quot centena millia; imo quot millia millionum abibunt, donec mons subsidere appareat & decrefcere; sedeat jam Arithmetices magister, & calculum moveat, numerumque colligat, quot anni sint abituri, dum mons dimidius, & dum totus abeat, sic ab angelo tam lente ablatus. non quidem vix aliter istud capimus, ac si nullus esset omnio futurus finis. sed errat gravissime imaginatio nostra, & hallucinatur turpiter in eo, quod non satis potest assequi. revera istius tanti montis ultimum tandem numeraretur granum. At *Æternitas* longitudine incomparabili excedit, (nihil certius) quia finiti ad infinitum nulla est comparatio, proportio nulla. nullos admittit limites *Æternitas*, nullos fines, ergo damnati tam longo tamque incomprehensibili annorum spatio urentur in assiduis flammis, dum mons tantæ magnitudinis, dicto modo posset aliò transferri. sed tantum abest ut eo tempore futurus sit tormentorum modus & finis, ut tunc dici possit, jam primum incipit



va ; miserere mei, ô bone Jesu , ne præcipiter in hanc damnatorum *Æternitatem*.

Quod si Deus diceret damnatis , impleatur terra arena minutissima, ita ut totus orbis hisce arenæ granulis repleatur, à terra usque ad cœlum empyreum & millesimo quoque anno angelus veniat , dematque ex hoc arenæ cumulo unum granulum , eumque post tot millenarios annorum quot sunt granula , ea exhauscerit , liberabo vos à gehenna. ô quam exultarent damnati ; damnatos se non æstimarent. nunc autem post omnes hos millenarios, restant alii, & alii millenarii, in infinitum , in *Æternum* , & ultra. Hoc est pondus grave *Æternitatis* , quod opprimit damnatos : cogita, ô peccator, cogita hoc pondus tibi imminere , nisi resipiscas.

Guilielmus Peraldus\* , Episcopus Lugdunensis , vir perquam religiosus & doctus , hunc ipsum innumerabilem annorum numerum apud damnatos alia nobis ratione meditandum subjicit: Si damnati, ait singulis diebus non nisi unam exstillarent lacrimulam , cum annibus adhuc exstillandis guttis asservendam , demum plus funderent lacrimarum, quam mare habeat aquarum ; Omnes enim maris guttulæ in numerum & mensuram redigi possunt, cum Deo difficile non sit dicere: Tot maris guttæ sunt, & non plures. At vero damnatorum lacrimæ & numerum omnem respuunt, & mensuram. Eheu, quam non cogitamus ista, & quam peccamus libere,

E 5

toti-

\* *Tom. I, Summæ Virt. Par. 7. de 8. beatit.*

totiusque nos Æternitatis reos constitui-  
mus, brevi plerumque, & spurca volu-  
ptatula.

Sed & hac ratione calculum ponamus,  
dum damnatorum annos expendimus:  
fit è membranis scheda palmum lata, tam  
vero longa, ut totius terræ globum am-  
biendo complectatur: hæc continuis &  
arcte sibi junctis novenariis perscribatur  
ad omnem illam longitudinem; quis jam  
ille Arithmeticus, qui numerum hunc  
exprimat, quis mons qui tot grana con-  
tineat, quis Oceanus qui tot guttas possi-  
deat? & tamen hoc non est Æternitas,  
ulterius illa protenditur, neque sic cir-  
cumscribi se patitur; est longior, est ex-  
tensior: quousque tandem? *In Infinitum.*  
Si cor tuum, mi Christiane, nondum in  
lapidem atque saxum induruit, fieri non  
potest. ut hæc cogites, & immensum il-  
lud Æternitatis barathrum non horreas:  
si ullus in te sensus est, hîc erit, at, quod  
supra demonstravimus, nimium pauci  
hæc cogitant, & inde salutis tam securi  
vivunt, ac si cælum nullum esset, nullus  
Deus, nulli inferi, æternitas nulla; nullum  
omittunt diem quem peccatis non one-  
rent, quasi id solum laborent, ut ultimo  
vitæ suæ die, peccatorum summam repe-  
riant quam maximam. atque sic ludi-  
bundi adeunt æternitatem, non aliter at-  
que si de carcere aliquot duntaxat heb-  
domadam ageretur, hi tales, inquit Gre-  
gorius lacrimarum causas tripudiantes  
peragunt, & mortis suæ negotium riden-  
tes exequuntur. O vere cæcitas, & obli-  
vio-

viciâ infania ! pro vita brevissima , pro æternitatis umbra, supra vires laboramus, pro æternitate vera vitæ felicissimæ, non dico supra vires, sed nec pro viribus laborare dignamur : hanc autem vitam non acquirere, est mortem sempiternam incurrere, quæ juxta quod sit tormentum tormentis omnibus hujus vitæ gravius, simul etiam hoc habet, quod æternitate tota nulla sit futura horula quæ quietem, ne dum finem mali adferat.

III. *Consideratæ æternitatis effectus.*

ET hoc est quod tam multos Christianorum, tot sanctorum martyrum adeo paratos promptosque fecit ad quosvis cruciatus, ad quamcumque mortem, ut cum in summis doloribus, in suomet volverentur sanguine, nihil ominis tam animosi, & hilares, tam constante vultu, & ridente ore tortoribus insultarint : *Annos Æternos* in mente habuerunt.

Et hoc est quod tot hominum millia, & inter hæc tot prius impios in solitudines egit, in monasteria & cœnobîa conclusit, à vita molli & voluptuaria, ad severam rigidamque traduxit : *Annos Æternos* in mente habuerunt. Et possent nominari homines religiosi complures, qui etiamnum vivunt, & fatentur, ex hac una æternitatis cogitatione totum sibi mundum cœpisse desipere ac displicere, talis fuit beata Teresa, novæ per terram Hispaniam religionis parens.

Et hoc est etiam quod religiosi viri ac femini, omnibusque alii severas vitæ  
leges

leges amplexantibus facilia reddit omnia & jucunda. hæc Æternitatis cogitatio laborem omnem levem esse persuadet & brevem : hæc eadem preces, studia, vigiliæ commendat, & amabilia efficit, hæc famem condit atque sitim, omnemque paupertatis defectum mitigat. hæc cilicia, rigidos lectos, flagella, & quamcunque vitæ asperitatem facit tolerabilem & gratam : quisquis *Annos Æternos* in mente habet, & quotidianis meditationunculis altius atque altius illos sibi imprimit, nulli labori cedit, nullis frangitur incommodis. huic tu si regnum offeras, si delicias & voluptates maximas, ille tamen hæc omnia suo statu vel pauperrimo non mutet. & talis de nulla re aut homine quæritur, omnia perfert, omnibus se submittit : nam illud assidue cogitat, & quam hoc atque hoc, & istud, & illud, modicum quid est ! patiar itaque & durabo, non durabit hoc æternum. horula est qua hostes mei me premunt : eja pergite detractores, lacerate me invidi, non subtraham me vobis ; hæc est hora vestra & potestas tenebrarum : ego diem Domini exspecto ; diem æternum. & quid lamentis me conficiam ; tota hæc vita, unius horulæ mors est, nec difficilis est victoria, triumphus. quid furibundi maris expallescam minacias ; jam portum video. Nunc quidem imbres, & tempestatum furor in capita proborum detonat, at non & olim sic erit semper, nisi Dei hostibus. Vaticinatur Daniel : \* *Multi, ait,*  
de

de his qui dormiunt in terra pulvere, evigilabunt; alii in vitam eternam, & alii in opprobrium ut videant semper.

In prisca lege Deus Moisi præcipiens: Fac tibi, inquit, duas tubas argenteas ductiles; si semel clangueris, venient ad te principes & capita multitudinis Israël; si autem prolixior atque concisus clangor increpuerit, movebunt castra. Duabus his tubis comparanda geminæ voculæ: † *Nunc*, & *Semper*. lex mundi est: Nunc læti simus, nunc carpamus gaudia: nunc fruamur bonis dum sunt; venite, nunc coronemus nos rosis antequam marcescant, nunc ubique signa lætitiæ relinquamus. Qui unam tantam hanc tubam attendunt, & ad solum *Nunc* aurem utramque arrigunt, ii sæpe vivunt perinde ac si illud *Semper* nunquam secuturum esset. Ideo castra non movent, peregrinos se esse suavissime obliviscuntur quocunque lasciva caro invitat, benevoli sequuntur, toti aut instruendis opibus, aut in fruendis voluptatibus: adeoque illius *Nunc* clangor aures illis obtundit, ut ad optima monita surdi, secuturum *Semper* non audiant. ii vero qui utramque hanc tubam, prout Ecclesia quotidie illis sexcenties clangit, auribus & animo admittant, illudque brevissimum *Nunc*, cum prolixissimo ac æterno *Semper* conferunt, non diu deliberant, castra movent, vivunt ut peregrini, carnem stringunt, in itinere se esse meminerant, divitias & voluptates in patriam præ-

\* Dan. cap. 12. † Sap. cap. 2.

præmittunt, malunt illis *Semper* frui in cælo, quam *Nunc* in terra. Certum est quisquis concisum hunc & prolixiorẽ clangorem hujus utriusque tubæ, mente seria attentaque percipit, & præsentia futuris, transitura æternis confert, ille mox abitum parat, sepulchrum circumspicit, funebre linteum exponit, feretrum sibi locat, sua omnia componit ad iter, ubique meminit in via se esse ad æternitatem, illudque ea de causâ secum assidue pertractat: Poterone de omnibus dictis, factis, cogitatis Deò rationem reddere? & quando redditurus sum? quam ille sententiam in me pronunciabit? *Nunc* ergo mihi moriar, ut & mihi & Deo vivam *Semper*. Bene homini illi, qui mature jam, idque quotidie, Æternitatem sic cogitat, quicquid agamus, hac via perveniemus, & forsan brevi, ad portam Æternitatis, ubi totam ante nos Æternitatem videbimus: mors suprema vitæ hora, ad hoc ostium nos sistet, cogetque ingredi. hoc nos moribundi sæpius, & verbis & gestu docent.

Oiit anno Christiano MDCVI, x. Calendas Aprilis *Justus Lipsius*, vir eruditione & scriptis clarissimus: sæpe is sibi cum Augusto Euthanasian & facilem mortem exoptare consueverat, liberum etiam in illa necessitate, & intrepidum animum; utrumque votis accidit, nam unis tantum quatuor diebus, summum hoc egit, *Mori*. toto hoc tempore nec scriptorum à se, nec studiorum ullum omnino verbum fecit. Imo cum solatii à Stoicis



## Q U A R T A.

magnam illi materiam superesse, quispiam infufurraret: Illa sunt vana, respondit, digitoque in Christi crucifixi prope adstantem imaginem intento: *Hæc est, ait, vera patientia*, mox magno spiritu subiecit: Domine *Iesu*, da mihi patientiam Christianam. morbi invalescentis initio prima illi cura fuit, sacris Pœnitentiæ, Eucharistiæ, Extremæ Vnctionis, purgari, muniri, foveri Sacramentis. piorum precibus assidue ardentique expetitis, & in altum oculis manibusque moribundis sublatis, sic piè ipse precatus est: O mater Dei, adsis famulo tuo cum tota æternitate decertanti, & non me deseras in hac hora, à qua pender animæ meæ salus æterna.

Habemus hîc, mi Christiane, viri Catholici exemplum nobile: nos itidem à Christo Deo, & à Beatissima Virgine Dei parente, eadem quotidie efflagitemus, & ardente animo de die sæpius dicamus: O Christe *Iesu*, ô mater Dei, adsis famulo tuo cum tota æternitate luctaturo, & non me deseras in illa hora, à qua pender animæ meæ æterna salus.

Magister bone, quid faciam, vt habeam  
vitam ÆTERNAM. Matth. C. 19.



*Facilius est, camelum per foramen acus transire  
quam diuitem in regnum Dei. Marc. C. 10. Vix  
vno in corde morantur, diuitiarum et  
ÆTERNITATIS amor.*

# CONSIDERATIO

## QUINTA.

*Quomodo alii, etiam improbi, Aeternitatem  
sint meditati.*

Vetus Patrum historia narrat, hominem religiosum, super Psalmo octogesimo non meditatum, ad illa demum verba devenisse : *Quoniam mille anni ante oculos tuos, tanquam dies hesternæ quæ præterit* atque hic hæsisse, nec illud satis potuisse capere, quæ tandem ratione mille anni, & una diecula conferri inter se possint. hic submissam à Deo ajunt aviculam quæ cantus dulcedine ita delinivit hominem, ut longissimum, quo auscultarat, tempus, vix fuisse horam putant. \* Spiritus, ubi vult, spirat. Non tantum proborum multi cum S Davide æternitatem meditati sunt, sed & improbi, & pæne contra quam volebant.

Refert Benedictus Renatus †, hominem vanum & impium, & ad Mundi leges ex amussi factum, cui *Fulco* nomen, qui uti jejuniis, ita vigiliis inassuetus, & ut in aliis, sic & in somno nil sibi deesse patiebatur : una tamen nox illum deprehendit, qua, ut alias, in utramque aurem stertere non poterat; vigilare illum cogebant inusitata prorsus insomnia, è latere in latus se vertit, nec tamen somnum conciliare potuit; diem esse voluisset; hic spiritus domini flare cœpit, quamvis in ignota terra, nam cogitationes bonæ

F

in

\* Io. 3. † Lib. 5. Magni. 20. Ord. Christianor.

in isthoc homine admodum erant raræ; incipit ergo è tædio vigiliarum cogitare varia. occurrit hic animo: Ecquid præmii poscis, & sic decumbis biennio aut triennio continuo, in tenebris, sine amicis, in leni morbo, sine ludo & commensationibus, in vinculis istis, sed tamen plumcis, sed tamen etiam sine conviviali & theatrâli hilaritate. Et certè solus ego eximius & immunis non abibo: in morbo cubare debebo, velim nolim, nisi morte repentina & subita obeam, quod Deus nolit (bonus hic ventus, bonæ cogitationes) quem autem lectum habiturus sum, cum ex isto me mors dejiciet? corpus putrescet sub terra; ita alios, ita omnes video tractari post mortem. quid autem fiet anima in altero mundo? non omnes, credo, mortales uno loco conveniunt. ubi ergo illi, ubi isti? an non præter cælum flammæ piaculares an non & inferi sunt; ah, qualis ibi lectus erit damnatorum? quot annis illic jacebunt? quo, post initium, anno flammæ illæ cessabunt? Christus certe in ignem æternum non solum minatur mittendos impios, sed mittit: res nimis clara, nimis certa est, ergo æternum in flammis ardebunt? ergo mille & iterum & iterum mille anni non sufficient ad eluenda brevis vitæ peccata? æternum ergo non videbunt solem, non cælum non Deum, æternum miserrimi? ah! ah! His talibus cogitationibus adeo infomnis est factus & vigil, eoq; progressus, ut noctes diesque ceteros hæc cogitata æternitas illum sit infectata, voluit excute-  
re

re molestos hos animi vermes, non potuit; ludos, pocula, sodales, symposia non intermisit: ita morosas Conscientiæ querelas, cum inter alios fuit, minus audiit, cum solus ad se rediit, non effugit. inhærebat animo æternitas, & urgebat. tandem statuit emendare vitam, & melioribus se studiis dare. Et quid ego, ait ipse secum, miser hic ago; fruor mundo, nec fruor. multa patior quæ nollem, multis careo quæ habere vellem. servio: sed quis mihi mercedem? facile vidi hætenus quæ sint Mundi præmia, cum diu servieris. & fac frui me deliciis, quasunque optare possem, & quamdiu hoc durabit; nec in crastinum quidem certus sum vitæ; satis id probant quotidiana funera. ô æternitas si tu non esses! ô æternitas si extra cælum sis, vel in mollißimo lecto injucunda eris & acerba. ægre quidem abstrahimur ab iis quibus insuevimus, durum est à lautioribus epulis, largioribus poculis, carioribus sodalibus sic avelli. at si cunctemur, mors prævenit, & rapit hæc omnia. quid ergo differs? quid honestam tibi necessitatem indicis? Age, alius ero, aut nullus. vita hæc nimis mihi brevis est, nimis est longa æternitas. alio nunc eundum est. non muto: ita pergo Salve nunc mihi ô Diva *Perennitas*.

Fecit quod dixit, & sacræ Cisterciensium familiæ se addicens, probe vixit, pie mortuus est.

O æternitas, quam pauci sunt qui serio de te cogitent, quam multo pauciores qui perpendant & inhæreant! omnia

aiia quæiuntur, sola vilis est æternitas. divitiæ cogitantur, sed fluxæ & relinquentiæ : honores ambiuntur, sed brevi adimendi : voluptates amantur, sed quæ malum & acerbum habent finem : quies desideratur, sed quæ non diuturna est : amicitia experitur, sed quam mors dirimit : conversatio passim in voto est, sed non ea quæ in cælo. abundantia quaritur, sed eo loco ubi defectura est. quod si æternitatem cogitaremus sapius, certe in res tam brevis ævi, nostra minus calerent desideria testem do D. Bernardum\* : Æternis inhianti fastidio sunt transitoria.

Sunt autem qui nescio quam æternitatem ore volvant, & quadam ejurent æternum vitanda, audiuntur quandoque ejusemodi promissa : In æternum suspexit hunc & peccati fautorem locum cavebo ; hominem illum, illam feminam, illum in malosocium æternum non adibo amplius, comestrationes illas, & istas choreas æternum evitabo ; satis est semel, satis est toties hic & illic, cum his & illis peccasse. Bene, mi homo, proponis, & quia peccatum metuis, etiam peccati periculum jure fugis, sed utinam tam sancte ferves, quam facile promittis. Aliquando vix dies aut horæ abeunt pauculae, cum idem omnino facis quod adeo esurasti, & execratus es. Consideratè hic agendum est, & fortiter. nil temere Deo promittendum ; quod vero promissum, sancte constanterque servandum est. exemplis ad-

mo-

\* *Bern. Epist. 3.*

modum luculentis docemur , quam puniat Deus , si fidem illi datam frangamus,

I. *Hominis & araneae labores collati..*

**A**lia est æternitas , sed pessima , quam sibi met pollicentur ii , qui cælum sibi frungere volunt extra cælum , & beati esse antequam mortui. Propter hoc , ait Isaias\* , audite verbum Domini , viri illudores : dixistis enim , percussimus fœdus cum morte , & cum inferno fecimus pactum. O insani , quam nulla est hac vestra æternitas ! nil stabile aut perpetuum in hoc carcere. Regius Vates eleganter id explicans : *Anni nostri* , ait , *sicut araneae meditabuntur*. Non potuisset brevius & melius. quid enim aliud sunt omnes anni nostri , nisi continua exercitatio & laboriosa meditatio ? totum vitæ nostræ tempus vanis laboribus , multis doloribus , variis timoribus , crebris suspicionibus , sollicitudinibus pæne innumeris exercetur ; sicut aranea cum fila filis nectit ; catenatus & continuus est noster labor , continua suspiria , jam ut illo fruamur , jam ut istud amoliamur à nobis. multa facimus & laboriosa suscipimus , & heu nescimus quod aranearum telam teximus , grandi labore , raro successu , nullo effectu. *Anni nostri sicut araneae meditabuntur*. Aranea laboriose telam suam orditur , diu multumq ; ditendit , hac illa circumit , in idem sæpius redit , seipsam consumit , dum suam illam multiplicium filorum rotulam ab-

l 3

fol-

\* *Isaias. cap. 28. 4 Psal. 89.*

solvat. \*exenterat & eviscerat sese, ut suum illud perflatile tentoriolum ex arte concinnet. quod ut sublime suspendat, affigat, firmetque, sexcenties it & redit, nec visceribus suis parcit, libenter ea in tenuissimam hanc texturam impendit, cum vero tralucidum hoc & subtilissimum conopeum jam pender alligatum, & textile hoc opus absolutum est, ad levem scoparum ductum omnis labor intercidit & perit; misella vero aranea vel in tela sua interficitur, vel ea velut laqueo trahitur ad mortem, pede obterenda. ita imprudens animalculum aut funebre sibi ipsi linteum nevit quo involveretur, aut restim confecit quo necaretur. Ita prorsus homines, instar aranæ, multis sese laboribus exhauriunt, ut in altum emergant, ut voluptatibus affluant, ut opes struant, ut retineant, & augeant. hilce conatibus omne suum ingenium impendunt, & sæpe valetudinem; discurrunt, fatigantur, sudant, enervantur; uti aranea viscerum egestu. & cum omnia fecerint, telas aranearum habent & texturinum opus, ad capiendas muscas. sæpe suo ipsi operi immoriuntur; dies quos geniales sperabant, fatales inveniunt; sepulchrum est, quod palatium esse censebant. sic anni nostri velut aranea meditantur: vere maximam partem meditantur tantum, plurima namque facturos nos proponimus, pauca facimus, & plerumque quæ rectius non faceremus nullam habent perpetuitatem, ad quæ tanto moli-

\* *Alii aliud sentiunt: non litigo.*



molimine tendimus, & plerunque non pervenimus, ita pactum cum morte, fœdus cum inferno nullum est. tabescimus omnes & morimur. hoc pessimum quod ita cœce adeamus æternitatem, quam nunquam exhibimus.

Guerricus, cum audisset in templo legi è libro Genescos\* : Factum est omne tempus quod vixit Adam nongenti triginta anni, & mortuus est. Et facti sunt omnes dies Seth nongentorum duodecim annorum, & mortuus est. factique sunt omnes dies Enos nongenti quinque anni, & mortuus est. Et facti sunt omnes dies Mathusalem nongenti sexaginta novem anni, & mortuus est, &c. ita mortem concepit animo, & se quoque moriturum, tam valide impressit menti, ut demum in S. Dominici leges jurarit, quo mortem sanctius obiret, & tutius adiret beatam æternitatem, quando hîc nulla est reperienda Æternitas.

II. *Quæ in mundum sit omnium optima questio.*

† R Efert D. Matthæus, venisse adolescentem ad Christum, qui quæstionem proponeret. Probus fuit hic adolescens, quod ex D. Marco licet conjicere, nam genu flexo venit, & Servatorem interrogavit in hæc verba : ‡ *Magister bone ! quid faciam, ut vitam æternam percipiam ?* Præcepta nōsti respondit Christus, si vis ad vitam ingredi, serva mandata. Philippus in urbe Macedoniæ, custos carceris Paulo

F 4

&c

\* Cap. 5. † Matth. 19. ‡ *ibid.*

& Silæ ad genua accidens, quærit \* Domini: quid me oportet facere, ut salvus sim? Optima quæstio; nil melius, nil & utilius, potuissent hi quærere: Sed, ô bone Deus, ubi hæc quæstio in Mundo? perpetuæ ubique quæstiones volant? hæc una ferè nusquam. plerunque suis se quæstionibus produnt homines, protrahuntque in lucem vel simplicitatem, vel curiositatem, vel latentem alium animi morbum qui adeo gnave quærit, ubi venale sit vinum bonum, satis aperit quid curæ sibi sit. quærit alius, ad quod non possit non erubescere auditor: satis hic patet, cor plenum esse eo quo os abundat. plena sunt rara est, ut alter alterum interrogat, Putasne hæc via ad cælum ducat? Omnium quidem vitiorum hoc est: maxime libidinis & luxuriæ, ut cum quis profundum petit & incipit submergi; non facile serio sinceroque animo quærat; Istone vivendi genere beatam æternitatem obtinebo, ficcine itur ad astra? sed tamen ii omnium minime hoc quærunt, quibus jucunda & suavis est vita; qui parum mororis sentiunt & afflictionis, aut si sentiunt, omnia agunt, ne sentiant; *Pati*, apud illos extremum malorum est: modo ipsis nunc bene sit quicquid fiat aliis, quicquid futurum sit in illa, de qua nil cogitant, æternitate. Quotidianum illorum carmen est; Cælum cœli Domino terram autem dedit filiis hominum. nec desunt eis corporis & ani-

\* *Actor. cap. 16. v. 33.*

animi vires, quibus hominum conatus ad momentum effugiant: sed ut in longas illas summi iudicis manus sine effugio incidant, & longissimas scelerum suorum luant pœnas. quod si Deus arcanissimis suis iudiciis hominem rejiciat, reprobetque, & ex impotentis animi libidine permittat vivere, pleraque illi omnia prospere & feliciter evenire sinit, ne miser bis puniatur, hîc & illic, & si quid boni fecit, mercedem statim recipiat. de ejusmodi male fortunatis hominibus, vere pronunciavit illud Psaltes\* regius: In labore hominum non sunt, & cum hominibus non flagellabuntur: ibunt in adinventionibus suis. & hic est miserrimus vitæ status, si qui esse potest. quia quem Deus destinavit ducere in viam beatæ illius æternitatis, huic certe non parcit, sed *assiduât illi flagella*. Ex innumeris testibus sisto unicum, sed magnum; nil simile multis retro sæculis visum auditumque censeo.

III. *Quomodo Deus hic puniat, ut ibi parcat; inauditum exemplum.*

**A**Nno post Virginis partum millesimo centesimo octogesimo quinto, Andronicus Orientis Imperator, tertio imperii sui anno, ab Isaacio Angelo victus, duabus gravibus ferreis catenis collo injectis, & compedibus oneratus verbis contumeliosissimis exceptus; ita demum ornatus ad Isaacium per-

F 5 du-

\* Psal. 72. † Eccli. cap. 30.

ductus est. hîc illi sævities & tyrannis  
exprobrata, facta omnibus licentia, quid-  
libet in illum audendi. jucundum fuit  
irritatis, ab hoste vindictam sumere ita-  
que impinguntur ei colaphi, tergum i-  
gnominiose pulsatur, barba vellitur, ca-  
pilli trahuntur, dentes excutiuntur: in  
publicum deinde protrahitur, omnium  
ludibriis exponitur, etiam à mulierculis  
pugnis cæditur: post dextra ei præcidi-  
tur, & sic mutilus in furum & latronum  
ergastulum detruditur, sine cibo, sine  
potu, sine cuiusquam officio. Paucis elap-  
sis diebus, alter ei oculus effoditur, ipse  
sic fœde habitus, & uno tantum oculo  
unaquaque manu deformis, curta insu-  
per brevique tunicella male amictus, ca-  
pite raso & glabro infamis, scabioso ca-  
melo aversus imponitur, ludicra ex alio  
corona caput præcingitur, cameli cauda  
pro sceptro lævæ inseritur: sic per forum  
triumphi forma, lenta pompa deducitur,  
hic plebs petulantissima, & circumfora-  
nea sordida turba, efferatis animis in eum  
fecit impetum, nulla habita ratione, quod  
is nudius tertius fuisset Imperator, regio  
diademate redimitus, ab omnibus lauda-  
tus, cultus, celebratus, adoratus; quod-  
que & ipsi iurejurando fidem suam & be-  
nevolentiam erga illum obstrinxissent:  
furor omnibus ministravit arma, clavas  
alii in caput impeerunt, sordibus alii na-  
res opplērunt; alii spongiarum, hominum,  
pecudumque excrementis & oleris plenas  
in faciem expresserunt, veribus alii latera  
pupugerunt. Illi lapidibus, hi luto peti-  
verunt,

verunt, isti rabidum canem, fungum alii & bardum proclamarunt. Impudens muliercula, ollam è culina raptam bullientis aquæ plenam, in transeuntis istius Imperatoris caput effudit : nemo erat qui ei non male faceret. Ita demum summo. ludibrio in theatrum perductus, & mox camelo detractus, inter duas columnas pedibus suspensus est. Qui sexcenta mala jam perpeffus fuerat, virum tamen & heroëm se gessit plane Christianum. lamentari, & ejulare, aut fortunam accusare auditus non est; & frustra id fecisset: cum Deo cœpit rationes ponere, & noxarum veniam orare, illud enim solum identidem ingeminabat : *Domine misere-re, Domine misere-re.*

Miser Andronice, quod tanta ferre cogaris; felix, quod patienter feras, & agnoscas peccata sic esse expianda. Sed nec suspenso furibunda turba, dum vixit, pepercit : direpta tunicula, variè manibus agitarunt, & lacerarunt. ferocior unus ensẽ per pendentis alvum ad intestina adegit, duo alii periculum facturi, utrius gladius esset acutior, ambabus annexi manibus, aversum corpus transfixerunt. hîc miserrimus Imperator, mutilatam dexteram ægrè adinovit ori, calidum ex ea sanguinem, ut multi putabant, ob recentem plagam, adhuc stillantem, exacturus; sic misere vitam abruptit. Diebus aliquot interjectis, ex infami furca detractus, sub theatri fornicem pecudis instar projectus est, dum humaniores aliqui in locum alium transtulerunt,  
eum

eum tamen à nemine sepeliri permisit  
 Isaacius. O Andronice, ô Imperator  
 Orientis, quantam tibi Deus fecit gra-  
 tiam, qui hæc te pati voluit paucis die-  
 bus; ne perires omnibus diebus; brevi  
 tempore miser fuisti, ne esses æternum.  
 nec dubitem quin *Annos Æternos* in men-  
 te habueris, cum hæc tam fortiter tole-  
 raris

Scriptit hæc qui ævo illo vixit Nicetas  
 Choniates, qui & Andronicum ab eo  
 commendat, quod fidei Catholicæ tena-  
 cissimus fuerit, simul & devotissimus D.  
 Apostolo Paulo, cujus Epistolas, præ ma-  
 nibus, & nunquam non apertas habere  
 consuevit. Neque vero Apostolus istud  
 obsequii gratis sibi deferri est passus; cu-  
 ram gessit sui cultoris Andronici, cui  
 cum exitum immineret, imago Apostoli  
 auro exornata & in æde sacra collocata,  
 ubertim illacrimasse visa est, quod osten-  
 tum, ipse statim Andronicus, non aliter  
 atque venturæ cladis nunciium accepit.

O Christiani, *Annos Æternos* in mente  
 habete; sic, quicquid malorum ferendum  
 est, longe facilius perferetis: breve vide-  
 bitur, quicquid cum æternitate confertur.  
*Id enim quod in presenti est momentaneum  
 & leve tribulationis nostræ, supra modum in  
 sublimitate, æternam gloriæ pondus operatur  
 in nobis\**. Hinc tam serio clamat & preca-  
 tur Augustinus: Domine, hic ure, hic seca,  
 modo in æternum parcas. Et D. Fulgen-  
 tius, etsi sanctissimus, morti vicinior, se-  
 ptuaginta diebus antequam siniret, idem-  
 tidem

\* 2. Cor. 4.

tidem clamabat: *Domine, da mihi modo patientiam, & postea indulgentiam.* Hæ illius voces & vora fuerunt, usque dum exhalaret. Certe Deus iis omnium minime parcit, quos per totam æternitatem sæcum retinere decrevit.

C O N S I D E R A T I O  
S E X T A.

*Quomodo Sancti Patres, Ecclesia, Scriptura  
Æternitatem meditandum ingerant.*

Ritus Catholicus est, statis anni diebus supplicare & circumire, Dei & Divo-  
rum honori augendo. Æmulatur id dæ-  
mon: habet ipse suos qui supplicent &  
circumeant. Vidit hos regius vates: *Im-  
pii in circuitu ambulant\**. Vitam suam sic  
institunt, ut à convivio ad convivium,  
à deliciis, ad delicias, à scelere in scelus.  
hic illorum circuitus est; & cum putant  
hunc nequitie circuitum pane comple-  
tum, & utcumque circinatum libidinis  
sue orbem, denuo incipiunt, ad priora &  
antiqua redeunt, dum mors ita circum-  
euntibus non vocata accurrat.

Liberi Job hanc inter se legem statue-  
rant, ut in orbem transirent dies convivii;  
alteri ab alteris invitarentur. Optimus il-  
lorum parens probe advertit, orbicularem  
hunc conviviorum transitum sine pecca-  
tis vix futurum: *Propterea mittebat ad  
eos, & sanctificabat illos, consurgensque di-  
luculo offerebat holocausta pro singulis†.* Uti  
ergo

\* Psal. 11. † Job. 1.

Ædificationem ex Deo habemus, domum non  
manufactam ÆTERNAM in cælis. 2 Cor. 5.



Nemo meas miretur ædes; palatium hic habito  
amplissimum, cum ÆTERNOS orci carceres  
et ÆTERNAS celi MANSIONES cogito



ergo impii voluptatum circuitione gaudent, & in bonis dies suos ducunt; ita Deus circuitum cum illis instituet, sed perpetuum sed in tormentis, sed æternum. Idem hoc beatus David prævidit: \* *Etenim sagittæ tuæ transeunt, vox tonitrui tui in rota.* Fames, bellum, pestilentia, ærumnæ, morbi, calamitates, mors ipsa, adversa denique omnia, quæ ante mortem primam nos præmunt, Dei sagittæ sunt, sed transvolant; alatæ sunt, cellerrime ab his illos atque alios transfiliunt. At vero vox tonitrui, vox iræ & furoris divini in inferorum ergastulis, velut rota circumageatur, idque æternis sæculis; rota hæc veluti si pulvere tormentario stipata sit, ubi semel ignem conceperit, ardebit in omnes æternitates. † *Ignis succensus est in furore meo, & ardebit usque ad inferni novissima.* Est alius hic circuitus, isque etiam æternus: ab inexplicabili frigore ad immensos ardores, & ab his ad illud iterum regressus erit. Ad nimium calorem, inquit \* Iob, ab aquis nivium transeat. Quod expressius & stridor dentium, & oculorum fletus designat. Horribilem hanc & incomprehensibilem æternitatis rotam, quo plenius depingamus, ordo postulat, ut qua ratione sancti Patres cum Ecclesia, hæc cum divina Scriptura in hoc conveniat, ostendamus. Variæ ab his admonitiones sunt, quas si attendamus, æternitatis non facile obliviscemur.

I. San-

\* *Psal. 76.* † *Deut. 32.* \* *Iob. 24.*  
*Matth. 22.*

I. *Sanctorum Patrum & Ecclesiae circa  
hoc responsa.*

**E**X omni numero Sanctorum Patrum, quinque potissimum audiendi sunt qui diversis temporibus vixerunt: Augustinus, Chrysostomus, Gregorius, Bernardus, Laurentius Iustinianus.

Prima hic est quaestio, sed quæ vana & stulta videatur. Quid facilius aut tolerabilius sit, triduo pati capitis, oculorum, dentium vel calculi dolores, vel viscerum tormina, vel (si qui alii sunt acuti dolores) noctes diæque somnum non videre, sine omni pæne respiratione torqueri; aut certe de pisce, in quo fel compressum est, frustillum edere. ridicula prorsus & otiosissima quaestio. multo quam suavius est, totum ejusmodi felleum piscem devorare, quam diem duntaxat unicum tantos perpeti dolores: illi piscis amarities nec vitam auferet, nec ex se morbos creabit; os solum, quod acerba respuit, maxime conqueretur. Recte responsum est. interea vero quot hominum millia primum eligunt seu verbis, seu facto ipso? quoties in exhortationibus, in confessionibus, concionibus clamatur, quam diserte & aperte prædicatur: En, agitur de animæ vestræ salute æterna; æterni vos cruciatus manent. si hac via porrò eatis: Christus aliam monstravit, aliam ixit: respiscite, satis diu aberratum est. in voluntate vestra situm est cælo frui, aut excludi: Deus volentibus non deest. habent quidem amaroris ali-

quid abſtinentia & jejunium, criminum  
confefſio & corporis caſtigatio, ſenſuum  
cuſtodia & victoria ſui, vita caſta & con-  
tinens, non eſt negotium cuius facilli-  
mum: quicquid id eſt, ferendum eſt ali-  
quid. *Nonne oportuit & Chriſtum pati, &*  
*ſic intrare in gloriam ſuam?* ne terreat  
brevis labor: pauculis annis, aut forſan  
diebus tantum, fortia & *Agere & Pati*  
neceſſe eſt, quies & gaudium erunt æ-  
terna. vincit omnia qui ſe vincit, qui ſe  
continet, qui pravis affectibus ſuis vio-  
lenter reſiſtit, idque propter cælum, pro-  
pter Chriſtum, propter beatiffimam æ-  
ternitatem: Chriſtus ſuis poſt reſurre-  
ctionem appoſuit piſcem prunis impo-  
ſitum, quo doceret quanta forent adhuc  
ſuſtinenda: vitam amœnam & ſuavem  
non eſſe cogitandam: lapidandos, flagel-  
landos, crucifigendos, excoriandos; hanc  
enim viam eſſe ad latam olim reſurre-  
ctionem, & æternitatem inter beatos  
ducendam: omnia quæ videmus mo-  
dica eſſe & exigua, nec comparanda  
cum immortalis, & quæ nondum vide-  
tur, beatitudine. Hæc dicuntur, ſed hæc  
non curantur. Et hic ille felleus piſcis  
eſt, qui toties in concionibus, in libris  
apponitur, nam hæc aliaque his ſimilia  
ſæpe ſæpius ingeruntur & inculcantur,  
leguntur atque audiuntur, & tamen  
non creduntur, parvi penduntur, curis  
aliis & oblivione ſepeliuntur. & quoties  
ipſa etiam Conſcientia concionatoris vi-  
ces agit, & ſalubria hæc monita obtru-  
dit, inſtat, dehontatur, vellicat, nihil emi-

cit : frustra omnia. nam multis nec con-  
cionator persuadet nec Conscientia, con-  
tra obducunt illis, & sua etiam axiomata  
regerunt : *Modo hic bene : futura sunt in-  
certa : presentia modo commode habeant :*  
*nullus mortuorum reuertitur , non enim est*  
*qui agnitus sit reuersus ab inferis : venite er-  
go , fruamur bonis.* hæ illorum sunt can-  
tilenæ. Sed propositam quæstionem defi-  
niam Augustinus: Melius est, inquit, mo-  
dica amaritudo in faucibus, quam æter-  
num tormentum in visceribus. ita pro-  
fus, vere melius est in hoc quam altero  
mundo contracta debita solvere : longe  
fatius est sexaginta aut septuaginta hic  
annis corpus exercere continuis & quo-  
tidianis jejuniis, flagellis, ciliciis, quam  
illuc vel uno die in tormentis detineri. sed  
alius è SS. Patribus succedat.

S. Chrysostomus secundam proponit  
quæstionem \*. Si quis, ait, intra centum  
annos, una solum nocte suave lætumque  
somnia vidisset, centenis ob id annis  
puniretur, an somnium hoc appetendum  
esset? quod autem, inquit, est somnium  
ad centum annos, hoc est præsens vita ad  
futuram, imo multo minus; & quod est  
gutta ad pelagus, hoc anni mille sunt ad  
futuram æternitatem. & alibi hoc confir-  
mans: Tempori, ait, infinito quod con-  
feres †? quid sunt decem millia annorum  
cum sæcula cogitas infinita! nonne quan-  
tum est stillicidium minimum, abyssus  
comparatum? Noli post hanc vitam spe-  
ctare

\* Hom. 20. in ep. † Hom. 28. in ep.  
ad Hebr.

etare finem , ubi poenitentiae remedium nihil valet, ubi lacrymae cadunt, sed nihil profuturæ ; verum etsi quis ibi dentibus, fremat , etsi linguam ardentum exferat, digito guttam instillabit nemo , sed audiet illa quæ dives audivit. detur igitur quod per totam vitam nostram voluptati vacaverimus , sed quid hoc ad sæcula infinita ? hinc enim & bona & mala finem habent, illic autem immortales poenæ ; hic si ardeat corpus, egreditur anima, illic verò incorrupto corpore resurgente , semper anima comburetur : peccatores enim incorrupti resurgent, non ut honorentur , sed ut immortaliter permaneant in tormentis.

Post Chrysostomum Divus Gregorius respondet ad illud cum quæri solet, An non celerior sese insinuet ebrietas cum in cella bibitur ad dolia , quam cum in triclinio ? Gloriatur cælestis sponsa Salomonis ore \* : Introduxit me rex in cellam vinariam , ordinavit in me charitatem. In quæ verba Sanctus Gregorius ita differens : Quid per cellam, inquit, vinariam congruentis quam ipsam arcanam æternitatis contemplationem accipimus ? Et certe quicumque cogitationem hanc de Æternitate paullo altius in animum demiserit, gloriari poterit : Ordinavit in me charitatem ; nam meliorem servabit ordinem amoris, seipsum minus , plus atque ferventius Deum , & propter Deum , ipsos etiam inimicos amando. Sed & hoc habet isthæc cogita-

tio, ut qui eam paullo largius delibat, ebrius fiat, sed ebrietate optimorum desideriorum, quæ non eant nisi ad emendationem vitæ, ad cœlestem patriam, ad æternas voluptates. Apostolis exprobratum est, ebrios esse multo; erant certe, sed ex hac cella. quamvis autem D. Gregorius æternitatis sæpius meminerit; illud tamen ab ipso brevissime simul & verissime dictum est: *Momentaneum quod delectat, æternum quod cruciat.* hic merito quivis optet cum Jobo\*: Quis mihi det ut exarentur in libro, stylo ferreo, nimirum hæc ipsa verba; *Momentaneum quod delectat, æternum quod cruciat.* liber huic Scripturæ aptus, cor hominis est; calamus aut stylus ferreus, seria meditatio; liquor purpureus, Christi sanguis. & hæc verba sic insculpta pectori, tum maximevolvenda sunt, & crebrius iteranda, cum voluptas abblauditur, cum libido stimulat, cum invitat luxuria, cum refragatur caro, cum spiritus flaccescit, cum peccati occasio est aut periculum.

S. Bernardus quarto loco venit, paulò post ad præmittendam quæstionem responsurus. Vita humana ea est, ut homines sint diversissimi sensus, quemadmodum diversissimi sunt vultus. Reperiuntur qui continue & graviter affligantur, ut pæne succumbendum putent afflictioni. hunc egestas, illum morbus, istum occulta debita, curæ alium, hunc injuriæ aut calumniæ ita premunt & perturbant,

ut

\* Job. 19.

nt qui pusillanimes sunt & impatientes, nonnunquam mortem sibi optent, ad flumen aut ad restim properent, sic enim miseri finem ærumnis imponendum arbitrantur, cum earum faciant initium, cui nullus concedetur finis. Contra probi alii & ad omnem Dei voluntatem paratissimi, nec cito mori cupiunt, nec diu vivere, vult Deus illos mori? idem volunt & ipsi: vult cito mori? hoc ipsum & illi volunt. vult diu vivere? non resistunt. ita idem illis cum Deo & *velle* & *nolle* est. Præter duo hæc hominum genera, pars maxima est, quæ longam vitam desiderat, nec ullus fere tam senex, quin speret & cupiat annum adhuc unum vivere, apud hos nulla ferme satietas est vitæ, mors istis nimium properat, nimis adest matura, & ante tempus venire creditur. Hic jam quæri posset, quinam hominum vivant aut victuri sint diutissime? D. Bernardus in divinum hoc promissum\*: Longitudine dierum replebo eum, admirabundus exclamat: quid tam longum, quam quod æternum est? quid tam longum, quam quod nullo fine præciditur? bonus finis vita æterna, bonus finis qui finem non habet. Addit: Verus dies qui non novit occasum, æterna veritas, vera æternitas, ac proinde vera æternaque societas. Ita dicendum est, illos solum vita verè longa victuros, qui nunquam morientur in cælo: & illos morte eheu! nimium prolixa morituros, qui semper morientur, qui nunquam vivent in tartaro, etsi semper vivant.

G 3

B. Lau-

\* In Psal. 90. ser. 17.

B. Laurentius Justinianus, ultimum nobis quaesitum explicabit, plurima sunt in hoc orbe, quæ natura ita uni assignavit loco, ut in aliis reperiri non possint, aut non nisi pars illorum. de floribus novi orbis solum potest haberi semen; de multis animantibus sola pellicula. Æternitas, ita res est alterius mundi propria, ut illius non nisi semen hîc habere possimus. quod ergo semen est Æternitatis? Semina æternitatis, ait Laurentius Justinianus, sunt hæc: *Contemptus sui, Charitatis Donum, Operum Christi Gustus* \*. Contemnere alios, arbor est quæ totum tegit mundum, & pro inferorum incendiis excrescit amplissime. contemnere seipsum, & minimum est semen, & ignotissimum mundo: istud è cælo attulit Christus, qui *exinanivit semetipsum, formam servi accipiens & factus obediens* non tantum usque in stabulum, in præsepe; sed usque in Calvariam, usque in crucem, ad mortem, in sepulchrum, in limbum, *propter quod & Deus exaltavit eum*. En, crevit hoc semen in latissimam propaginem, in arborem omnium altissimam, de *Charitate* idem beatus Patriarcha mentionem faciens; juxta *Charitatis*, inquit, mensuram, æternæ retributionis est gloria †. nam cui minus dimittitur, minus diligit. Minus obtinet gratiæ, qui minus habet charitatis; ubi vero minor est gratia, minor erit & gloria. ita omnino, quanto magis Deum amas, tanto magis æterna

tibi

\* *Lib. de obed. cap. 26.* † *De discipl. & conversat. Monast. Luc. 7.*



tibi præmia cumulas. tota lex, est *Amor*, sed purus, castus. divinus. Tertium erat, *Gustus Operum Christi*. scitum est de iis qui student Rhetoricæ: proficere censendos esse illos, quibus Cicero sapit; ita prorsus affirmari potest, in virtute progredi eos, quibus divina Christi documenta non desipiunt. quisquis in Christi verbis, factis, vita vix quidquam gustus invenit, non afficitur, non delectatur, non movetur iis quæ ad animum & pietatem, quæ ad beatitudinem & divina spectant: at vero comedere, bibere, ambulare, ridere, jocari, ludere, perquam sapiunt; istuto sibi ipse dicat: O mi Deus, quam nullum est in me semen Æternitatis! cum enim in memet descendendo, manifeste in me deprehendo, quos ego patiar manes, quo meus me invitet affectus: choreas ducere, convivii hilarescere, ad pocula vigilare, fritillum & tesseras movere, inaniis & fabulis auscultare, impuras pagellas lectitare, ad cantuunculas Venereas plaudere, fociiis paria facere, hoc possum, hoc mihi jucundum est & volupe. at vero multa de Christo, de divorum vigiliis & jejuniis audire vel legere, hoc injucundum est & insuave; ægre tota duro concione, una illius horula certis longior videtur, & ideo vel somno vel colloquio fallenda. de hoc tali homine sententiam pronunciare facile est: *Operum Christi* nullus est hîc *Gustus*. sed Ecclesiæ de Æternitate sentum videamus.

Tanti facit Ecclesia memoriam Æternitatis, ut nullus sit psalmus, precatio, hymnus, quem non finiat Æternitatis memoria; hinc perpetuæ & solennes psalmorum clausulæ: Gloria Patri, & Filio, & Spiritui sancto: Sicut erat in principio (ante omne scilicet principium ab æterno, absque omni principio) & nunc, & semper, & in sæcula sæculorum, infinita, innumera, incomprehensibilia. taceo vestes, ritus atque cærimonias sacras, quarum non paucae eandem Æternitatis memoriam ingerunt, sed à rivulis ad ipsum fontem progrediamur.

II. *Scriptura divina clara de Æternitate testimonia.*

Tres solum testes produco: Prophetam, Apostolum, Evangelistam.

Quanti quotidie gemitus eunt hominum abjectorum & despectorum ab omnibus? passim reperias qui dicat: Miserum me, quam paucos ego, quia pauper, amicos numero; apud omnes inhonoratus jaceo, ubique spernor, omnium pæne pedibus proteror: exspecta, mi homo, paullisper, & patere, nondum omnium dierum soles occubuerunt: promissum divinum attende; Baruch pronunciat\*: *Circumdabit te Deus diploide justitiæ, & imponet mitram capiti honoris æterni.*

Sunt alii qui naturam accusent, & vitam cornicibus longam, brevem nimis concessam homini querantur. Audite queruli, adhuc alia superest vita, ubi brevis

vis hæc & vana desierit ; Beato Paulo credite testificanti\* : *Scimus quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis.* Quæ ergo tanta jactura est, si luteum hoc tuguriolum nostri corporis corruat, cum palatium aureum nobis paratum sit, nunquam ruiturum ? Prophetæ & Apostolo testis accedit Euangelista Matthæus, cujus ore in hæc verba Christus loquitur † : *Si manus tua vel pes tuus scandalizat te, abscinde eam & projice abs te ; bonum tibi est ad vitam ingredi dibilem vel claudum, quam duas manus vel duos pedes habentem mitti in ignem æternum. Et si oculus tuus scandalizat te, erue eum & projice abs te ; bonum tibi est unum oculum habentem in vitam intrare, quam duos oculos habentem mitti in gehennam ignis.* ô ignis ! ô gehennâ ! ô Æternitas, quodcunque damnum temporis, ad damnum Æternitatis collatum, lucrum est, non damnum. hoc sensu dat Christus oppignoratiōis seu stipulationis chirographum D. Matthæi verbis consignatum ‡ : *Et omnis, inquit, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet & vitam æternam possidebit.* An non hæc clara satis est promissio de beata æternitate, cum in pignus detur illud centuplum ? Cum verò Christus apud eundem Euangelistam de supremo judicio præmonet,

G 5 æter-

\* 2. Cor. 5. † Matth. 18. ‡ Matth. 19.

æternitatis ter facit distinctam mentionem ; supplicii æterni , ignis æterni , & æternæ vitæ.

Expendit hæc profundiore meditatione Pachomius , qui post tot labores in vasto eremo susceptos, novum dormiendi, imo potius vigilandi genus excogitavit. quindecim annis non admisit unquam somnum , in tugurio suo decumbens aut jaccens ; neque ullo fulcro incumbens , sed in medio cellulæ suæ sedens , undeque libere , adeò ut nec tergum aut latus parieti acclinarer , sed, si quidem somnus vincere vellet, sic vinceret non dejectum, non suaviter recubantem , & reculantem vinci. Plurimum quidem , hac vigiliarum obstinatione vir sanctus affligebatur, æquo tamen ferebat animo difficillimum hanc contra somnum luctam , spe prælibans æternam illam in cœlo requiem. Eo Pachomium perpetuæ quietis meditatio deduxit , ut etiam humi cubare , & terram pro lecto habere , inter delicias numerarit.

Cum ergo sancti Patres , Ecclesia , & Scriptura variè Æternitatem proponant perpendendam ; nostrarum nunc partium est, ut quisquis æternus esse vult in cœlo, serio cogitet : O mi Deus , quam raro hætenus & quam frigide de Æternitate cogitavi, præterquam quod horis singulis Æternitati fiam vicinior deinceps in rem seria minus ludam, & si quidem mihi multa ex voto fluere, resque meas prospere & feliciter evenire advertero ; proximum erit ut cogitem : & quam diu  
hoc

hoc durabit ? eritne semper tamen serena tempestas , itane semper Phœbus & fortuna ridebunt ? & quid mihi mercedis rependet secutura mox Æternitas pro hac suavi sed brevi, pro grata hac sed periculosa felicitate ? quod si verò res niæ sint turbidæ , si multa contra votum eveniant, si affligar , si crucier , si hinc illinc mala & infortunia in meconjurent , irruant, exagitent , illud unicum assidue cogitabo : Sine tantum, sine, peragat mandata factorum tempestas , inhorrescat hoc mare magnum & iratum , fremant afflictionis venti , impellanturbationem undæ , nubes tentationum minentur , tenebræ mœroris involvant, fractus licet illabatur orbis : non semper ruinæ, non semper procellæ : hi venti aliquando ponent, subident fluctus , nimbus & grando dispellentur ; quicquid demum hîc patiar, non durabit æternum : cadet mea crux , saltem cum ego morti cecidero victima : at vero procellis omnibus procellosius est, flammis addici æternis , hoc longum tormentum est : alia omnia quæ extra Æternitatem sunt , brevia , volucra, momentanea sunt. Umbræ sunt & somnium (ait Chrysostomus) qualiacunque sint : illa speremus & exspectemus. Et quomodo Christus discipulis suis illud *Modicum* inculcat ? omnes cruciatus suos , & acerbissimam in cruce mortem *Modicum* vocat , omnes Apostolorum labores & violentam per supplicia necem, *Modicum* appellat. cur ergo non & mihi *Modicum* videatur , quicquid patior, tametsi centum

id

id annis patiar. \* *Adhuc enim modicum aliquantulumque qui venturus est, veniet, & non tardabit.* Sic igitur pergam, & illud porrò unum judicabo esse necessarium, ut nil agam contra conscientiam, nil contra Deum. omnia ei salva sunt, cui salva est beata *Æternitas*.

III. *Omnia Modicum sunt, præter Æternitatem.*

**V**Ere nimis quam *Modicum* est, quicquid hic seu laboris seu doloris perferendum est. Augustinus †: Hoc modicum, inquit, longum nobis videtur, quoniam adhuc agitur; cum finitum fuerit, tunc sentiemus quàm modicum fuerit.

Sapientissimus hominum, ut omnem humanæ vitæ periodum, vel ad centum annos ampliatam, proprio penicillo depingeret, minutissima rerum sibi sumpsit exprimenda; ita enim dilucidè affirmat Ecclesiasticus: ‡ *Numerus dierum hominum, ut multum centum anni: quasi gutta aque maris deputati sunt, & sicut calculus arene, sic exigui anni in die ævi.* En, quid vobis, ô longævi & centum annorum senes plauditis? omnes anni nostri quid sunt? lapillus arenarius & marina guttula. & quid lapillus est ad altissimos arenæ montes? & quid est guttula ad profundissimam maris voraginem? ita quinquaginta, sexaginta, ita centum anni vestri, ô senes *Modicum* sunt, nihil sunt ad illum  
ævi

\* *Ad Hebr. cap. 10. v. 37.* † *Tract. 102. in Ioannem.* ‡ *Eccl. 18.*

ævi & æternitatis diem. Et tamen cum hoc lapillo, cum hac guttula sic triumphamus, ô vani & miseri! lapillus est vita nostra, at non pretiosus lapillus, non auri & gemmæ, sed arenæ: guttula est vita nostra, at non dulcis aquæ guttula sed salissimi maris: \* Cuncti dies ejus doloribus & ærumnis pleni sunt, nec pernoctem mente requiescit, ait Ecclesiasticus. Vere Augustinus †: Recole, inquit, annos ab Adam usque in hodiernum diem; percurrere Scripturas: heri pæne Adam ille de paradiso lapsus est. ubi enim sunt præterita tempora? si toto illo tempore viveres, ex quo Adam de paradiso dimissus est usque in hodiernum diem: certe videres vitam tuam non fuisse diurnam quæ sic avolasset, unius autem cujusque hominis vita quanta est? adde quantoslibet annos, duc longissimam senectutem, quid est? nonne aura est matutina? Verissima sunt hæc omnia. Dic enim quæso, ubi nunc Adam? ubi Cain jam? & ubi longævus Mathusalem? ubi Noë? ubi Sem? ubi Heber? & ubi obedientissimus Abraham? ubi Jacob? ubi Joseph? vixerunt: fuerunt Troës. sic transit vita, sic transit mundi gloria. ô ros! ô vanitas! quid ambis, quid longa speras? breve est, *Modicum* est, vile est, punctulum est quicquid hîc vides. Vere dixit Gregorius Magnus ‡. Omnis longitudo vitæ præsentis punctum esse cognoscitur, cum fine terminatur.

In

\* Eccl. 3. † Psal. 36. ‡ Greg. lib. 15.  
*moral. cap. 19.*

In ictu oculi clauduntur omnia : omnis consummationis vidi finem , latum mandatum tuum nimis. Quid ergo tempus ullum dicimus esse *longum* ? præteritum enim jam non est ; futurum nondum est ; præsens vero quodnam est ? ipsa una hora fugitivis particulis , agitur : quicquid ejus avolavit , præteritum est ; quicquid ejus restat , futurum. \* Ubi est ergo tempus quod *longum* vocamus ? Non immerito fuit Bernardus (& ego tibi , mi Lector) inculcavit , verissimum illud Divi Hieronymi monitum : Nullus labor durus , nullum tempus longum debet videri , quo gloria Æternitatis acquiritur.

Quantumcunque vero modicum sit vivendi spatium & breve , ad æternitatem collatum , damnatorum tamen nemo Deum accusare poterit , quod vitam non dederit longiorem ; seipsos damnabunt quod vitam non vixerint meliorem. † *Non enim est in inferno accusatio vite.* Satis diu viverent damnandi , si satis pie.

Hic libet , mi Christiane , liberius paulò ac fidentius tecum agere , & rem oculis clarissime cernendam subicere. Ais , te cælum sæpius cogitare , & magnis votis Æternitatem aspirare. Ais tu hoc ? ego vero nego & pernego id te facere , mihi ipsi hoc de me affirmanti juberem te non credere. Et qui fieri possit , ô mi bone Christiane , ut ego tuque cælum sæpius & serio cogitemus , & tantis , uti nos ja-

\* *Aug. lib. II. confes. cap. I.* † *Eccli. cap. 41.*



ſtamus, votis Æternitatem adſpiremus, interim tamen vivamus tam torpidi & frigidi; tam lenti & fracti ad bonum, tam vivaces & fervidi ad malum, tam parati ac lubentes ad omnem petulantiam; homines queruli & oſcitabundi, nunquam minus ſegnes quam cum irasendum eſt, nunquam magis puſilli animi quam cum patiendum eſt: quavis afflictione, quovis verbulo turbamur & deſicimur, ad unam v oculam omnis noſtra patientia liqueſcit, & deſluit; nunquam desperatiores quam cum multa contra voluntatem accidunt. Tacebo cæteras libidinis & invidiæ latentes in animo vomicas. Et tamen nos tales, tam belli homines; tam timidi cum audendum, tam audaces cum timendum eſſet, nihilominus gloriamur, sæpe nobis Æternitatis gaudia in mente & in votis eſſe. Crede mihi, creditu hoc difficillimum eſt, nos cælum & Æternitatem in animo crebrius volvere, & interim moribus non melioribus vivere? da veniam verbo, hoc impoſſibile eſt. Et iſtud jam demonſtro.

Jacob Patriarcha avunculo ſuo Labano pro filia Rachele ſeptem annis ſervivit, & videbantur illi pauci dies, præ amoris magnitudine.\* Audis hoc homo queribunde? tu ſervis non impoſtori, qualis Laban, ſed Deo conditori & promiſſori fideliffimo. nec pro uxorcula ſervis, ſed pro toto cælorum regno; non pro uxoria forma, ſed pro æterno Dei adſpectu? non

\* Gen. cap. 29.

## XII      C O N S I D E R A T I O

non pro uxoriis blandimentis, sed pro  
 cœlestibus, æternis deliciis. Et tamen vel  
 unius dieculæ molestia te sic enervat, ut  
 subinde tuus omnis in cœlum, in Deum  
 amor frigere incipiat: quam primum ad-  
 versa ingruunt, mox in fusiſſimas que-  
 relas prorumpis, cœlum & terram in-  
 clamas, spiras vindictam, forte nec ipsi  
 semper divinæ justitiæ querimonia tua  
 parcit: quandoque vero sic te abblan-  
 diens voluptas emollit, ut servitii divini  
 oblitus, & peccati labyrinthum à fronte  
 amœnum ingressus in letalem somnium  
 resolvaris. En, hæc tua est vigilantia!  
 En, hæc amoris tui heroica magnitudo  
 est? Ubinam arduum illud septennium in  
 divino servitio exantlatum? O Simon,  
 Simon! siccine non potes una horâ vigi-  
 lare cum tuo Domino? Sed audi plura de  
 Jacob Patriarcha. Deceptus hic à Laba-  
 no per lippientis Liæ conjugium, pro de-  
 sponsa sibi Rachaële servivit apud eun-  
 dem impostorem septem annis aliis, nec  
 dubium, quin & hi septem anni, visi sint  
 illi pauci dies, præ eadem amoris ma-  
 gnitudine. & credibile est eum subinde  
 ab opere fatigatum, in Rachaëlis formam  
 obliquasse oculos, secumque tacite di-  
 xisse: Digna est certe hæc forma, quam-  
 vis molesta & septenni servitute, atque  
 si necesse, aliis insuper septem annis, il-  
 lius gratia duram hanc servitutem servi-  
 re non recusabo. ita amoris impetus om-  
 nem laboris sensum mitigabat.

Capis ista delicate Christi miles? & ad-  
 huc murmuras? tu Deo, pro Deo ipso  
 servi-

servire , pro æterna quiete juberis laborare ; ad tolerantiam atque patientiam provocaris pro immortalī beatitudine , & adhuc ignavus dormitator conquereris ? Numera sic quæso annos , quos in Dei famulatum totos expenderis ; vide num annis viginti ita tu Deo , sicut Jacob Labano fideliter & industrie servieris : vix totidem menses aut dies reperiēs ; numerā pervigilatas in precibus noctes , recense dies in laboribus piis exhaustos : poterisne tu Deo , quod Jacob socero dicere : Die noctūque æstu urebat & gelu , fugiebatque somnus ab oculis meis : sicque per viginti annos in domo tua servivi tibi , quatuordecim pro filiabus , & sex pro gregibus tuis ; tunc ita , mi Christiane , annis viginti Deo serviisti ? nosti , quæ tui laboris futura sit merces ; non filia Labani , non greges ovium : servitutis tuæ præmium Deus ipse erit , animi corporisque beatitudo ; unde quaque tibi erit optime , deliciis afflues innumeris , maximis ; sine omni defectu , sine ullo fastidio , sine fine ; natabis quasi liquidissimis immersus voluptatibus . Et tamen , aspice manus tuas ad opus languidissimas , intnere pedes tuos ad templum lentissimos , inspice cor tuum invidia tabidum , ira & vindicta æstuans , spurcis cogitationibus verminans , socordia & impatientia ignavum , siccine Deo servis pro cœlo , pro immortalī vita , pro æterna beatitate ? quin facis quod Jacob , & promissam tibi Rachelem adspicis , cum suscepti laboris tædium obrepit .

H

quo-

quotiescunque igitur ægre tibi est, & vel  
 adversa premunt, vel prospera seducunt,  
 vel labores oneri sunt, oculos cœlo at-  
 tolle, & teipsum sic solare: En, illa tua  
 Rachaël est, formosa nimis & decora!  
 tota pulchra est, nec macula in ea ulla  
 est. en cœlum, en domum quietis & vo-  
 luptatis æternæ; sustine nunc paullulum  
 non summos dolores, non maximos la-  
 bores, & brevi illic eris, tanto tunc lætior  
 & beatior, quanto nunc tristior & affli-  
 ctior; tunc quies illa tibi erit jucundior,  
 quo nunc vita fuerit operosior, ergo &  
*Age fortiter, & Patere constanter; digna*  
 est omnibus beata Æternitas. Si sic, mi  
 Christiane! teipsum sæpius animarès, si  
 talibus oculis cœlum frequentius suspi-  
 ceres, si hoc affectu Æternitatem quoti-  
 die cogitares, crede mihi, pauci tibi ser-  
 vitutis dies viderentur, *præ amoris in Æ-*  
*ternitatem hanc magnitudine*: laborem  
 omnem tibi facilem diceres, molestias  
 omnes gratiam computares, adversa o-  
 mnia inter lucra numerares. Vitam præ-  
 sentem hoc quisque sanctius instituit,  
 quo attentius futuram Æternitatem ex-  
 pendit.

# CONSIDERATIO

## SEPTIMA.

*Quomodo Christiani pingant Aeternitatem.*

**P**ER tenebrosam domum pedetentim incedendum est, parietesque palpandi si humanus intellectus in aeternitatem sese velit immittere, iter reperiet tenebris & caligine obseptum, nec unquam in hac vita penetrandum. via quidem ad eam brevis est, sed exitus interminabilis. & quamvis nemo hominum Aeternitatem sic animo conceperit, ut, quid ipsa sit, liquido possit dicere, ejus tamen immensitatem similitudinibus & picturis, quasi quibusdam umbrarum lineis licet proponere. Umbra prorsus est, & umbra quicquid vel scribitur, vel pingitur de Aeternitate, neque enim omnia tempora in unum coacervata, ejus latitudinem exhaustient: non horæ, non dies, non hebdomades, non menses, non anni, non lustra non olympiades, non Indictiones, non Iubilæa, non sæcula, non anni Platonici, & tardissimi octavæ sphaeræ motus. etsi hæc per quemvis numerum numerantem, millenarium aut millionem multiplicentur, aut cuicunque numero numerato comparentur, ut stellis cœli arenulis Oceani, herbulis terræ, fluviorum guttulis, Aeternitatis tamen numerus non indagabitur.

Nautæ dimissa bolide, maris profunditatem explorant; nos item submissa & reverenti cogitatione, impenetrabile pro-

Hæc dicit excelsus et sublimis ha-  
bitans ÆTERNITATEM. Is. C. 57.



ÆTERNITATEM amisit Adam, reparavit  
Christus, ad hanc invitant Angeli, ab hac  
avocant diaboli: quos sequere VIDE.

fundum Æternitatis tentemus, & quo id melius expendemus, hæc à Christianis proposita imago juvabit. ea sic habet :

Christus puerulus, quasi à præsepi & cunis pæne nudus & investis, stat inter nubes, apram humeris suis fert cruculam; nubibus unicum hoc verbum inscriptum visitur, Æternitas. Infra Christi pedes in terra humi sedet cadaver osseum, pilis & cute nudum, sola barba dignoscendum, læva membranam tenet in qua perscriptum, *Momentanum quod delectat*; dextra pomum extollit. juxta corvus est, rostro cochleam admordens. sua illi vox adscripta, *Cras, Cras.* è terra hiantè flamma sese in altum emergit, in qua voces illæ descriptæ: *Æternum quod cruciat.* Christum ex æthere prodeuntem, flexis genibus adorant è dispari sexu gemini homines, loco omnium hominum; pone hos fluens clepsydra, & apertus gemina facie liber est: altera pagella scriptum\*: *Ducunt in bonis dies suos, & in puncto ad inferna descendunt.* † Alter verò: *Quis me liberabit de corpore mortis hujus?* Juxta stant cælestes genii & cernentium oculos manu regunt, eosque ad divinum puerum erigere jubent. hæc pictura est, sensus illius iste.

### I. *Christus invitans.*

CHRISTUS, æterni Dei æternus Filius, non alia quam nos veste, hoc est, nudus in hunc orbem ingressus est. vestem immortalis & innocentiae per inobedientiam

H 3 nos

\* Job. cap. 21. † Rom. 7.

nos amissimus. nunc omnes heu ! quam male vestiti, in hanc lucem prodimus; Christus nobiscum, imo pro nobis luit, quod non deliquit. Sed quid crux in humeris divinissimi hujus puelli? lectulus est, in quo in mortem obdormivit; pro cubiculo Golgotha, pro cervicali spinæ, pro toro crux fuit. multi è sanctis hoc exemplo ducti, ultro per annos aliquot voluerunt incommode cubare, & male paratissimeque dormire, modo læti ad diem æternum surgerent. Certe D. Bononius Abbas, pro culcitra plumea terram, pro lodice cilicium, pro cervicali saxum habuit. Sanctus Lupus Episcopus, viginti annis, sanctus Edmundus Archiepiscopus triginta annis, extra omnem lectum dormierunt, tacebo Nicolaos, Basilios, Udalricos, aliosque quam plurimos, quibus operæ pretium visum non est, talibus deliciis somnum paucorum annorum fovere. alia illis quies & longior in mente fuit. ideo nec ad satietatem; nec ad delectationem, extra cælum quiescere placuit. quot feminis etiam idem animus fuit? S. Clara pro pulvillo ligneum trunculum capiti subjecit. S. Hedvvgis culcitram stramentitiam non nisi pro deliciis admisit. S. Brigitta ab obitu mariti, triginta annis & cilicium assidue gestavit, & nunquam nisi humi dormivit. omitto alias.

Et quid veteres narramus; quod hodieque viri religiosi, semeso stramini libenter & suaviter indormiunt, nec plumas petunt cum beatam Æternitatem spe-



ſperent, quam quotidie cogitant. Sed ad Chriſtum redeamus, mortem is oppetiit, eamque & acerbiffimam; & ignominioſiſſimam, ſed ut mortem æternam à nobis arceret. omnes quidem morimur, ſed mors hæc breviffima eſt. ictu oculi, momento à corpore divellitur anima, & totum hoc factum eſt, quod *Mori* vocamus. non ita res agitur apud inferos. tormenta illa omnes mortis angores & dolores longiffime ſuperant, non tantum quia multo graviora, ſed quia incomparabiliter diuturniora, cum ſint æterna. itaque illic iſta pati, eſt *continue mori*. & ab hac perpetua morte liberavit nos puer ille, qui in nubibus pictus progreditur. ſub pedibus divini hujus pueruli exeuſum cadaver ſedet, quod primi omnium parentis eſſe, pluribus indiis ſciri poteſt. audite nunc poſteri, & ſeri nepotes Adami, parentem veſtrum vos ſic affantem.

## II. *Adam lamentans.*

**O** Filii, felices futuri, ſi parens veſter ſciuiſſet felicitate uti: nunc vero miſeri hoc ipſo, quod mei filii, ego vos necavi prius quàm genui, propter me ante damnati eſtis, quàm nati; Deus eſſe volui, vix homo manſi: omnes in me periſtis, antequam perire poſſetis: ita nescio patrem me appelletis an parricidam & tyrannum; vitioſos vos eſſe quid miror, aut conqueror? à me tales eſſe didiciſtis: inobedientes vos eſſe doleo ſed tamen eſſe docui, ipſe Deo inobediens: intemperantes & gulofos vos averſantur ſuperi;

ah, paternum hoc est vitium : superbia vestra exosos vos Deo facit : ego primus vestrum, ab hoc monstro triumphatus cecidi, factaque est superbia à me victo superbior : hoc à me patrimonium habetis, miseriarum cumulum, cælum vobis magni Dei nutu transcriptum erat, & legatum certissima sponfione : ego turbavi omnia, & hæreditatem omnium vestrum abligurivi bolo unico : uxorem & pomum pluris ego feci quam vos omnes, quam cælum, quam Deum : hem malum & execrandum prandium, post quod aliquot millibus annorum, mihi cœnandum fuit apud inferos ! in horto degebam supra quam cogitari & fingi potest amœno : omnibus quæ animo colibuisse, frui ibidem licebat, unicam si stirpem declinasse. omnium animantium rex eram, sapiens & pulcher, valens & robustus : deliciis innumeris affuebam ; cælum æquabili clementia novis conjugibus favebat, & in cærulea veste nitidum, continue ridebat : soles non nisi purissimos illic vidimus, nil nisi amœnum & floridum incurrebat oculos, aures suos habebant muscos, aviculas : terra crocum & cinnamomum halabat ; undique me voluptas incredibilis ambiebat : vivebam procul omni cura, tædio, metu, labore, morbo, morte : Deus aliquis eram in terra, hanc felicitatem cælités ipsi mihi gratulabantur ; ego unus eam mihi maxime invidebam : & quia divinæ legi non parui, & vetitum malum admordi, omnia in me mala irruerunt :

Para-

Paradiso exturbatus, à Deo profugus pudore plenus latebras captavi. labor, dolor, mœror, pavor, lacrymæ, calamitates, mille miseriæ fatigare me cœperunt, vos sentitis, quotquot ex mea familia estis, & quod finis ærumnarum esse creditur, mors, sæpe est initium, & quidem æternarum. O mei filii! meo vestroque damno sapite, & vel unum hoc à me discite, *Peccatum odisse*. En prorumpentem juxta me flammam; hæc eodem quo peccatum tempore cœpit urere, nunquam in æternum exstinguenda, omnia alia supplicia in levi ponenda sunt, & brevi finiuntur, hæc reos semper cruciabit; sed eam evadere jam possumus, modo ipsi velimus. ultra quinque millia annorum mihi meisque liberis omnibus porta cœli occlusa fuit: nunc reſerata est per illum, qui, quod ego liber male rapui ex arbore, ipse suffixus in arbore, totum liberalissime persolvit, & nobis omnibus *moriendo restituit rem*. cunctis jam cælum pater, sed eò non ducit nisi via pœnitentiæ, non admittit nisi porta crucis: qui hac via, & per hanc portam venit ad gaudia, securus venit, & certus habitationis æternæ: non excludetur illinc amplius: nemo illic lædi potest aut lædere, ô posterì, Æternitatem cogitate, brevi immortales futuri, aut inter damnatos, aut inter beatos. Hæc ad posteros monita sunt Adami, qui.

*Quam meruit pœnam solus, digessit in omnes.*

Thomas Morus\*, Angliæ Cancellarius, vir qua pleraque omnia summus, cum re-

H 5

nulla

\* *Thom. Staplet, in vita illius cap. 16.*

nulla flecteretur ad assensum regiae libidini præbendum, submissa est ad eum in carcerem uxor, si ea forte virilem animum, qua precibus qua lacrymis emolli-  
ret; preces ergo quam blandissimas ad-  
movere coepit, & per sacra omnia regare,  
ne se, ne liberos, ne patriam & vitam,  
qua multis annis insuper liceret frui, sic  
iret perditum. Cum verba lacrymis etiam  
commendaret, & plura de prolixiore vita  
ingereret; Et quamdiu (subjungit Mo-  
rus) ô me: Aloysia, frui hac vita potero;  
Tum illa: O mi optime marite, inquit,  
ipsis facile viginti annis. Cui Morus: Vis  
ergo, inquit, ut æternitatem viginti annis  
commutem? nã tu imperita es merca-  
trix: si viginti annorum millia dixisses,  
aliquid tu quidem dixisses, & videri pos-  
ses cum ratione insanire: sed hæc ipsa vi-  
ginti millia annorum ad æternitatem  
quid sunt? *modicum* & breve quid, pun-  
ctum, momentum, nihilum. Ideo ego  
carcerem, & quicquid malorum in me  
conjurârit, tota vita perpeti malo, quam  
æternitatis beatæ vel tantillam jacturam  
facere. Sic Æternitatis objectum & hunc  
arietem inconcussus sustinuit. Sed ni-  
grum alitem jam consideremus.

### III. *Corvus crocicans.*

**P**roxime hoc protoplasti cadaver cor-  
vus appictus est, qui non leviter facit  
ad Æternitatem integre repræsentandam.  
notum D. Augustini dictum est: *Cras,*  
*cras, corvi vox est. geme ut columba & tur-*  
*de pectus.* hanc fere ob causam, beatam  
Æter-

*Æternitatem* plurimi amittunt, quod illam hodie quærendam, cras quæsituros se statuunt, nihil enim promptius incertissimum *Cras* rejicimus ac pœnitentiam, quam ut à nobis honesto nomine amoliamur, identidem promitrimus.

\* *Cras hoc fiet idem : cras fiet. quid, quasi magnum*

*Nempe diem donas ? sed cum lux altera venit,*

*Iam cras hesternum consumpsimus. ecce aliud cras*

*Egerit hos annos, & semper paulum eris ultra.*

Ita *Cras* illud tam longa sponfione cunctatur, dum vitæ tempus eripitur, & repente miseri ad *Æternitatem* sed horrendam & subterraneam devolvuntur. Ipsa est, ait Augustinus, quæ multos occidit, cum dicunt: *Cras, Cras,* & subito clauditur ostium Salomon identidem inlclamat: ‡ *Non tardes converti ad Dominum, & ne differas de die in diem, subito enim veniet ira illius, & in tempore vindictæ disperdet te.* Vere dixit Romanus sapiens, Seneca: Magna pars vitæ elabatur male agentibus; maxima nihil agentibus; tota, aliud agentibus: atque veluti Archimedes, dum Syracusæ caperentur, domi suæ in pulvere circum securus rotabat: ita plurimi hominum, dum illorum æterna salus agitur, pulverem illi suum tractant vanis litibus, pecuniariis negotiis, & non profuturis laboribus distenti. *Æternitatem* nunquam cogitant, aut rarissime, idque

\* *Perf. sat. 5. ‡ Eccl. 5.*

que perfunctorie tantum, velut canes è Nilo bibunt. O Martha, Martha, quàm vaneturbaris & distraheris in plurima! *Porro unum est necessarium, Beatitudo*, sed non hæc brevis in terra, sed illa in cœlo Æterna.

Antequam laborem sumamus, notam illam regulam sæpe applicamus, & nobiscum ipsi quærimus: Estne hic labor ad panem lucrandum? An non potiori jure Christianus cujuscunque operis initio, se ipsum serius interroget: Estne hoc ad cœlum lucrandum? conducit ne istud ad beatam Æternitatem promerendam? sed nos has tales curas in aliud atque aliud tempus rejicimus, nimirum istud de labore nostro tunc quæsituri, cum non amplius poterimus laborare. Sed hoc omnium peccatorum est, ait Augustinus; omnis peccator dixit; *aliquando, sed non modo*. An, cur non modo, si aliquando?

Dionysius Rex Siculus, Appollini auream chlamydem abstrahens: nec æstati, inquit, nec hiemi vestis hæc convenit; in æstu gravat, in frigore non calefacit. sic multi, ait Ambrosius, cum anima sua ludunt, & cum Deo. juveni, dicunt, ad mundi leges vivendum est: ad calices & choreas, ad equos & palæstram exercitatus sit, aprico gaudeat & fociis: eremum & templa tetricis senibus permittimus; & cum senectus adrepsit frigida & morbida: Non hæc, inquiunt, à senibus postulanda; per vires non licet: quies illis indulgenda: valetudinem curent, & satis agunt, ita & æstas ætatis nostræ transit,

transit, & hiems, & ad futurum æternum  
ver nihil laboratur. ergo dum tempus ha-  
bemus, operemur bonum, nec per corvi-  
num illud, *Cras, Cras, & hodiernum, &*  
*crastinum, & æternum elabi sinamus.*  
crastina dies non est nostra, sed hodierna.

\* *Ecce nunc, inquit Apostolus, qui dicitis,*  
*hodie aut crastino ibimus in illam civitatem,*  
*& faciemus ibi quidem annum, & mercabi-*  
*mur, & lucrum faciemus, qui ignoratis quid*  
*erit in crastino. quæ est enim vita vestra? va-*  
*por est ad modicum parens, & deinceps exter-*  
*minabitur.* Rectè Messodamus, quod Gui-  
do Bituricensis narrat, invitanti ad epulum  
posteræ lucis: Mi amice, inquit, cur in  
crastinum vocas? ab aliquot jam annis,  
diem secuturam mihi nunquam polliceri  
sum ausus, quia in horas singulas mortem  
expecto. Nemo certe mortem satis cavet,  
nisi qui semper cavet. nimis ille temera-  
rius est, & Æternitatis manifestus con-  
temptor, qui cum letali peccato it cubi-  
tum, & in plumas sese abjicit, totoque  
proflat de pectore somnum. Ah! quanta  
est humanæ mentis & cæcitas & temeri-  
tas? quam frequens sit & crebra mors re-  
pentina, scimus ipsos etiam homines no-  
vimus, qui pridie valentes & sani cubitum  
ierunt, mane inventi sint mortui, forsa è  
plumis, Deus scit, in flammis tracti: ipsi  
etiam vidimus, qui subita vi tacti, simul æ-  
grotare cœperint & mori, intra partem ho-  
ræ sani, ægroti, vivi, mortui. & tamen ad-  
huc procrastinamus, & de die in diem (pa-  
rum est hoc) de anno in annum emenda-  
tio-

tionem vitæ differimus, interim mors ad-  
est non expectata, & toti nos tradit æ-  
ternitati.

Viriliter in se cunctabundam hanc len-  
titudinem expugnans Augustinus: Sen-  
tiebam, inquit, me ab eis teneri, & ja-  
ctabam voces miserabiles. Quamdiu,  
quamdiu cras & cras; quare non hac  
hora finis turpitudinis meæ; dicebam  
hæc & flebam amarissima contritione  
cordis mei.

Magnus ille Antonius, teste D. Hiero-  
nymo, suos ad virtutem exhortatus, jugi  
meditatione agebat retinendam esse mo-  
nitum illud: \* Sol non occidat super ira-  
cundiam vestram. Neque tantum super  
iracundiam solem occidere non debere  
dicebat, sed & super peccata alia omnia,  
ne unquam scelerum nostrorum testes  
Sol & Luna discedant.

‡ Joanni Alexandrino Patriarchæ, li-  
tigii quid fuerat, cum Niceta Patricio  
urbis primatæ: ad forum res spectabat,  
in qua ille potius pauperum, hic nummo-  
rum magis curam gerebat. Fuit ut unum  
in locum convenirent, pacem, si qua ra-  
tione possent, inituri. clamatum est diu  
acriter, nec sine stomachi aut b. lis indi-  
cio, neuter suas partes desereret æquum  
censebat: ita in feras horas conflictus hic  
verborum abiit, nec amplius profectum  
est, quàm ut animi paullò quam antea  
essent offensiores, quando ergo neutrius  
animus ad alterius condiciones accedere  
voluit,

\* Eph. 4. ‡ Leontius Cypriorum Episc.  
in vita illius cap. 14.



voluit, discessum est litependente & integra. Patricius jure pecuniario cedere iniquum putabat, Patriarcha Dei causam sibi agere videbatur, nihilominus tamen, cum jam abiissent, Patricius percinaciæ seipsum damnans, integerrimus Præsul: Nec in optima quidem causâ (ait ipse secum) hanc inflexibilem iræ contumaciam Deo placere putes: & jam etiam adulta nox imminet; itane solem super iracundiam nostram occidere sinemus? impiorum hoc est, & contra præceptum Apostoli: nec quievit optimus antistes, & quam primum sacerdotes primarios complures ad Nicetam Patricium submisit, eique renunciari jussit hæc solum: *Domine, Sol ad occasum est.* Quæ paucula verba Patricii animum improviso aggressu sic immutârunt, & adeo pervicaciam omnem expugnarunt ut turgentibus oculis prorupturas lacrimas ægre in statione contineret: nec distulit; abeuntes clericos è vestigio secutus, ad suum Pontificem Joannem, quam importunus tam gratus irruit, & statim: Sancte Pater, exclamat, in tua posthac ero potestate: quo dicto in mutuos amplexus, & una in concordiam iverunt ambo; ita pacem, quam longa verborum velitatio nequirit, unicum hoc dictum integravuit: *Sol ad occasum est.* Ita omnino, quisquis peccati mortalis conscius sibi est, vesperi hoc ipsum sæpius apud se animo revolvat: *Domine, Sol ad occasum tendit;* fortassis & vita tua. atque si hac nocte moriaris, quod nec novum nec rarum est,

in qua te futurum putas *Æternitate*? di-  
vorum an damnatorum? Conscientia ti-  
bi tua hoc dicet; quare age quod agis,  
*Sol ad occasum tendit*, cave occidat super  
libidinem & luxuriam tuam, super tuam  
invidiam & blasphemiam, super detra-  
ctionem tuam & furtum, super peccatum  
tuum mortale vel unicum. Deus bone, si  
vestis, si vultus, si pileus levi forde macule-  
tur, mox abstergimus aut eluimus; Ergo  
vestis aut pilei, ergo vulsus maculam tole-  
rare non possumus, & animi turpissimos  
navos tamdiu toleremus? is dies, ea hora  
expiationis esto, quæ est peccati. agenda  
est pœnitentia, ait Ambrosius \*, non so-  
lum sollicite, sed etiam mature, ne forte  
Enangelicus ille paterfamilias, qui arbo-  
rem ficum plantavit in vinea sua, veniat,  
& quærens fructum in ea, si non inve-  
niat, dicat cultori vineæ, *succide illam*. hoc  
ultimum vulnus arbori inflatum, prorsus  
est immedicabile, ergo quibus licet, &  
dum licet, medeamur. ipsæ animantes  
hoc docent, cervus sagitta confixus ad di-  
ctamnium, notam sibi herbam, properat.  
hirundo si pullos excœcaverit, novit illos  
oculare rursus de sua chelidonia. nos, heu,  
miseri pœne quotidie vulneramur, & sæ-  
pe letaliter, & tamen medicinæ cura nul-  
la est. ad mensam, ad confabulationem,  
ad lectum, uti assuevimus, properamus:  
& quis ad pœnitentiam, ac confessionem?

Si tutelarisi Angeli (nam & hi in hoc *Æ-*  
*terhitati* typo expressi adstant) monita au-  
diremus, nunquam nisi prius Deo recon-  
cilia-

\* *Lib. 2. pœnit. cap. 1.*

ciliati cubitum abiremus, custos hic no-  
ster sapius monet clepsydrae ad finem de-  
fluentis, monet iudicii jam imminantis :  
at nos via, qua coepimus, pergimus fluat  
clepsydra, immineat iudicium, Orcus  
minetur, moneat Angelus, mors instet,  
nos vero pergimus, & in dulcem declina-  
mus lumina somnum, ô miser, quisquis  
es. *Vir. 4. Æn.*

——— *potes hoc sub casu ducere somnos ?*  
potes Conscientiam peccati mortalis ream  
ad lectum deferre ? potes in tanto æternæ  
mortis periculo soporem, mortis fratrem  
admittere ? Possum, inquis possum ; nec  
aliquid mali mihi unquam evenit, ne fi-  
das, unica hora evenire potest, quod mil-  
le horis non evenit ; nondum evasisti, &  
cogita obsecro, quanto spatio anima tua  
distet à morte, ab inferis, ab æternitate :  
unico certe halitu verissime tu quoque  
dices : Uno tantum gradu, ego, morsque  
dividimur. non magno apparatu opus est,  
ut mors te sternat, neque tota telorum  
pharetra exhaustiunda, ut cor tuum trans-  
figat : unius sagittulae mucro vita te omni  
spoliabit. Ecce aura molignior & corru-  
ptior te afflat, vel humor aliquis è cerebro  
in pectus subsidit, vel aliquod alicubi o-  
stiolum in corpore obsepitur, aut cordis  
calor subito suffocatur, aut arteriæ pulsus  
intercipitur, & totum tuum vivere con-  
cidit, tuque te prius ad æternitatem abre-  
ptum esse miraberis, quam metueres abri-  
piendum mille sunt non tantum tardæ,  
sed repentinæ mortis viæ mors illa maxi-  
me improvisa est, cuius vita precedens  
I non

non fuit provida. mors impræmeditata, mors pessima : ideo salubriter consultum est omni ætati, ut omnem diem sibi credat ultimum, imo omnem horam putet extremam. Quot hominum subito sunt extincti, lapsu, laqueo, veneno, gladio, flammis, undis, leonis unguibus, apro- rum dentibus, equorum calcibus? mille mortis causæ; quotquot corpori sunt, non dicam sensus, sed & pori, tot & mor- ti sunt fenestræ, per quas irrepit & ju- gulet. Natus es, ait, Augustinus, certum est quia morieris : & in hoc ipso quia mors certa est, dies mortis incertus est. nemo nostrum scit, quam prope versetur terminus. *Nescio*, ait Job \*, *quamdiu sub-*  
*sistam, & si post modicum tollat me factor*  
*meus*. media vita in morte fumus, quam in sinu semper circumgestamus, & cui exploratum est se ad vesperam victurum? huic hominum latroni, Morti dico, mille sunt nocendi artes, innumera fulmina, tonitrua, ignes Phrygii & Græci, sagittæ, gladii, salaricæ, falces, fundæ. exemplis opus non est quæ à priscis petamus, sat recentium habemus : nonne multi, nobis non ignoti, dum dormierunt, in mortem ipsam obdormierunt, non excitandi ante supremum diem. non semper Mors nuncios aut Feciales mittit, qui adventum suum significant : sapissime adest i ex- spectata, & sic omnibus cærimoniis inertem hominem invadit, sternitque. Vigilate itaque quia nescitis neque diem neque horam. Est quidem in inferno  
 pœni-

\* Job. cap. 32.

pœnitentia, sed non vera, & fera nimis. nunc tempestivus clamor est; *Facite fructum dignum pœnitentiæ*\*. Venit nox quando nemo potest operari: operamini ergo dum dies est. Dies, inquit Origeres ‡, hujus sæculi spatium est, qui quidem dies nobis longus, sed si cum Æternitate conferatur, est brevissimus, quam tamen diei brevitatem infinita sequitur Æternitatis prolixitas. ô mi homo, tu præsertim, qui peccati gravioris conscius tibi es, Æternitatis ostium contemplare, & mortem cogita incertissimum est quo te illa loco exspectet, tu itaque illam omni loco exspecta. qualem te invenerit Dominus cum vocaverit, talem pariter & judicabit.

\* *Matth. 3. Joan. 9. ‡ Orig. homi. 10. in Matth.*



In omnibus operibus tuis, memorare novissi-  
ma tua, et in Æternum non peccabis. Eccli. C. 7.



ÆTERNITATEM cogitare, et mores nil  
emendare, est celo longum VALE dicere,  
et inferos iam cominus salutare.

# CONSIDERATIO

## OCTAVA.

*Quomodo Christianis non tam pingenda,  
quam meditanda sit Æternitas.*

**O**Rdo postulat, ut à psalte regio, aliisque æternitatem meditantibus, in nos ipso descendamus, nobiscum ipsi habitemus, & saltem subinde domi, & apud nos simus; nimis procul à se suaque salute abit, qui quod transit, videt; æter-  
norum obliviscitur.

Norunt jurisconsulti, jus illud quod de solis tribus obolis est, deserendum non esse, si jus sit perpetui & æterni census. magnum inesse censetur pretium tribus tantum quadrantibus, si singulis ii annis sint suo domino pendendi, tanti est rei vel vilissimæ perpetuitas. quod si jus trium obolorum persequeris, mi homo, & qui fit quod in hæreditate regni æterni adipiscenda tam socors sis & oscitabundus? De tribus obolis bellum alteri moves, & prolixum instituis litigium: cælum aliis rapiendum permittis: nimirum res vilis est cælum; certè apud te, qui tam parum pro cælo laboras omnia alia tanto quæris ambitu, tanto conatu & sudore: de æternis, ut quæ procul distare videantur, vix cogitare vacat, & cum vacat, non libet. res morosa videtur, mentis oculum fatigare in iis quæ pervideri nequeunt. vicina & præsentia magis delectant.

Hic si sapiamus, mirabimur nostram ipsi cæcitatem, aut verius insaniam,  
I. 3 quod

quod cum in plerisque omnibus, præsertim ubi pecuniaria causa est, velimus esse certi, at verò cum de thesauris æternis agitur, nulla quærat, cum haberi possit aliqua certitudo, vel, ut vocant, assecuratio. Quis mutuas dat pecunias, qui non invicem litteras postulet, aut pigora? omnium hoc in ore est: Certus esse volo, cupio assecurari; viam ibo tutiorem, aleam subire non placet: præsentia & certa ubique præpollent incertis & longe diffitis; melior est passer unus in manu, quam decem aut viginti in recto: charior nobis est regulus in cavea, quam aquila in nubibus. nimirum cum Plauto sentimus, & tum credunt manus nostræ cum sunt oculatæ. Itane, ô mortales, certitudo vobis quæritur rerum incertissimarum, & tunc maxime fallentium, cum manu tenentur; de via æterna tam non curatis esse certi? norunt Christiani quam hic assecurationem aut certitudinem posuerit Rex cœli, Christus: Si vis ad vitam ingredi, \* *serva mandata*. Qui servat, ingreditur: res certissima, via securissima est: at vero qui vel in unicum ex his præceptis peccat, poenitentiam insuper differt, nec eadem qua peccavit hora, offensus se Deo reconciliat, is se suaque omnia, is corporis & animæ salutem æternam, aperto committit discrimini, tribus digitis (sed nec tantum) à morte abest, cum mille mortis causas intra se contineat, & tamen in illo damnationis statu temerarius persistit,

\* *Matth. 19. Luc. cap. 18.*



fit, in quo si mortem obiret, periret in omnem æternitatem. An non hoc est temerarie agere, & aleæ periculosissima, quam facile vitare posset, æternas divitias committere?

Quod si tot anni in inferorum cruciatibus essent explendi, quot peccata quis patrasset, aut etiam quot horis vixisset, quam id esset tolerabile? at revera si plures viverent inimici hostes Dei, si ad certos tantum annos ignis ille duraret; nam plurimi ne sic quidem terrentur, cum sciant supplicia illa æternum, & infinitos annos duratura, eaque esse tanta tamque immania, ut pars horæ in iis consumpta videatur annus. nam si conflaretur in unam quasi massam id quod homo centenis annis in hac vita perpeti potest, putasne annum unum apud inferos exigendum æquaret? sicarii, latrones, parricidæ, & quorumcumque scelerum rei triduo aut quatrIduo omne sibi debitum supplicium exhauriunt: dirissimè quidem torquentur, sed intra paucos dies omnis hæc stat tortura, & tota unius circumactu hebdomadis absolvitur. At vero damnatorum tormenta non uno anno, nec sæculo uno alterove concluduntur: Deus hos semper punit, neque unquam satis punit, etsi tota puniat, Æternitate.

I. *Non rem tantum, sed & spem omnem,  
Æternitas præscindit.*

SPes in hac vita sic habet, ut sæpe sola hominem in miseriis soletur, ad sublevandam enim hominum lassitudinem,

spe nihil est efficacius. & divina lenitas plerunque aliquam in adversis spem salutis reliquam facit. ægroto dum anima est, spes est. post hanc vitam, hoc ultimum rerum adversarum solatium damnatis penitus ademptum est: spe sublata, sola remanet æterna desperatio. Vidit & audivit Daniel Propheta clamantem angelum: *\* Succidite arborem, & præcidite ramos ejus: excutite folia ejus, & dispergite fructus ejus. verum tamen germen radicum ejus in terra finite.* Florem, inquit Ambrosius, & folia decutit, radicem servat; deliciæ hic auferuntur, pœnæ infliguntur, spes tamen non adimitur: en radix servatur, spes manet. Apud inferos radicitus & stirpitus evulsa est. Non relinquet eis germen, neque radicem, clamat Malachias†. Jobus etiam dolens ‡: *Et quasi avulse,* inquit, *arbori abstulit spem meam.* Spes impiorum peribit. Ergo dum possumus, sed simul etiam id quod debemus, speremus. Ovidius olim monet:

*Omnia sunt hominum tenui pendencia filo,*

*Et subito casus, quæ valere, ruunt.*

His ergo fidendum non est, nec sperandum in his. Bernardus viam monstrat meliorem, his verbis\*: Dicit fides, parata sunt magna, inexcogitabilia bona à Deo fidelibus suis: dicit spes, mihi illa servantur: jam tertia, charitas: curro ego, ait, ad illa, spes vera, uti D. Gregorius affirmat, in æternitatem animum erigit,

&

\* Dan. c. 4. † Malac. c. 4. ‡ Job. c. 19.  
Prov. cap. 10. \* Serm. 10. in Psal. 91.

& idcirco nulla mala exterius, quæ tolerat, sentit. Spes vera, omnia *modicum* quid, & *momentum* esse non nescit. Sed ô *momentum*, à quo tota pendet Æternitas! hora mortis & extremi agonis dies proprie momentum illud est, & illa pretiosa margarita, ob quam prudens mercator omnia vendit, ut illam emat, sed pauci nō sunt hujus unionis pretium. D. Hieronymus affirmat, & ; Pro æterna salute, inquit, omnis admodum homo negligens est, sed unde neglectus iste in re summi momenti? oculos miseri habemus imbecilles & malos. cominus satis videmus, eminns vix quidquam. de adultis & senibus non loquar: pueri puellæque à cunis recentes, & quibus nondum omnes dentes nati, vitiorum elementa accipiunt, & minimas avaritiæ sordes ediscunt: mox acquirendi docentur insatiabile votum: norunt itaque quid lucro, quid crumena, quid penori faciat; de mercimoniis loqui possunt, & vina judicare, & vestium peregrinas formas dictare norunt, nimium: *Juven sat 14.*

*Hoc monstrant vetulæ pueris poscentibus  
assent,*

*Hec discunt omnes ante alpha & beta  
puellæ:*

*Inde fere scelerum causæ ———*

Inde etiam tanta rerum æternarum aut inscitia, aut oblivio; juvenes senesque nummi pretium prole intelligunt. cœli & Æternitatis ignorant. Sed pergamus ulterius.

II. *Æternitas mare est, triceps hydra est, sed & fons est, omnis gaudii,*

**E**X te potissimum, mi Christiane, qui concioni sæpe interes, sed fortassè rarò attentus es, quæritur: Si tu ad mare stes, illudque minuto cochleari exhaurire instituas, in proximum à latere vicino rivulum, qui tamen ipse etiam mare influat, & sic omnia quæ mari ademerat, à mari resorbeantur: dic jam, quamdiu in exhauriendo mari laborabis? quod si dolio haurire liceat, & in flumen aliorum derivatum effundere, quot annis vel hac ratione hauriendum tibi esset, dum in alium alveum mare transfunderes? interea temporis in flammis sedere, infandum esset tormentum, damnatis tamen gratissimum pactum, & moram dicerent non longam, modo demum sic finientem, ut evadere liceret Æternitatem,

Finxerunt prisce tricipitem nescio quam hydram, cui resecto uno capite, mox aliud atque allud subnasceretur: hydra hæc vere apud inferos est, si est usquam, illic enim æternitas triceps, quæ ad pœnam damni, pœnam sensus, & vermem Conscientiæ nunquam mortiturum, velut trigemina capita præfett. heu miseros nos & rerum maximarum improvidos, qui viam habemus tam brevem quam periculosa, in ea tamen adeò hilares sumus & petulanter lati, perinde atque si per paradisum & amoenissima tempe deambulemus, securi ab hostibus, jam jam in patria tutò locandi. Nescire tamen sine culpa non possumus,

per-

perventuros nos demum ad geminas portas. duplicis Æternitatis, quarum illa beatorum, hæc damnatorum est; per harum alterutram ingrediendum, prout nimirum in via nos gesserimus.

Laurentius Justinianus hanc hilarem viatorum insaniam miratus: *Omortalium*, inquit, *lugenda conditio, quæ cum sit exul à patria, exultat in via!* differamus tantisper vanissima gaudia, dum patriam contingamus, & hoc unum agamus, ut per illam admittamur portam, quæ principium est æternæ beatitatis. Creavit nos quidem Deus ad delicias potius quam ad labores, verum hic neque locus neque tempus est deliciarum, sed laborum. Æternitatem Deus deliciis assignavit, hujus verò vitæ spatium ad delicias illas promerendas concessit. Et quo, inquis, obsequio eas promerebor? \* Oraculum nostri? Regnum cœlorum vim patitur, & violenti rapiunt illud. Cogita tecum: Egone violentus ille? nimirum in plumis, in poculis, in tripudiis, in deliciis. Ah! certandum est generosè, currendum strenuè, dum vivimus & vigemus, ut in ultimo vitæ articulo, in ipso Æternitatis horizonte, qui nos in perpetuum ab hac vita determinabit, & in aliam, quæ totius Æternitatis est, transcribet, de vita transacta gaudere, de futura optime sperare possimus. Laboremus ergo, laboremus, & vim nobis inferamus, sic latentem in tempore sempiternam quietem, & æternam sub paucis diebus occultatam gloriam assequemur.

Verum

Verum solidumque gaudium in vanis his delectationibus, sed in æternis voluptatibus quærendum est. Adscendit hederæ super caput Jonæ, ut esset umbra super caput ejus. \* *Et letatus est Ionas super hederæ, lætitia magna.* Et quid demum est omnis hujus Mundi, seu voluptas, seu vanitas; an non virens hederæ, quæ textili silva per parietem inserpit, lætamque supra caput umbram explicat? Lætantur opulenti lætitia magna, sub umbra suæ hederæ suarum opum: lætantur gulosi & ebriosi sub umbra suarum mensarum: voluptuosi sub umbra deliciarum suarum. at extrema lætitiæ, luctus occupat. Paravit Deus vermem, & percussit hederam, & exaruit. ubi nunc, mi Jonæ, tua est hederæ, & ubi lætitia tua? exaruit & illa, & ista. ita prorsus hederæ nostræ exarescunt, simulque cum illis omne illud umbratile gaudium. gaudium enim hypocritæ ad instar puncti est: † æternum bonorum gaudium est æternum.

### III. *Æternitatis gustus quanti sit illustri exemplo declaratur.*

Vidit hoc, & mature, Theodorus ‡, annis adolescens, sed certe judicio senex, Christianis ortus parentibus. Hic, die toti Ægypto festa, cum in amplissima parentum domo risus, cachinni, tripudia personarent, cum geniales mensæ ad epulas invitarent, ipse clauso sed casto ingemiscens vulnere, secum ipse sic ex-

postu-  
\* *Ion. 4.* † *Iob. 20.* ‡ *Vita S. Pachomii c. 29.*

postulare cæpit: Infelix Theodore! & quod inde tibi lucrum, si mundum lucre-  
 ris universum; multa habes, & quamdiu  
 habebis? abundas, epularis, tripudias: &  
 quamdiu hæc omnia? equidem placeret  
 & sciret hæc vivendi ratio, modo diu  
 placere posset & scire. ecquid autem?  
 delicias has retineam, perdam æternas?  
 dic Theodore, num hoc Christianæ legis  
 est, in terra sibi cælum effingere, & per  
 delicias ad delicias transire velle; aut  
 ego me valde fallo, aut Christus per spi-  
 nas eundem dixit. Abrumpe, & brevi-  
 bus gaudiis præfer æterna. Dixit, & ma-  
 dentibus oculis in penetralem domum  
 se recipiens, ibique solo se adsternens, sic  
 precari cæpit: Deus æterne, cor meum  
 tibi patet, meus ad te orator, meus est ge-  
 mitus. quid à te petam, aut quo modo,  
 vix ipse satis scio: hoc unum, ô mi Deus,  
 unice deprecor, ne me mori finas æterna  
 morte. Domine, tu scis, quia amo te,  
 & cupio esse apud te, & laudare te æter-  
 num: domine miserere. Dum hæc o-  
 rat, intervenit mater, rubicundulos ma-  
 didosque oculos curiosa observatrix sta-  
 tim animadvertit, &: Unde, inquit,  
 hic mæror mi fili? & quæ hæc tua soli-  
 tudo hoc die? jam mensa te vocat? tu  
 unus desideraris. Cui Theodorus: Quæ-  
 so te mater, inquis, meam à mensa ab-  
 sentiam honesto purga nomine: nau-  
 seanti stomacho cibum vel potum ob-  
 trudere, nec ipsa tu suaseris. Ita cle-  
 menti dolo matrem à se removit, ipse  
 solus cum solo Deo penitus in æterni-  
 tatis

tatis adyta est ingressus, cœpitque vitæ suæ statum omnem attenta cogitatione rimari; & , Quis (inquit ipse secum) hætenus fui, aut potius, quis deinceps esse volo, si quidem Æternitatis regno nolim excidere? Varia ad cœlum via est, alius hac it, alius alia, modo perveniatur, quid refert qua? quando tamen non omnes viæ similes, & nos quoque dissimiles, deligenda cuique ea est, quam sibi novit commodam. Alia brevior, alia longior ac periculosa. Si timeam in longa ac periculosa, superest brevis ac segura, quam si eligam, sine dubio mecum gaudebunt angeli. At mei tristabuntur? initio quidem, postea verò forsitan & ipsi gaudebunt. Age Theodore, modò non in longum differ, & noli nimis cedere. Spero sanè me fore fortem, ubi fortes adversarios invenero. quid si habiturus sim molles, blandientes, illacrimantes? hic plus mihi metuo. Sed obfirma animum, & quam à natura flexilem habes, à Christo infractum impetra. At quid si mater ubera ostendat? scis, quid S. Hieronymus dicat; Ad vexillum crucis evola, virtus est in hac re esse crudelem. Aliam & maiorem matrem, quæ sua pariter ostendit, & est illa patrona tua Beatissima Virgo, quæ tibi deinceps instar mille matrum erit, si tu fueris ejus filius. At res ardua est, hæc vitæ mutatio, præsertim in ipso ævi flore. Est ardua, fateor. Sed experientia loquitur; Plerique hoc ipso malè Deo serviunt, quod sero serviant. rectissime omnium



mnium illi, qui ad adolescentiam Domi ju-  
 gum portare didicerunt. At, delicate ha-  
 ctenus nutritus sum, nunc asperam vitam  
 ingrediar : ferre potero ? Spero. sed quam  
 diu ? in annum unum alterumve : hoc  
 satis non erit, ultra tendendum est, & ad  
 finem vitæ. Perpende itaque, & aut non  
 incipe, aut fini. Puto me in his superan-  
 dis solum non fore, fore, sed cum socio  
 Deo. Verum id quidem est, at contra as-  
 sueta tendere difficillimum est, hæctenus  
 vitam duxi nobilem & liberam, nunc hu-  
 milem & servilem ducam ? quamdiu du-  
 cam ? non licet brevem hinc comœdiam  
 cogitare, ut unum aut alterum diem hanc  
 personam sustineam; hinc ultimus actus a-  
 gitur, cum agitur anima. Longa erit thea-  
 tri hujus molestia & ad sericum aut pur-  
 puram redire non concessum, nisi ubi in-  
 dueris immortalitatem & vestem gloriæ.  
 ô Theodore, quid facies in hac tam diu-  
 turna scena ? Ad alios actores attendam;  
 in æternum cæteros video Christum Dei filium,  
 ignobilem, humilem ac simplicem quæ-  
 vis servilia pati & agere ; quid mihi fa-  
 ciendum, nunquid illo sum melior ; At  
 revera durum est in has sese angustias re-  
 digere, & quendam quasi carcerem in-  
 gredi : Vide, voluntas tua in posterum  
 erit alterius, & facies quod volet alter.  
 Hinc quoque quem sequar Christum ha-  
 beo, qui non venit suam facere volunta-  
 tem, sed Patris qui in cœlis est. Nec mihi  
 difficile fuerit, alienum sequi ductum, si  
 ducentem intuear. quis est, qui jubet ?  
 homo vocem profert, Deus imperat, cui si  
 obe-

obedientiam non promitterem, deberem. At profecto nimis alta hæc philosophia est, à locuplete in pauperem transire vitam : quid facies ? mendicandum tibi erit, qui mendicantibus dare poteras : delicias quas non habebis, noli quærere.

Quid tamdiu mecum ipse litigo ? quid fluctuo in hoc spei & timoris Euripo ? exemplum domini mei non ante me cerno ? non in oculis est Christus cruci suffixus, illusus, infanda passus ? Ille, cœlestibus relictis thesauris in hanc inopem venit terram. quid habuit ? ortus & occasus ejus ostendunt ; in illo non habuit, quo diverteret, in hoc non habuit quo se tegeret : Nudus obiit. Per vitam qualis ? in fuga, in itinere, in siti, æstu : quam agendo indefessus, quam patiens perferendo ! quæ docuit, hæc & fecit. Quis tam attentus ad paupertatem, tam promptus ad labores, tam mitis ad contumelias. Istius me ducis pudeat, inter hujus me comites centeri erubescam ; aut Theodorus non ero talis, qualem me esse vult dominus meus *Jesus*. paratus sum amore illius & algere, & esurire, & siti-re ; paratus contemni, vinciri, uri, secari ! brevia sunt hæc, nec possunt esse diuturna : sola Æternitatis vel gaudia vel tormenta verè sunt diuturna, ite caduca, flocci vos facio, sola mihi in voto est Æternitas.

Adeo incaluit hoc cogitationum æstu, ut jam solam arderet Æternitatem in cœlo. Itaque decrevit, numis, parentibus, deliciis longum & æternum dicere *Vale*.  
firman-

firmando huic suo decreto non tam præcipitanter egit, quam constanter, non statim is fuit qui esse cupiebat, sed tandem fuit, hoc est, Pachomii discipulus. Tragedia hunc prologum non una est secuta, sed contra morem tragediæ, post triste principium læto exitu. Ita Theodorus, ipsis Æternitatem medullis combiberat, ut mundo fieri fabula non recusaret, modo ille non crederet cum mundo fabulam esse Æternitatem.

Vultis, mei Christiani, à Theodoro, imo à magno Paulo, imo ab ipso Christo audire verbum verum & serium? Sic plerique vivitis, ac si fabula sit omnis Æternitas. Lata est & spatiosa via, quæ ducit ad perditionem, & multi sunt qui intrant per eam: certe non intraturi per hanc, si crederent, illic quâ intrarunt, æternum se permansuros, ita vobis pia fabula est Æternitas. At credimus (dicetis) Æternitatem, speramus cupimus. Quæro vos, quantilla hæc spes, aut fides, quam frigida hæc est cupiditas? præsens voluptas, moneta in manu, blandimenta carnis tam ingentose fallunt multos, ut in eis omnem Æternitatis amorem suavi oblivione paulatim extinguant. Millies quidem clamatur: *Hæc dicit dominus, hæc præcipit Deus*: millies hoc auditur, sed & millies negligitur. dicat dominus, præcipiat Deus, hæc via nobis placet, \* *post cogitationes enim nostras ibimus, & unusquisque pravitatem cordis sui mali faciemus*. Ideo hæc

K

dicit

\* Hier. cap. 18. v. 12.

dicit Dominus : \* *Interrogate gentes , quis  
 audivit talia horribilia ? an illi sine Deo  
 populi , si hæc *Æternitatis* arcana scis-  
 sent , eadem sic contempnissent ? Bene est ,  
 mei mortales , clamavi , & non audistis ;  
 vocavi , & renuistis ; extendi manus meas ,  
 & non adspexistis : ego quoque in interi-  
 tu vestro ridebo , cum irruerit repentina  
 calamitas , & interitus quasi tempestas  
 ingruerit ; cum tota vos oppresserit *Æ-  
 ternitas* . Si vos hoc in statu mors feriat ,  
 jam lata est sententia , jam clausa est  
 janua : abire , æternum miseri , æternum  
 damnati .*

Evigilate itaque , Christiani , evigilate :  
 ad januam stat iudex : momento fiet quod  
 rota doleat æternitas . Magnus ille Anto-  
 ninus in quadam ad suos concione : Hic ,  
 ait , mei fratres , sunt æqualia rerum pre-  
 tia , in vendendis rebus & emendis . tu mi-  
 hi decem das aureos , tantivis pretii ego  
 tibi do aromata . quinquagenos ego tibi  
 florenos numero , tantidem tu mihi fru-  
 mentum rependis . alia longe ratio est , in  
 iis , quæ æterna sunt , comparandis . æterna  
 vita , vili prorsus stat pretio : obolus uni-  
 cus cum toto auri millione iustius com-  
 parari potest , quam omnis labor noster  
 cum cælesti beatitudine . in psalmis lego :  
 Dies vitæ nostræ septuaginta anni , si mul-  
 tum , octoginta : quidquid reliquum est ,  
 labor & dolor : quocirca si octoginta , aut  
 si centum ut plurimum annis Deo fideliter  
 & ferventer servierimus , omnium sæ-  
 culorum regnum obtinebimus , & non


cen.

centum duntaxat annis regnabimus: cælum hæreditabimus, non terram. Ergo, filioli, non vos aut tædium fatiget, aut vanæ gloriæ delectet ambitio. non enim sunt condignæ passiones hujus temporis, ad superventuram gloriam, quæ revelabitur in nobis. nemo, cum mundum deseruerit, ingentia se reliquissè arbitretur, omnia enim terrarum spatia ad cælorum infinitatem comparata, brevia sunt & angusta: & licet opes nostras retineamus, lege mortis ab illis divellemur inviri. quin ergo virtutem teximus è necessitate, vel brevi amittenda sponte amittimus uti exigua, maxima recepturi? hæc fusius narrat Athanasius.

\* S. Pachomio usitatissimum fuit, & perpetuum, ut, quotiescunque mentem illicita titillaret cogitatio, eam Æternitatis memoria repelleret: recurrenti opponeret æternas pœnas dolores sine fine utentes, ignem inextinguibilem, & vermem nunquam omnino morientem, quare considerationem istam hic ipse D. Pachomius verbis suis finiat: Ante omnia, inquit, præ oculis habeamus diem ultimum, & momentis singulis supplicia timeamus dolorum Æternorum.

\* *In S. Antonii vita cap. 15.*

*Ipsi gloria, et nunc et in diem ÆTERNITATIS  
Amen. 2. pet. 3.*



*Quoniam ibit homo in domum ÆTERNITATIS sue.  
Ecce. Heu disparem ÆTERNITATIS domum: alterutra ha-  
bitanda est: aut gaudendum in celo ÆTERNVM, aut  
ÆTERNVM in Tartaro ardens.*

# CONSIDERATIO NONA.

*Conclusiones aliquot dictorum de Æternitate.*

## I. Conclusio.

**N**ON tantum non eloqui, sed nec cogitatione satis assequi potest ullus hominum infinitam Æternitatis longitudinem. Inter hominem verum & sculptum, ignem verum & pictum maxima est differentia, & tamen etiam hæc suo sibi modo simillima dicuntur: at inter nostrum & tartareum ignem, inter nostros & tartareos dolores nulla est, nulla penitus comparatio, nam illorum mensura *Tempus* est, istorum Æternitas. Christus id in palmitē eleganter exprimens: \* *Si quis, inquit, in me non manserit, mittetur foras sicut palmes, & arescet, & colligent eum, & in ignem mittent. Et ardet.* hic Æternitas brevissime, unico nimirum verbo, & optime descripta est: omnia alia Christi verba futuri habent discrimen; arescet, colligent, mittent; non ardebit, sed *Ardet.* iste damnati hominis status erit: ibunt mille anni, *Et Ardet*: iterum mille anni transibunt, *Et ardet*, sicut in principio: iterum atque iterum milleni anni præteribunt, *Et ardet*, sicut cœpit: quod si post aliquot annorum milliones quærat; homo ille ante tot millia annorum damnatus, quid facit, quid eo fit? responderi aliud non poterit quàm hoc ipsum, *Ardet*, ardoribus continuis, infan-

K 3

dis,

\* *Joan. cap. 15.*

dis, æternis: ex ævo in ævum sic erit. In hunc locum pulchre Augustinus\*: Unum de duobus palmiti congruit, aut vitis aut ignis: si in vite non est, in igne erit; ut ergo in igne non sit, in vite sit.

## II. Conclusio.

**S**I scirent, qui in peccato mortali sunt, quam vicini sint Æternitati, & tormentis æternis, cum possint unico Dei nutu (sic loquimur) morti, & ab hac diabolo tradi, totum Hispaniarum regnum, omnes Asiæ thesauros, totum mundum donari sibi nollent ea lege: ut vel unicam horam confessionem & pœnitentiam, differrent, multo minus ut cum peccato tali, cubitum facerent. ‡ Quid enim prodest homini si totum mundum lucretur, animæ vero suæ detrimentum patiatur? Omnia si perdas, ô homo, animam servare memento. Omnia pœne membra amisit Arialdus, Mediolani diaconus, homo patria nobilissimus, nam Marchionis frater fuit, sed & vita sanctissimus, ut qui constantissime hæreticis, aliisque flagitiosis hominibus resistit, demum ad necem ductus est: aures ei præsectæ, superiora labra mutilata, præcisæ nares, lingua sub gutture evulsa, oculi effossi, dextra amputata, taceo cætera: hic Divus in corpore vere perditissimo servavit animam; & vitam ut acquireret, vitam perdidit, Anno à pariente Virgine millesimo sexagesimo sexto.

Hic

\* Tract. 81. in Jean. ‡ Matt. 16. Syrus presb. in eius vita, ad Rud. abb. Vallis Umb.



Hic talis generosus athleta , Æternitatis suæ memor (uti Seneca \* loquitur) in omne quod fuit , futurumque est omnibus sæculis , vadit. Præclarissimè dixit Augustinus : Quid ergo faciamus Patres, nisi , ut , dum tempus est , vitam muteamus, & facta nostra , si quæ sunt , corrigamus ? Ut quod sine ulla dubitatione venturum est peccatoribus, nos non inveniat super quos veniat : non quia non erimus, sed ut non tales inveniat , quilibet venturum esse prædictum est. Totum quod audivimus per scripturas, vox est Dei dicentis, *Observa*. Et totum patimur, tribulationes in hac vita, flagellum Dei est corrigere volentis, ne damnet in fine. Quasi dura sunt, molesta sunt, horrent quando narrantur ; quæ quisque gravia valde patitur in hac vita, in comparatione æterni ignis, non parva, sed nulla sunt.

### III. Conclusio.

Pars magna Christianorum, etiam Catholicorum gehennæ & cæli Æternitatem esse non credunt ; certè aliter viverent, si id verè crederent. In hos illud convenit : † *Filius hominis veniens, putas fidem inveniet in terra ?* Sunt qui videri velint id credere : verbis adjungunt, factis negant. Æternitatem aut nunquam, aut rarissimè cogitant, & cogitant tantum, non perpendunt, non inhaerent, non examinant, intellectum & voluntatem non concitant, imaginationi

K. 4

tioni

\* Seneca Consol. ad Helviam, sine. Aug.  
1. 10. serm. 109. d Temp. † Luc. 18.

tionem nil imprimunt: vix incipiunt, & mox alio evagantur, & si quid forsan scintillæ bonæ ex hac cogitatione natum est, id omne protinus curis, negotiis, voluptatibus, velut aqua suffocant. Ita plurimi clausis oculis, & obturatis auribus, viam inveniunt *Æternitatis* ad mortem; quod SS. Patres in Evangelico epulone observant, eum tunc primum levasse oculos, cum esset in tormentis: tota vita oculos habuit clausos, maxime pauperibus, sed & omnia pierati: apud inferos primum aperuit, sed nimis sero. Nec est quod miremur, multos ita cæcos manibus & pedibus properare in domum æterni luctus: via admodum ampla est, amœna, lata, plana: in via hac nemo errat, sed in viæ fine: via pluribus placeret, sed displicet, terretque viæ terminus: ideo prudenter malunt viam aliquamdiu asperam, quæ tamen ducat ad hospitium perpetuo beatum, quam viam brevi amœnitate ridentem, sed quæ ducat ad carcerem, perpetuis lacrimis & cruciatibus destinatum. Vere Job \* *Sicut, inquit, consumitur nubes & pertransit, sic qui descenderit ad inferos non ascendet, nec revertetur ultra in domum suam, neque cognoscer eum amplius locus ejus.*

## IV. Conclusio.

Quisquis subinde serio in *Æternitatis* cogitationem descendit, is non tantum non licenter & petulanter vivere, sed nec effuse sæpius ridere & cachinnari depre-

\* Job. 7.

deprehendetur : quotquot ex mortuis, alterius vitæ rationem inspexerunt, & redivivi ad nos redierunt, non facile rississe visi sunt. Id singulariter in illo Christi amico è Bethania Lazaro est observatum. Potuerunt hi omnes cum Ecclesiaste de se affirmare : \* *Resum reputavi errorem, & gaudio dixi, Quid frustra deciperis ?* Jure timidum in hoc fatetur se Cyrillus Alexandrinus, & Gehennam, inquit, timeo quippe interminatam, pestiferum vermem formido, quippe perennem. Utinam saperent & intelligerent, ac novissima providerent † ; Quem hæc Æternitatis cogitatio ad meliora non impellit (dicam breviter, sed dicam vere) aut is fidem non habet, aut, si fidem habeat, cor certe & sensum non habet. Non absurde olim vir doctus affirmavit, nuptias esse brevem & lætam cantionem, sed habere longum & mœstum epiphonema. Sic verissimè dicemus : Peccati voluptas omnis brevis & hilaris est cantiuncula, sed longissimum habet & tristissimum epiphonema, tormentum Æternum: ô Æternitas, ô Æternitas, Æternitas!

#### V. Conclusio.

CUM de Æternitate sermo est, nemo nimium dicere, aut rem nimium augere potest : quicquid dicatur, nulla est hic exaggeratio, nulli nimis extensi numeri, semper minus dicitur, quod de infinito & æterno dicitur. Nam hos habet Æternitas, integra est quicquid inde

K 5

demas:

\* Eccl. cap. 2. † Deut. 32.

demas : demantur tot anni quot sunt stellæ cæli, guttæ maris, arénæ granula, folia arborum, terræ gramina ; adhuc tota est : addantur tot, non erit major ; quamdiu Deus erit, tamdiu damnatos puniet. Hoc aliquot similitudinum umbris supra demonstravimus ; addamus nunc aliam è D. Bonaventura\*. Si damnatorum quispiam ita ploraret, ut singulis centenis annis, non nisi unam lacrimulam funderet : hæc autem guttulæ tot annorum centuriis asservarentur, ut demum mare aliquod æquarent ; eheu, quot annorum milliones erunt revolvendi, dum vel rivulus, ne dicam Oceanus fiat : & tamen tunc verè dici poterit : Æternitas primum incipit : sed fiat hoc iterum, & alius seu fluvius, seu mare, ex his tam raris guttulis colligatur, iterum toto illo tempore exacto dicendum erit, nunc incipit Æternitas, & sic deinceps in *infinitum*. Nihil hîc est quod quis addubitet, nam finiti ad infinitum nulla est proportio. At hoc nobis ideo mirabile videtur & incredibile, quia id imaginatio nostra non capit ; nequit assequi tam remota ; non penetrat hîc, infinitum est, impenetrabile est ; & hæc etiam causâ aliqua, quod intellectus noster ad cogitandam Æternitatem tam difficulter adducatur, quia erubescit quodammodo, aut indignatur, in eo se fatigari, quod penetrare non possit : sed huic malæ verecundiæ cedendum non est, impellendus & cogendus est intellectus ut saluberrimam hanc cogitationem quotidie

\* Bonav. de Inf. cap. 49.<sup>1</sup>

die suscipiat, & saltem in his talibus similitudinibus perpendendis sese exerceat, nunquam errabit, nunquam nimis multos, nunquam tot annorum milliones cogitabit, quin sint plures atque plures in infinitum; res hæccerta est & extra controversiam.

Daniël vates quo Æternitatis incomprehensibilem extensionem melius efferreret, hoc pronuntiavit: \* *Qui autem doctifuerint, fulgebunt quasi splendor firmamenti, & qui ad justitiam erudiunt multos, quasi stellæ in perpetuas Æternitates.* Quod ita enunciavit, ac si dixisset: Ad explicandam, Æternitatem verba non suppetunt; non possum plus dicere, etsi plus esset dicendum. in quo tamen, auxilin duplicem verbis addidit Propheta, cum Æternitates dixit, & *Perpetuas*: & quidem, si una est interminabilis, quid erunt duæ, decem, centum, mille, imo perpetuæ? quod si annum, aut annos *Magnos* millies multiplicatos Æternitati conferamus, ecquam illius partem explicabimus? ajunt octavum cælestem orbem plusquam lentissime moveri, & licet quotidie primi mobilis raptu circumvolvatur, suo tamen motu non nisi singulis triginta sex millibus annorum, in orbem plene circumvolvendum; & hoc temporis spatium, *Annum Magnum*, annum vertentem & *Platonicum* Æternitate, & ad illam non nisi momentum, instans, horologii minutum erit Verè dixit Boëthius: Instans seu punctum temporis, & decem millia annorum,

\* *Dan, 21,*

rum, sibi similia sunt, quam decem millia annorum & Æternitas. \* S. Joannes: *Filioli*, inquit, *novissima hora est*. & tamen hoc ante mille sexcentos annos dixit. Verissimè ergo dixit D. Augustinus: Omnis, res quæ finem habet, brevis est. Æternitas in verbo, quatuor syllabis constat, in se sine fine est. Ama æternitatem; nullo fine regnabis cum Christo, si finis tibi Christus est.

## VI. Conclusio.

Credibile non est hominem, præsertim prisca religione imbutum, tam impotentis & effrænati animi reperiri (modo non vivat ut pecus, & studio in præceptis eat ‡. nam, Impius cum in profundum peccatorum venerit, contemnit) qui si semel de die, vel horulæ partem huic Æternitatis meditationi tribuat, imo si quavis hebdomade vel semel de Æternitate serio cogitet, non mutet vitam in longe meliorem, & homo fiat alius, è superbo submissus & modestus, ex iracundo mitis & mansuetus, ex impuro castus & continens, ex ebrioso temperans & sobrius: imo hic talis, vere religiosus fiet, animo certe, si non veste. Sed non raptim, non obiter & perfunctoriè hic transeundum: trutinanda res est & perpendenda, affigenda est cogitatio, & animo revolvendum identidem Æternum, Æternum, Æternum, quod nunquam habebit finem, nunquam, nunquam;

\* 1. Epi. cap. 2. In, Psal. 145. ‡ Prov. cap. 13.

quam; quod sæculis innumeris, incomprehensibilibus, infinitis durabit, & non cessabit unquam durare. Hoc, inquam, attentius considerandum, & velut cibus ruminandum: cibus etsi pretiosus & salubris, si non teratur dentibus, & digeratur, venenum est, non alimentum; omnis generis morbos creat hæret aliquamdiu in corpore, sed nil boni succi generat. ita prorsus salubres sunt & sanctæ cogitationes de morte, de iudicio, de cælo, de inferis, longe tamen saluberrima est cogitatio de Æternitate, quæ merito dici potest Quinta essentia: sed hæc veluti pretiosus cibus, non ingerenda tantum, sed & digerenda est. Homo solus, curis vacuus, attentus, hæc talia inter se conferrat; quod nisi fiat, pæne omnis rerum divinarum lectio, & auditio erit sine fructu, & in ventos dabitur. Multi conciones multas audiunt, quædam & ipsi legunt; vix quidquam inde proficiunt, quia nec lecta nec audita expendunt, transeunt omnino, & antequam in opus prodeant, elabuntur: immorandum est non nihil auditæ & lectis, & voluntas iis erudienda: hoc à Beatissima Virgine Dei matre discimus:

*\* Maria autem conservabat omnia verba hæc, conferens in corde suo.*

VII. Conclusio.

Nemo credit, aut certè nemo intelligit & perpendit, hæc Christi clarissima verba: † *Intrate per angustam portam, quia lata porta & spatiosa via est quæ ducit ad perditionem, & multi sunt qui intrant per eam.*

*\* Luc. cap. 2. † Matth. cap. 7.*

*eam. quam angusta porta & arcta via est, quæ ducit ad vitam, & pauci sunt qui inveniunt eam! & repetit hoc idem per os D. Lucæ. \* Contendite intrare per angustam portam, quia multi, dico vobis, querent intrare & non poterunt †. Quicunque, ait Augustinus, irridet hanc fidem, ut ideo putet non sibi esse credendum, quia non videt: quando venerit quod non credebatur, erubescit, confusus separatus damnatur.*

Refert Hieronymus Platus‡, non longe post institutam à D. Francisco novam familiam, Bertoldum ejusdem familiæ virum insignem, ea discenda vi atque libertate, contra certum quoddam vitium, pro suggestu differuisse, ut femina ejus sibi concilia, in mortuam conciderit; mox universa concione in preces procumbente, exanimem revixisse, & cur in vitam redire sit iussa, & quid in orbe alio viderit, in hunc modum narrasse: Cum starem ad tribunal Dei, steterunt una mecum sexaginta millia animarum, quæ ex omnibus mundi partibus, diverso mortis genere ad judicem evocabantur: ex omni hoc numero tres solum piacularibus flammis sunt addictæ, in reliquas omnes æterni supplicii lata est sententia. Eheu! huic feminae narranti non crederem, nisi prius credidissem Christo tam serio affirmanti: *\* Spatiosa via est, quæ ducit ad perditionem, & multi sunt qui intrant per eam: æ-*

*etæ*

\* Luc. 13. † Serm. 64 de verbis Domini

‡ Lib. 1. de bono stat. relig. cap. 5.

\* Matth. cap. 7.



*Etia via est quæ ducit ad vitam, & pauci inveniunt eam.* Quis verò credat, non sexagenis, sed tot millenis millibus hominum æternum supplicium à Deo decretum esse, nisi hoc persuaderet summa & in finita Dei majestas, & peccati contra hanc inexplicabilis malitia, & divinæ scripturæ apertissima testimonia. Jobus trepidat: \* *Ubi nullus ordo, sed sempiternus horror inhabitat.* Matthæus affirmat: *Discedite à me maledicti, in ignem æternum.* Ecclesia pronunciat: *Peccantem me quotidie & non me penitentem, timor mortis conturbat me, quia in inferno nulla est redemptio, Nulla; sed nec ulla consolatio, nec aquæ guttula, extremo digito pendula, illuc inferri permittitur.* Quod si & ii, qui in gratia Dei vivunt, bonæ mentis & voluntatis homines satis caperent, quantis tormentis essent die judicii, per judicis sententiam liberandi, & quantis gaudiis æternum permanens cumulan, nec horam quidem differrent, quin vana vanis, mortuos mortuis, & suis mendum amatoribus relinquerent, & ipsi eam potissimum religionem amplecterentur, in qua Deo maxime placerent, Deumque plurimum & laudarent per omnem vitam, ob illud conferendum sibi æternum duplex beneficium, in liberatione à gehenna, in donatione paradisi. Affirmat hoc D. Gregorius †: *Mala, inquit, vitæ præsentis tantò durius animus sentit, quanto pensare bonum, quod sequitur, negligit: & quia*

non

\* *Job. cap. 10. Cap. 2. Offic. mort. † Lib. 10. Moral. cap. 10.*

non vult præmia considerare quæ restant, gravia æstimat esse quæ tolerat \*. At si semel quisque ad æterna se erigat atque in his quæ incommutabiliter permanent, oculum cordis figat, prope nihil esse hoc conspicit, quicquid ad finem currit. Idem : Carmen in nocte, inquit, est lætitia in tribulatione. Quia etsi pressuris temporalibus affligimur, spe tamen de æternitate gaudemus.

Eodem prorsus modo ratiocinatus est diserte Augustinus †; Cum attenderis, inquit, quid sis accepturus, omnia tibi erunt vilia quæ pateris, nec digna æstimabis pro quibus illud accipias; nam utique fratres, pro æterna requie, labor æternus subeundus esset: æternam felicitatem accepturus, æternas passiones sustinere deberes. Sed si æternum sustineres laborem, quando venires ad æternam felicitatem; ita si ut necessario temporalis sit tribulatio tua, qua finita venias ad felicitatem infinitam &; Appende mille annos contra æternitatem: quid appendis cum infinito quantumcunque finitum: decem millia annorum, decies centena millia, si dicendum est, & millia millium, quæ finem habent, cum æternitate comparari non possunt. Huc accedit, quia non solum temporalem voluit laborem tuum Deus, sed etiam brevem: aliquot duntaxat diecularum est tota vita hominis. Licet ergo quis per omne vitæ spatium laboribus, ærumnis, doloribus variis

atte-

\* *Lib. 26. Moral. 102. in cap. 35. Job.*

† *In Psal. 36.*

atteratur ; carcerem , & plagas , famem  
& sitim nullo non die toleret ad diem us-  
que ultimam ; exigui temporis molestiam  
subiisse dicendus est : pauci dies sunt tota  
vita hominis , & levis & brevis labor est ,  
quo transacto , regnum æternum succe-  
det , sine fine felicitas ; veniet æqualitas  
angelorum , veniet hæreditas Christi ,  
veniet cohæres Christus. pro quanto la-  
bore quantam mercedem accipimus ?

Idem Augustinus alibi: Nimis profun-  
dæ factæ sunt cogitationes Dei , ubi est  
cogitatio Dei ? ad præsens habenas laxat ,  
sed postea adstringet. Noli gaudere ad  
piscem , qui in esca sua exultat , nondum  
traxit hamum piscator : nam ille jam ha-  
bet hamum in faucibus , & quod tibi vi-  
detur longum , breve est : omnia citò tran-  
sent. Quid est longa vita hominis ad Æ-  
ternitatem Dei ? vis esse longanimis ? vide  
Æternitatem Dei : nam attendis ad dies  
tuos paucos , & diebus tuis paucis vis im-  
pleri omnia ? ut damnentur omnes impii ,  
& coronentur omnes boni ; istis diebus  
tuis vis hæc omnia impleri ? implet ea  
Deus in tempore suo : æternus est , tardat ,  
longanimis est : tu autem dicis : Ideo ego  
non sum longanimis , quia temporalis  
sum. Sed in potestate habes : junge cor  
tuum æternitati Dei , & cum illo æternus  
eris. Si jam Christianus es , & bene erudi-  
tus , dicis : Deus judicio suo reservat o-  
mnia. Boni laborant , quia flagellantur ut  
filii , mali exultant , quia damnantur ut a-  
lieni. Duos filios habet homo ; alterum casti-  
gat ,

L

gat,

gat, alterum dimittit; facit unus male & non corripitur à patre, alter mox ut se moverit, colaphis cæditur, flagellatur. Unde ille dimittitur, & ille cæditur? nisi quia huic cælo hæreditas servatur, ille autem dimissus exhæredatus est: videt eum non habere spem, & dimittit eum, ut faciat quod vult. Puer qui flagellatur, si cor non habuerit, & imprudens fuerit & stultus, gratulatur fratri suo qui non vapulat, & gemit de se, & dicit in corde suo: Tanta mala facit frater meus; quicquid vult facit, contra præcepta patris mei, & nemo facit illi durum verbum. ego mox ut me movero, cædor. Stultus est, imprudens est: attendit quid patitur, & non attendit quid illi servetur.

His ex eodem sanctissimo & doctissimo præfule\*, recte jungamus ista; tanquam hæctenus dictorum epitomen. Qualis misericordia Dei? non dicit, decies centena millia annorum labora: non dicit, vel mille annos labora: non dicit, quingentos annos labora: cum vivis, labora: in paucis annis, inde jam requies erit, & finem non habebit. Et paucos annos laboras, & in ipsis laboribus non deest consolatio; non desunt gaudia quotidiana. Sed noli gaudere in sæculo: gaude in Christo, gaude in verbo ejus, gaude in lege ejus. Verum est ergo quod dixit Apostolus: Etenim quod ad præsens est, temporale est, & leve tribulationis nostræ, juxta incredibilem modum, & in incredibilem modum æternum glo-

riæ

\* *In Psal. 93.*

riæ pondus operatur in nobis. Ecce quantum pretium damus, quodammodo unam filiquam, accipiendos thesauros sempiternos: filiquam laboris, requiem incredibilem. Gaudes ad tempus? noli ibi fidere: tristis es ad tempus? noli desperare, non te corrumpet felicitas, & non frangat adversitas, promittit Deus vitam æternam, contemne temporalem felicitatem: minatur ignem æternum, contemne dolores temporales.

Concludamus hæc cum eodem divino scriptore: † Ergo amemus vitam æternam, & ex eo noverimus quantum pro vita æterna laborare debeamus, cum videmus homines amatores præsentis vitæ temporalis atque finiendæ, sic pro illa laborare, ut quando venerit metus, quicquid possunt faciant, non ut auferant sed ut differant mortem. Quantum laborat homo, quando mors imminet, fugiendo, latendo, quicquid habet, dando, & se redimendo, laborando, cruciatus molestiasque sustinendo, medicos adhibendo, & quicquid aliud homo potest. Videte quam consumptis laboribus & facultatibus suis, ut aliquantum vivat potest facere; ut semper vivat, non potest. Si ergo labore tanto, tanto conatu, tantis impendiis, tanta instantia, tanta vigilantia, tanta cura agitur, ut aliquantulum plus vivatur: quomodo agendum est ut *Semper* vivatur? Et si prudentes dicuntur, qui omnibus modis agunt ut differant mortem, & vivant pau-

L 2

COS

\* *Serm. 64 de verbis Domini.*

cos dies : quam stulti sunt qui sic vivunt, ut perdant diem æternum.

Cogitate hæc, ô mortales, & antequam æterni sitis, sive in gaudiis, sive in tormentis, Æternitatem prævidete. omnia transeunt, sola restat, nec transibit Æternitas.

I. *Æterna mortis supplicium.*

**C**arcerem habuerunt Messenii subterraneum, auræ lucisque ignarum, plenum stygii horroris : sed ut locum funestissimum eleganti velarent titulo, *Thesaurus* is vocatus est; nullæ huic carceri fores erant, sed reus per funem demissus, immani saxo claudebatur. In hunc *Thesaurum*, etiam magnus ille Græciæ Imperator Philopœmen reconditus est, ibique vitam veneno finiit. Et Deus *Thesaurum* habet sub terra, sed heu qualem? sceleratorum, damnatorum, desperatissimorum hominum.

Actiolinus Patavinorum olim tyrannus (\* Jovius narrat) multos habuit carceres, sed omni miseriæ & cruciatuum genere adeo infames, ut in iis mors inter delicias haberetur, nec facile prius veniret, quam sæpius vocaretur : quotquot eo detrusi, multo ferro onusti, furore, fame, squalore, miserabilem in modum, & lente necabantur : verè sentiebant se mori. Hic nemo non miserrimus censèbatur, nisi cui mori contigisset; morte gravius supplicium erat, cum cogerentur vivi inter mortuos habitare : nam cumulabantur illic in acervos putrescenti-

\* *Paul. Ior. l. c. 12. in Actiolino.*

scientia cadavera tanta narium peste, ut vere diceretur: Hic mortui vivos occidunt.

At horum carcerum teterrimus, cum inferorum ergastulis collatus, paradysus est & amœnum palatium. Quæcunque tolere in Actiolini carcere, tolerabilia sunt omnia, quia brevია sunt, quia suum sibi finem prospiciunt, quia cum vita desinunt, quia in morte omnia evanescent. At vero ille *Thesaurus* damnatorum, quæ Dei carcer est, nullum habet à cruciatum brevitæ solatium, mortem excludit, exitum nescit, nullum admittit finem, nullum, eheu nullum. Verissimè Cassiodorus: Uti mortalium, inquit, nemo intelligit, quid præmium sit æternum; ita nemo capit, quid tormentum sit sine fine duraturum.

Apud Persas talis fuit carcer, ut in eum facilis quidem ingressus, egressus perdifficilis, aut nullus concederetur, ideoque *Lethe* dictus est. Ad inferos facilis descendit, sed semel ingressis exitus nullus reperitur; gradum inde nemo unquam revocavit. Hic Dei carcer, vero nomine *Lethe*, dicitur, seu, *Oblivio*, sic enim Deus damnatorum obliviscitur, ut eorum ad gratiam recordaturus non sit in omnem Æternitatem. Infernus vere oblivionis terra est, idque (quod pius & eruditus scriptor observat) duplici de causa. Quia, inquit, qui illic sunt, non sunt amplius Dei memores in bonum, neque ullam habent priorum

L 3 memo-

\* *Franc. Titelman. in Psal. 87.*

memoriam, nisi quæ affligat. Omnium enim pomparum, voluptatum, deliciarum, aut oblivio est, aut non sine cruciatu recordatio. Sed & à Deo atque Angelis flammea hæc damnatorum regio oblivioni data est, quia qui illic degunt, nunquam inde sunt educendi \* Inter nos & vos, clamat Abraham, chaos magnum firmatum est, ut hi qui volunt hinc transire ad vos, non possint, neque inde huc transire. O chaos metuerdum! O tormentorum æternitatem horrendam! Sepulchra eorum, domus illorum in æternum. † Talia sibi ipsis strunt palatia impij: mortuus est autem & dives, & sepultus est in inferno. O profundum sepulchrum! hoc mausolæo hic Lazari tortor est conditus, cui pro lectulo flamma, sitis pro nectare, pro dapibus sulphur, pro tripudiis est desperatio. Carcere dicuntur clausi sperare salutem; hic nulla salus, sed nec spes salutis ulla, sed desperatio Æterna.

Concionem non tam longam quam horrendam dictavit Ezechiel Deus, in hæc verba: ‡ *Et dices saltui meridiano: audi verbum Domini; hæc dicit dominus Deus: Ecce ego succendam in te ignem, & comburam in te omne lignum viride, & omne lignum aridum: non exstinguetur flamma succensionis: Quot nunc cedri, quot impij homines in hac vita & virent fortunæ inaccessu, & arent virtutum inopia. Audite ergo vos, & virentia, & arida ligna, succendetur ignis, & flamma succensionis*

\* Luc. cap. 16. † Psal. 48. ‡ Ezech. cap. 20.



nis non exstinguetur. In gehenna, quo vos properatis, nulli dies festi sunt, quibus succensa fornax interquiescat: æternus dolor, æterna mors, æternus luctus, nullis intermiscendus unquam solatiis. noctes atque dies insopita, pervigil inextincta in vos flamma vindicabit; viveris ad assiduam, perpetuam mortem. \* Augustino id credite, tam diserte quam graviter monenti: Habebunt, inquit, impii in cruciatibus vitam: sed qui vivunt in tormentis, cupiunt (si fieri possit) finire talem vitam, & nemo eis dat interitum, ut nemo auferat cruciatum. Sed vide scripturam loquentem & discernentem, non est dignata talem vitam vocare vitam. In cruciatibus, in tormentis, in ignibus sempiternis, noluit appellare vitam, ut ipsum nomen vitæ laudis sit, non mœroris; ut ubicunque audis vitam, tormenta non cogites: nam in tormentis esse semper, æterna mors est, non aliqua vita. Ipsam vocant scripturæ Mortem secundam, post hanc primam, quam omnes humanæ conditioni debemus. Etiam Mors secunda mors vocatur, & nemo tamen ibi moritur: satius & melius diximus, nemo ibi vivit: in doloribus enim vivere, non est vivere. Ergo illa vita in tormentis, non est vita; & illa vita sola est, quæ beata; nec beata esse potest, nisi fuerit Æterna. Hoc ipsum alibi sic confignat: Si anima in pœnis vivit æternis, quibus & ipsi spiritus cruciabuntur immundi; mors illa potius æterna dicenda est,

L 4

est,

\* Tom. 10, ser. 112. de Mart. Massacandida.

est, quam vita : nulla quippe major & pejor est mors, quam ubi non moritur mors.

Simillimum huic testimonium fert Gregorius\* : In gehenna miseris erit mors sine morte, finis sine fine, quia ibi mors vivit, & finis semper incipit. Idem submonens Innocentius : Tunc, inquit, erit mors immortalis. O mors quam multo dulcior esses, si vitam adimeres, quam cum cogis sic vivere ! Sic est : numerus annorum apud inferos absque numero est, nulli numerabitur. Deus ipse annum ejus ultimum in numerando illo non inveniet. post mille millia millionum annorum numerata, totidem supererunt numeranda ; his etiam enumeratis, non solum ultimus non invenietur, sed singuli erunt, quasi essent primi. Caino post quinque millia annorum, quos illic vixit, assidue moriendo, tam adhuc integer restat luctuosorum annorum numerus, ac si hoc primum die in flammeum istud ergastulum detruderetur. Et post aliquot annorum milliones, ex hoc numero consumptos, non magis decrescet ipse numerus, quam si hac primum hora inciperet arde- re. Et quamvis Evangelici illius opulenti helionis tormenta ad duo millia annorum accedant, tamen ardet adhuc & æternum ardebit, & nec guttulam pridem postulatam æstuantis linguæ impetrabit unquam.

Hæc audimus, hæc cogitamus, & ride- mus ? nimirum res levis est, æternis flam-

mis

\* *Lib. 9. mor. cap. 49.*

mis immori. Hic quæri posset non immerito: *Ubi lacrimæ vestrae, ô ridiculi mortales?* tales certe sumus: ob paucos obolos, ob parvam jacturam lacrimarum grandes guttas fundimus: immensum, irreparabile damnum hilari cachinno decoquimus. Ad judicem hominem evocati trepidamus; ad Dei tribunal magnis quotidie passus vel nolentes imus, & in via libere jocamur; mare navigaturi, pericula formidamus; ad ipsam totam Æternitatem ridibundi currimus.

Votum est B. Bernardi \* æquissimum: Vitam, inquit, scaperent, utinam, utinam. & quorum hæc nobis, Bernarde, sapientia? Ut æternitatis imago reformetur in nolis: videlicet, ut præsentia modere-  
mur per sapientiam, præterita per intelligentiam dijudicemus, novissima provideamus ad cautelam.

Divini Pauli non votum hic habemus, sed præceptum, nec enim Ephesiis optat, sed imperat: † *Videte itaque fratres, quomodo caute ambuletis; non quasi insipientes, sed ut sapientes, redimentes tempus quoniam dies mali sunt.* Circumspectè, diligenter, accurate negotium salutis curandum est; insipientissimi sunt, qui breve hoc tempus felici Æternitati comparandæ concessum non expendunt, sed prodigunt in vanissimas oblectatiunculas: jocando, ludendo, otiando cælum mercaturi. Non fabulis redimendum est tempus, non otio vel poculis, sed crebris precibus.

L 5

\* *Serm. de SS. Apost. Petro & Paulo.*† *Eph. cap. 5.*

bus, serio labore, constanti industria Augustinus, profanis etiam negotiis non nihil temporis suffurandum docens: Quando, inquit, aliquis tibi litem infert, perde aliquid, ut Deo vaces. non litibus: id enim quod perdis, pretium est temporis. Sicut enim das numos, & panem emis: sic perde numos, ut emas tibi quietem, & tempus vacandi Deo, hoc enim est tempus redimere.

Ita quarumvis rerum dispendio, bene agendi opportunitas est comparanda, quoniam dies mali sunt; dies vitæ hujus plenissimi sunt doloribus, periculis, tentationibus, ærumnis, quæ bene agendi occasionem vel adimunt, vel minuunt, inquit Anselmus. Quod si occasionem istam elabi, & vitam nostram in meris melioris vitæ propositis sinamus effluere, non erit vel momentum amplius, quo neglecta reparemus. \* Vita nostra, inquit Nazianzenus. quasi mercatus est, cujus dies cum abierit, tempus amplius non erit emendi quæ velis. Nunc ergo emendum est, dum sunt nundinæ, nunc piè vivendum est, dum vires suppetunt. Hoc ipsum Ecclesiastes identidem inculcat: † *Quodcunque facere potest manus tua, instanter operare.* Hoc ipso temporis & occasionis stimulo sæpius nos urget Apostolus: ‡ *Dum tempus habemus, bonum operemur ad omnes, quia hora est jam nos de somno surgere.* Tu dormis, inquit Ambrosius, & tempus tuum non dormit sed ambu-

\* In sententiis. † Eccl. cap. 10. ‡ Gal. cap. 6. Rom. cap. 13.

ambulat, imo volat. Bene illi, bene illis omnibus, qui hæc non cogitant tantum, sed & opus monstrant, & ita vivunt uti vixisse se volent, cum moriendum erit; faciuntque ea, quæ in æternitate constituti fecisse se gaudebunt. *Levis nunc neglectus, Æternum fit dispendium.* semel cogitatum, dictum, factumque semel, Æternum est.

II. *Æterna vita premium.*

**V**Ita in cælo, verè vitalis, & perfecta vita est, qua animalis, qua humana, qua angelica, qua divina est. Vivit ibi memoria, recordatione omnium præteriorum: vivit intellectus, cognitione & visione Dei: Vivit ibi voluntas, omnique bono fruitur, idque sine omni amittendi metu. Pari modo, vivit ibi appetitus tam concupiscibilis, quem vocant, quam irascibilis; vivunt sensus omnes suisque fruantur deliciis: nullus illic gemitus, nullum lamenti aut luctus indicium vel minimum est, merissimum ibi mel gaudiorum, omni tristitiæ felle ejecto: tacete hîc oculi, nil simile audistis; tacete aures, nil simile audistis; tace cor, nil huic vitæ cogitasti simile. Hæc vita delicias omnes, opes, honores & omnium vitarum, sensuum, potentiarum oblectamenta includit. Summo hujus vitæ desiderio æstuans Augustinus \* exclamat: *Quanta erit illic felicitas, ubi nullum erit malum, nullum latebit bonum vacabitur Dei laudibus, qui erit omnia in omnibus. Beati qui habitant*  
in de-

*Lib. 22. de civ. Dei cap. 30. Psal. 84.*

*in domo tua, Domine, in secula seculorum laudabunt te. Omnia membra & viscera incorruptibilis corporis proficient in laudibus Dei. Vera ibi gloria erit, ubi laudantis nec errore quisquam, nec adulatione laudabitur. Verus honor, qui nulli negabitur digno, nulli deferetur indigno, sed nec eum ambiet nullus indignus, ubi nullus permittetur esse, nisi dignus. Premium virtutis erit ipse, qui virtutem dedit; & qui seipsum, quo melius aut majus nihil possit esse, promisit. Quid est enim aliud quod per prophetam dixit? Ero illorum Deus, & ipsi erunt mihi plebs, ego ero quacunque ab omnibus honeste desiderantur, & vita, & salus, & victus, & copia, & gloria, & honor, & pax, & omnia bona: sic enim & illud recte intelligitur, erit Deus omnia in omnibus, ipse finis erit desideriorum nostrorum. Atque id etiam beata civitas illa magnum in se bonum videbit, quod nulli superiori ullus inferior inridebit, sicut in corpore non vult oculus esse qui est digitus; cum membrum utrumque contineat totius carnis pacata compago. Et subdit: Ibi vacantes in Sabbato requiei, videbimus, quoniam suavis est Deus, quo pleni erimus, quando ipse erit omnia in omnibus. O ergo chara veritas, vera Aeternitas, aeterna felicitas, Deus meus!*

Auctor libro de spiritu & anima eandem hanc vitam sic compellat\*: *Non est in te corruptela, nec defectus, nec senectus, nec ira; sed pax perennis, gloria solennis, laetitia sempiterna, solennitas continua. Vere tantum gaudium & exultatio, & flos & decus juventutis, & perfecta salutis. Non est in*

te

\* Tom. 3. Operum S. Aug. c. 60.

*te heri nec hesternum, sed est idem hodie-  
num. Tibi salus, tibi vita, tibi pax est infini-  
ta, tibi Deus omnia. Gloriosa dicta sunt de te,  
civitas Dei: sicut enim letantium omnium  
habitatio est in te. Nullus in te timor, tri-  
stitia nulla: desiderium omne transit in gau-  
dium, dum preesto est quicquid optatur, &  
quicquid desideratur abundat. Inebriabun-  
tur ab ubertate domus tue, o Deus, & torren-  
te voluptatis tue potabis eos. Quoniam apud  
te est fons vite, & in lumine tuo videbimus  
lumen, cum videbimus te in te, & nos in te,  
& te in nobis, visione continua & felicitate  
perpetua.*

Hæc tamen perpetua felicitas, brevissi-  
mo tempore, & labore non adeò magno,  
à quolibet hominum comparari potest.  
\* Ingemiscens Christus in plebem: Mife-  
reor, inquit, super turbam, quia ecce jam  
triduo sustinent me. Suavissime Jesu, tri-  
dum nunc numeras, quo sustinemus te,  
& cur, Christe bone, non numeras æter-  
nitatem dierum, quibus in cælo perpetua-  
turus es nobis immortale gaudium? en,  
quam facile sit, brevi labore, æternam  
mereri gloriam? minime Deus obsequia  
numerat, & in pretio habet: pilos nu-  
merat, per caput sparsos, & guttas san-  
guinis pro se fusi non numerabit?

Liceat ergo cum B. Hieronymo pro-  
clamare: O quanta beatitudo, pro par-  
vis magna recipere, æterna pro brevi-  
bus, & habere Dominum debitorem?  
At durum est, inquis, tam multa quo-  
tidie pati, durum est mori, sint licet ce-  
tera facilia omnia. Quid, mi Christiane,

\* *Marc. cap. 3.*

& ina-

& inaniter quereris, & pueriliter? an nescis illud? scio me ascendere, ut descendam? virere, ut arescam;adolescere, ut senescam; vivere, ut moriar; mori autem, ut sim beatus æternum: \* Spera ergo in domino, in sæculis æternis, in domino Deo forti in perpetuum. Augustinus † adhuc mihi in mente est, qui de verbis Domini: Conclufit, inquit, Dominus, cum hæc verba diceret; sic: *Ibunt isti in combustionem æternam, iusti autem æternam: hæc est vita æterna quæ nobis promittitur, quia amant homines vivere in hac terra, promissa est illis vita: & quia multum timent mori, promissa est illis æterna vita. quidamas? vivere. hoc habebis, quid times? mori. non patieris. Sed & illi qui torquebuntur in pænis, velle habent mori & non possunt: non ergo magnum est, diu vivere, aut semper vivere, sed magnum est Beate vivere.*

Ergo in cælo viues, non moriturus: illic beate viues; nam nec mala patieris, nec pati poteris. Ibi quod optabis possidebis, & possidere desiderabis, pelli possessione non poteris, & hoc te satiabit. Eo certe famem & sitim suam omnem differens David ‡: Satiabor, inquit, cum apparuerit gloria tua. Nova & mira vox in rege: mensam cibus offertissimam habet, & quasi famelicus saturitatem sperat, ex mensa non sua: prorsus esuriebat David alienas dapes, & ardentem sitiebat cæleste nectar. quid enim est omnis regum omnium luxus; inopia merissima, & mendiculorum ollulæ, si cæleste cogite-

tur

\* Isaias 26. † Serm. 64. ‡ Psal. 16.



tur epulum. \* Comedite, dicet rex cæli, & bibite, & inebriamini charissimi. Convivium hoc finem non habet; nihil illi triste succedet: quod hodie est, æternum erit. Neque hîc se continet Augustinus † quin iterum exclamet: *O vita vitalis, vita sempiterna, & sempiterne beata, ubi gaudium sine mœrore, requies sine labore, opes sine amissione, sanitas sine languore (vere nil tale in hac vita) abundantia sine deflectione, vita sine morte, perpetuitas sine corruptione, beatitudo sine calamitate, ubi omnia bona in charitate perfecta, ubi plena scientia in omnibus & per omnia, ubi præsens majestas Dei conspicitur, & hoc vita cibo, mens intuentium satiatur; vident semper, & videre desiderant, sine anxietate desiderant, & sine fastidio satiantur.*

Et ut scias, mi Christiane, hanc tam excellentem gloriam, has tam sublimes opes, hoc regnum emi posse, audieundem Augustinum \*: *Venale est*, ait Augustinus, *venale est, quod habeo, dicit tibi Deus: eme illud. Quid habes venale? Requiem, inquit, venalem habeo? eme illam, dicis ei: quantum valet? pretium ejus labor est quanto labore digna est requies quæ non habet finem? Si verum vis comparare, & verum judicare, æterna requies æterno labore recte emitur. Verum hoc est: sed noli timere; misericors est Deus. Si enim haberes æternum laborem, nunquam pervenires ad æternam quietem. Ergo ut aliquando pervenias ad id quod emis, non in æternum laborandum est;*

\*\*\*

\* Cant. cap. 5. † Manuali cap. 7. de gaud. par. \* In Psal. 93, post. med.

*non quia non valet tanti, sed ut possideatur quod emitur. Digna est quidem emi labore perpetuo, sed necesse est ut labore temporali ematur. Ergo ad laborem, ô Christiani, nos ipsos cum eodem exhortemur.*

*\* Ponamus nobis ante oculos talem vitam, cum promittitur Aeterna, ut removeamus ab illa quidquid hic molestum patimur: facilius enim inveniemus quid ibi non sit, quam quid ibi sit. Et tamen venale est; eme, si vis, nec multum exastues de re magna, propter pretii magnitudinem: tantum valet, quantum habes. noli querere quid habes, sed qualis sis. Res ista te valet: tantum valet, quantum es tu. Te da, & habebis illam; quid exastuas? quid turbaris? numquid quaesiturus es te, aut empturus es te? Ecce, tu qui es, qualis es, da te & habebis illam. Sed malus sum, inquires, & forte me non accipit? Dando te illi, bonus eris. Ut huic fidei promissionique te des, hoc est bonum esse. Cum autem bonus fueris, pretium ipsius rei eris, & habebis non quod dixi solum, salutem, incolumitatem, vitam, & sine fine vitam: non hoc solum habebis, adhuc alia tollo. Non enim ibi erit lassari & dormire, esurire, & sitire, crescere & senescere, quia nec nasci erit, ubi numeri integri manent. Numerus qui est, ipse est, nec opus est ut augeatur, quia non ibi sit. ut minuaturl. Ecce quanta tuli, & nondum dixi quid ibi erit, quia illud nec oculus vidit, nec auris audivit, nec in cor hominis ascendit. Unde enim ascenderet in cor meum, ut dicerem, quod in cor hominis non ascendit.*

Et

*\* De verbis Dom. Serm. 64. cap. 2.*

*† 1. Cor. cap. 2.*

Et quia hic per Augustini libros, quasi per hortos ad cœlestem paradysum deducti sumus, ejusdem disertissimi & sanctissimi doctoris verbis priora contignemus.

\* Si quæstidie, inquit, oporteret omnia nos tormenta perferre, si ipsam gehennam longo tempore tolerare, ut Christum in gloria sua videre possemus, & sanctis ejus sociari, nonne dignum esset pati omne quod triste est, ut tanti boni tantæque gloria participes haberemur? Insidicntur ergo demones, parent suus tentationes, frangant corpus jejunia, premant carni vestimenta, labores gravent, vigilia exsiccent, clamet in me iste, inquietet me ille, frigus incurret, conscientia murmuret, calor urat, caput doleat, pectus ardeat, infletur stomachus, palleascit vultus, infirmer totus; deficiat in dolore vita mea, & anni mei in gemitibus, ingrediatur putredo in ossibus meis, & subter me scateat, ut requiescam in die tribulationis, & ascendam ad populum accinctum nostrum. Quæ enim erit justorum gloria? quam grandis sanctorum letitia, cum unaquæque facies fulgebit ut sol? cum ordinibus distinctis populum suum Dominus in regno patris sui cœperit recensere, & meritis atque operibus singulorum promissa præmia restituet, pro terrenis cœlestia, pro temporalibus sempiterna.

Cogita ergo dies antiquos & Annos Aternos in mentem habe; Aternitatem Cogita, ô mi homo, Cogita, Cogita æternantes poenas & æternantia gaudia, nec unquam (securus polliceor) de ulla re adversa conquereris; vox

M

illa

\* Manuali c. 15.

illa tibi nunquam excidet: hoc grave nimis, hoc intolerabile, hoc nimis durum est; omnia tolerabilia esse dices & facilia, nec unquam tibi magis placebis, quam cum eris afflictissimus.

Refert Joannes Moschus\*, Olympium singularis patientiæ sedem, in cœnobio Gerasimi ad Jordanem quasunque molestias patientissime tulisse, intuitu æternorum; cumque eum de via nescio quis religiosus hospes convenisset, nec sine admiratione objecisset: Et quomodo tandem, mi Olympi, in hac cavea, in tanto æstu, inter cyniphes & muscarum examina, durare potes? subjecit Olympius, & Fili, inquit, hæc levia sunt: ista tolero, ut cruciatus illos intolerabiles, æternos evadam; cyniphes patior, ut vermem effugiam immortalem; hos æstus perferre facile est ei, qui ignem metuit æternum: hæc mea etsi molesta sint, sunt tamen brevia, & finem habebunt, illa nullum. Veritas te amet, Olympe, & sapientia; tam enim hæc sapienter, quam vere dixisti. Utinam essent multi qui hæc tecum cogitarent, multi quoque forent qui hæc tecum tolerarent.

### III. *Epilogus dictorum omnium.*

**Z**Euxes inter prisce ævi pictores laudatissimus, operi suo morosus & diutius quam artifice tam eximio conveniret, immorari dicebatur; cumque interrogaretur; Cur tam exacte quaquaversum omnia, & tam moroso lentoque penicillo

effin.

\* Cap. 141.

effingeret? Diu, respondit, pingo, *quia eternitati pingo*. Et nos quoque omnes *eternitati pingimus*, quicquid enim operum facimus, sic ad æternitatem spectat, ut quivis vere dicere possit: *Æternitati scribo, lego, canto, oro, laboro; quicquid facio, dico, quicquid etiam cogito, Æternitati cogito*. Quod si hæc nostrorum laborum omnium est ratio, non ergo volante aut oscitante, sed attenta pingamus manu, ut perfecte elaborata opera, in Æternitatem transmittamus: omnia certo eo mittenda sunt, vel ad supplicium, vel ad præmium. Repero millies repetenda & inculcanda: semel cogitatum, dictum factumque semel, Æternum est.

\* S. Gregorius. Vigilanti cura, inquit, per cuncta opera, intentio nobis nostra pendenda est, ut nil temporale, in his quæ agit, appetat, sed totam se in soliditate Æternitatis figat. In omnibus ergo operibus tuis esto perfectus, ora, stude, patere, certa, labora Æternitati: vive Deo vive cælo, vive Æternitati.

Vere D. Bernardus †: Non transeunt, inquit, opera nostra ut videntur, sed temporalia quæque, veluti Æternitatis semina jaciuntur: stupebit insipiens, cum ex hoc modico semine copiosam viderit exurgere messem, seu bonam, seu malam, pro qualitate sementis. hoc qui cogitat, nullum parvum putat esse peccatum, eo quod futuram messem potius æstimet quam sementem.

O periculosam & miserabilem filiorum

M 2

Adæ

\* *Lib. II. in Job. † Serm. 25. ad Cler.*

Adæ infaniam ! ad infinitorum ac æternorum bonorum possessionem conditi sumus, ut quid nos ipsos toto affectu ad fugaces vanissimasque regulas abjicimus ? Deus nos cæli hæredes, Æternitatis possessores scripsit, quid tam avido terram inhiamus, in vanitatum nostrarum involucris misere perituri ? Sapiamus, dum licet, & vivamus Æternitati \* magnisque quotidie passibus ad eam tendamus. Via brevis & angusta, terminus est amplissimus.

Sed ô miseros nos, aut fatuos ! Æternam obtinere vitam volumus, & nolumus viam insistere ad vitam : illic esse cupimus, illuc ire refugimus. Nemo est qui beatus esse nolit. Nemo est, inquit, Augustinus, quocunque genere vitæ electo, qui non beatam vitam cupiat. *Beata ergo vita communis est omnium possessio ; sed qua veniatur ad eam, qua tendatur, quo itinere tanto perveniatur, in controversia est, ac per hoc si queramus beatam vitam in terris, nescio utrum invenire possimus : non quia malum est, quod querimus, sed quia non in loco suo querimus. Alius dicit: beati qui militant. negat alius, & dicit: beati qui agrum colunt. & hoc negat alius, & dicit: beati qui in foro populari claritate versantur, causasq; defendunt. & hoc alius negat, & dicit: beati qui judicant & potestatem habent audiendi & discernendi. negat hoc alius & dicit: beati qui navigant multas regiones, discunt multa, colligunt lucra. Videtis, charissimi, id omni illa multitudine generum vivendi non placere unum omnibus, & tamen beata vita placet omnibus.*

Bea-

\* Serm. de Mart. qui Massa cand. vocant. c. 2.

Beatitudo ergo non hic exspectanda, sed alibi quærenda, nec nisi per bonam mortem invenienda. Etiam mali bonam mortem appetunt, sed bonam vitam frugiunt, bene mori felicitatis est; bene vivere, laboris: illud sine isto non obtinetur. *Æternitas à morte pendet, mors à via bona vel mala. elige nunc: periisse semel, Æternum est periisse.*

Anni sunt non multi, cum vir alti sanguinis, & perspicacis ingenii, sed religionis novitiæ, interrogatus, Quid de austerâ religiosorum hominum, quid de aliorum licentiorè vita sentiret, respondit: Cum istis mallem vivere, cum illis mori mallem. argutè hoc quidem; sed etiam Christiane sic respondere potuisset: Cum iis vivere volo, quibuscum moriturum me censeo. Sic & Balaami votum non malum fuit: *Moriatur anima mea morte justorum*: sed prudentius, sibi que utilius dixisset Balaam: *Vivat anima mea vita justorum: ut moriatur morte justorum* quisquis enim vitam piorum vivit, mortem quoque piorum obibit: quisquis vitam degit impiorum, eorundem & morte interibit idque semel, & semper, & Æternum.

‡ Lamachus Centurio, admissi erroris increpabat militem, qui ut culpam dilueret, deinceps nil tale admissurum se promisit. Cui Centurio: In bello, inquit, bone vir, non licet bis peccare. In morte, eheu, nec vel semel quidem peccare licet: nam hoc tale peccatum est irrevocabile; semel mortuus es, semper mortuus es: semel

M 3

male

\* Num. cap. 23.

‡ Plur. in Lac.

male mortuus es, semper damnatus es, hanc mortem corrigere, hanc damnationem excutere, per omnem æternitatem non poteris.

Turpem, ajebat Iphicrates Imperatoris esse hanc vocem: *Non putaram*. Tarpior est & longe damnosior hæc Christiani: *Non putaram* inter castam & voluptariam vitam tanti interesse: *Non putaram* ab ea totam pendere Æternitatem, tam cito me moriturum sane *Non putaram*. Eheu quam somnolenter Æternitatis negotium agimus! cum mortalis hæc vita nostra, nec momentum quidem sui certum habeat: certoque sit certius hinc esse emigrandum, & quidem incertissima hora, cumque hora illa venerit, non tam vixisse tibi videberis, quam momento ad mortem evolasse. Inquilinus es, non possessor: \* domus locata est tibi, non donata; et si nolis, migrabis. non habemus hic manentem civitatem.

Quærit Baruch † divinus vates: *Ubi sunt principes gentium, & qui dominantur super bestias quæ sunt super terram? qui argentum thesaurizant & aurum, & non est finis acquisitionis eorum? nunquid regna sua & gloriam adhuc retinent; Et respondet ipse sibi Propheeta: Exterminati sunt, & ad inferos descenderunt, & alii loco eorum surrexerunt*. Migrarunt, inquit, nam inquilini erant, non possesores; domus eorum aliis locatae sunt, illis ejectis & ad inferos ablegatis. Si quærat, ubi sint cœli principes, qui empyreum illud sublime pala-

\* *Aug. in Psal. 148.* † *Cap. 3.*



palatium incolunt, responderi non potest, exterminatos esse, & alios eorum loco surrexisse, sed in regno cælesti permanere, nec ab ullis unquam successoribus extrudendos.

\* Coronemus nos rosis, ajunt illi solutæ & deploratæ vitæ homines; nimirum rosis se se coronant perituri, quarum & decolor & odor die uno evanescit: at gemmis coronantur beati: & lapillis pretiosissimis, quarum venustas non perit. † In capite admirandæ illius feminæ corona est non rosarum ex horto, non gemmarum è mari, sed stellarum è cælo. Sicut ergo cælestes orbis sunt incorruptibiles, ita qui illos habitant, stabiles & immortales; \* *Iussi autem in perpetuum vivent.* Mundana omnia caduca, cælestia sunt sempiterna. Hic labor nos fatigat non longus, illic quies nos excipit æterna. Et quid quietem ambimus ante finem laboris? adhuc in arena, in pulvere, in cursu sumus; sudandum, perirumpendum, eluctandum est.

Optime D. Gregorius †: Si consideramus, inquit, quæ & quanta sunt quæ nobis promittuntur in cælis, vilescunt animo omnia quæ habentur in terris. Quæ autem lingua dicere, vel quis intellectus capere sufficit, illa supernæ civitatis quantitas sunt gaudia; Angelorum choris interesse, cum beatissimis spiritibus gloriæ Conditoris assistere, præsentem Dei vultum cernere, incircumscriptum lumen videre, nullo mortis metu affici, incorru-

M 4

ptio-

\* Sap. 2. † Apoc. 12. \* Sap. 5. † Rom. 1.3.  
in Euangel.

prionis perpetuæ munere lætari ? Sed ad hæc audita inardescit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde & Paulus egregius prædicator dicit: *Non coronabitur nisi qui legitime certaverit.* Delectet igitur mentem magnitudo præmiorum, sed non deterreat certamen laborum, progrediendum est, & in progressu perseverandum, nec viæ asperitas, sed patriæ beata æternitas consideranda: quod idem sanctus doctor eleganter explicans, \* Hoc, inquit, speciale specimen electorum esse solet, quod si sciunt præsentis vitæ iter carpere, ut per spei certitudinem noverint jam se ad alta pervenisse, quatenus cuncta quæ præterfluunt, sub se esse videant, atque omne quod in hoc mundo eminet, amore æternitatis calcent: hoc enim est quod sequenti se animæ dominus per Prophetam dicit: *Sustollam te super altitudines terræ.* nam quasi quædam inferiora terræ sunt: damna, contumeliæ, egestas, abjectio, quæ ipsi quoque amatores sæculi, dum per latæ viæ planitiem ambulant, vitando calcare non cessant. Altitudines autem terræ sunt, lucra rerum, blandimenta subditorum, divitiarum abundantia, honor & sublimitas dignitatum, quæ, quisquis per ima adhuc desideria incedit, eo ipso alta æstimat, quo magna putat. At si semel cor in cælestibus figitur, mox quam abjecta sint, cernitur, quæ alta videbantur, nam sicut qui

\* Lib. 31. moral. cap. 34.

qui in montem conscendit, eò paulisper cetera subiacentia despicit, quo ad altiora gressum amplius tendit; ita qui in summis intentionem figere nititur, dum an-nisu ipso nullam præsentis vitæ gloriam esse deprehendit, super terræ altitudines elevatur, & quod prius in imis desideriis positus, super se credidit, post ascenden-do proficiscens, sibi subesse cognoscit.

Huic, beati Grægorii ratiocinationi aureum divi Augustini \* documentum non erit incongruens: Quod aliquando per necessitatem amittendum est, pro æterna remuneratione sponte distribuendum est. Diu vixit Moyses & sanus vixit, tandem vivere desiit: diutius vixit Ma-thusalem, sed & is tandem è vivis abiit, & mortuus est †. Hoc omnium nostrum epitaphium: *Et mortuus est*. Omnes morimur, & quasi aquæ dilabimur. Animus immortalis est & æternus, in æternum vi-ver, vel ad præmium vel ad supplicium. Hic aleam jacimus, aleam Æternitatis ir-revocabilem, ô felix æternitas, ô æterna felicitas! qui sit quod raro, tam modice, tam obiter de te cogitemus; qui sit quod tui causâ non magis laboremus, non ma-gis solliciti simus? O Deus meus & omnia, aperi oculos nostros, ut cognoscamus quid sit, quam immensâ sit, quam felix vel misera sit Æternitas. Creasti nos ad te, creasti nos Æternitatem, quia tu es Æter-nitas, tuæ nos Æternitati, participes facere voluisti, iussisti, sanxisti; da ut momentum

M 5

hoc

\* *Tract. 3 de 12 abus. grad. Deut. cap. 34.*

† *2. Reg. cap. 14.*

hoc temporis pie sancteque expendamus, ut in eo laboremus *Æternitati*, patiamur & certemus *Æternitati*: utque idem omnibus inclamemus, & quotquot possumus, animas in æternum perituras, servemus. Audite Christiani, audite Pagani, audite Reges, & Principes, audi Germania, audiat orbis:

*Nulla satis magna securitas, ubi periclitatur Æternitas.*

Olonga, ô profunda, ô abyssalis, ô æterna *Æternitas*! Beati qui habitant in domo tua, Domine, in montibus æternis, per infinitas sæculorum myriades laudabunt te,

Moses funeri suo jam proximus, sanctis Israëlem precationibus Deo commendans, ultimo loco Aferitarum genti sic valedixit: \* *Benedictus in filiis Afer, sit placens fratribus suis, & tingat in oleo pedem suum, ferrum & æs calceamentum ejus: sicut dies juventutis tue, sic & senectus tua. Non est Deus alius, ut Deus rectissimi. Ascensor cæli auxiliator, tuus. Magnificientia ejus discurrunt nubes, habitaculum ejus sursum, & subter brachia sempiterna.* Ita per cælum Deus in immensum protendit potentia suæ brachia, & sub hisce ejus brachiis, omnis hic mundus, omne tempus, omnesque res hujus mundi continentur, decurrunt & diriguntur: ita Deus ab initio imo ab æternitate Prædestinationis suæ, habitaculum fuit omnium proborum, quos & complectitur, protegitque quasi quibusdam æternis, & continuis bra-

\* *Deut. cap. 33.*

brachiis. Adscende igitur & ingredi  
hoc habitaculum tuum, o anima, quæ  
hic cum gleba & luto luctaris; exten-  
de te & ascende ad ascensorem cœli,  
ad Deum tuum qui habitat in altissimis  
montibus *Æternitatis*. Ibi in tuto locata,  
in terram despice, & vide quam  
modica sint, quæ hic te sui vel  
cupiditate alliciunt vel terro-  
re percellunt: vide quam exilia  
sint omnia, quæ hoc terræ pul-  
ceto continentur: vide quam præ  
Deo, præ *Æternitate* omnia  
sint vana, sint infirma, sint  
brevia, imo quam vile & magnum  
inane, quam imo *grande nihilum*  
sint *Omnia*. unum ergo  
summum & immentum bonum  
ambi cetera parvi æstima: Deo  
nitere, in Deo dilatare: pedibus  
tere quicquid sub sole, sub luna,  
vel blandum allicit, vel terribile  
minatur, æterna cogita, illudque  
beati Hieronymi apud animum  
tuum assidue revolve; nullus  
labor durus, nullum tempus  
longum debet videri, quo gloria  
*Æternitatis* acquiritur.

\* Cacodæmon olim camelum  
obsidens, ad divinum illum  
Hilarionem adductus, terribilem  
in modum cœpit furere, quasi  
virum sanctum jam devoraturus.  
Cui Hilarion: Non me terres,  
inquit, diabole, tanta mole  
corporis; in vulpecula & in  
camelo idem & unus mihi es.  
mox ferociens hic camelus,  
coram eo corruit, & in  
ridiculam mansuetudinem abiit  
omnis prior truculentia. Talia  
sunt omnia blandimenta,  
omnia tentamenta Mundi,  
& terri culamenta omnia,  
quid speras?  
quid

\* *Hieron. in vita Hilarion. cap. 18.*

quid times ? quid amas ? Ascensor cæli  
 auxiliator tuus : ipse brachiis tuis sem-  
 piternis te complectitur : iidem & ho-  
 stes tuos, qui te vel alliciunt vel territant,  
 sic arcte stringit, ut omnes unum manu, ve-  
 lut musculas possit elidere. Erit libidi-  
 nis aut gulæ voluptas te sollicita ? mo-  
 dica est, despice, æternam voluptatem  
 cogita. terrent te minæ, premunt ærum-  
 næ, contemptus affligit, infestat morbus,  
 fatigat occulta paupertas ? modica sunt  
 hæc omnia, & quo acerbius in te sævi-  
 unt, hoc & brevius: despice hæc. & cœ-  
 lum suspice, æternitatem cogita. \* *Non  
 contristabit iustum quicquid ei acciderit.* Si  
 vel cœlum ruat, impavidum illum ferient  
 ruinæ. Ergo nunquam tristis iustus ? ergo  
 nulla illum incurrit tribulatio ; nequa-  
 quam ; † multæ tribulationes iustorum,  
 sed illi mala ejusmodi omnia, pro ludicris  
 habent ; solum illud verè malum existi-  
 mant, quod æternum est, quod à Deo se-  
 parat, uti separat peccatum, & peccati sti-  
 pendium æterna mors. ‡ *Non contemplantibus  
 nobis quæ videntur, sed quæ non videntur*  
 (ait doctor Gentium) ea demum verè  
 magna sunt, seu bona, seu mala.

At nos qui tam raro contemplamur  
 quæ non videmus, quam adulti aut quam  
 senes pueri sumus ? ob excussam manibus  
 glaciem ploramus, quam retinere non  
 possumus : circa umbras attoniti stamus,  
 & in somniis altum sapimus : tabescimus  
 in iis, quæ non tantùm transibunt paullo  
 post, sed & jam transeunt, non præteribit  
 figu-

\* *Prov. cap. 12.* † *Psal. 33.* ‡ *2 Cor. cap. 4.*

figura hujus mundi, sed jam præterit; in ipso est transitu: & sicut bona ista omnia, quibus hic afficimur instabilia sunt, sic mala omnia, quibus premimur, non diuturna sola illa quæ non videntur, perennem habent statum, finem ignorant, terminum non admittunt, mutationem nesciunt, stabilia, immota, æterna sunt. Repeto millies & usque millies repetendum Hieronymi monitum: Nullus labor durus, nullum tempus longum debet videri, quo gloria Æternitatis acquiritur.

\* Symphorianus, Christianus adolescens, non simplici flagrorum laniena defunctus, cum jam ad ultimum supplicium Augustoduni duceretur, occurrit in via mater, sed salvis capillis, sed tecto pectore, nec muliebriter ejulans, verum prout heroidem decebat Christianam: Nate, exclamat, mi nate, memento æternæ vitæ cælum suspice, & ibi regnantem intueri: non eripitur tibi vita, sed mutatur meliore. Materna hac voce animatus juvenis, ferro jugulum constanter præbuit.

Et nos, ô mei Christiani, jam *ducimur*. Ad mortem, supplicium supremum, omnes jam imus, sed passu lentiore, cuncti nobis cælites acclamant: *Memento æternæ vitæ, cælum suspicite: & hic regnantem intuemini*. Hic te Symphorianum gere, quisquis Christianus es: te ipsum labori & luctæ ne subtrahe, & vel ferrum, si opus, pro Christo tuo fortiter excipe. hic aude, hic animum ostende, & cum tentaris, cum doles, tristaris, angeris; cum con-

tem-

\* *Surius 22, Aug.*

## 190 CONSIDERATIO.

temneris, rideris, infamaris; cum spoliaris, varieque supra Iohannem cruciaris, Symphorianum & mille Christianos alios imitare, & constanti pectore, vel milies in liberam hanc vocem erumpe: Quid hoc est: *Mansum* est, *Breve* est, valete mihi *Omnia*, tu sola jam mihi salve *Æternitas*.

## F I N I S

*Æternitatis nullus.*

## I N D I C U L U S.

## CONSIDERATIO I.

Quid sit Æternitas? pag. 9.

I. *Variis veterum de Æternitate sensus, & picturis.* II

II. *Arcanus scripturae sensus aperitur.* 17

III. *Æternitatis locus, cur Mansio dicatur.* 21

## CONSIDERATIO II.

In quibus natura representet Æternitatem. 23

I. *Quanam apud inferos sint æterna.* 26

II. *Cur gehenna ipsa sit æterna.* 30

III. *Alii ad æternitatem Natura ductus.* 34

## CONSIDERATIO III.

In quo potissimum æternitatem suam Romaniveteres collocarint. 37

I. *Quantam Romani à vera æternitatis via aberrarint.* 45

II. *Melior priore ad æternitatem via.* 50

III. *Hanc viam sollicite esse indagandam.* 57

CON.



# INDICULUS.

## CONSIDERATIO IV.

Quomodo B. David æternitatem sit meditatatus, & quæ illius in hoc imitandi ratio. 65

I. *Diverse ad æternitatem cogitandam admonitiuncula.* 67

II. *Omnes Arithmetica numeros & leges transilit Æternitas.* 71

III. *Considerata æternitatis effectus.* 75

## CONSIDERATIO V.

Quomodo alii, etiam improbi æternitatem sint meditati. 81

I. *Hominis & araneæ labore collati.* 85

II. *Quæ in mundo sit omnium optima questio.* 87

III. *Quomodo Deus hic puniat, ut ibi percat. inauditum exemplum.* 89

## CONSIDERATIO VI.

Quomodo Scriptura, sancti Patres, Ecclesia, æternitatem meditandam ingerant. 93

I. *Sanctorum Patrum, & Ecclesiæ circa hoc responsa.* 96

II. *Scripturæ divinæ clara de æternitate testimonia.* 104

III. *Omnia Modicum præter Æternitatem.* 108

## CONSIDERATIO VII.

Quomodo Christiani pingant Æternitatem. 115

I. *Christus invitans.* 117

II. *Adam lamentans.* 119

III. *Corvus crocilians.* 122

CON:

## INDICULUS.

### CONSIDERATIO VIII.

Quomodo Christianis non tam pingenda, quam meditanda sit Æternitas. 133


- I. *Non rem tantum sed spem omnem præscindit æternitas.* 135
- II. *Æternitas mare est, triceps hydra est, sed & fons est omnis gaudii.* 138
- III. *Æternitatis gustus quanti sit, illustri exemplo declaratur.* 140

### CONSIDERATIO IX.

Conclusiones septem, circa has de Æternitate considerationes. 149

- I. *Æternæ mortis supplicium.* 164
- II. *Æternæ vitæ præmium.* 171
- III. *Epilogus dictorum omnium.* 178





RC845231

OC = OC. =





